



نیب ۱۸

www.neabinternational.org
info@neabinternational.org

اڈیٹر، پبلشر: منیب الرحمن
مشاورت: امین کامل

نیب آواہن کامل سندس ادارتس منز اکتوبر ۱۹۶۸ پٹھ
اکتوبر ۱۹۷۱ تام سرینگرہ پٹھ کڈنہ۔ اتھ دوران درائے امکو
۱۷ شمارہ۔ جون ۲۰۰۵ پٹھ چھ نیب دبارہ ورلیں منز ژورل
(مارچ، جون، ستمبر، دسمبر رتن منز) باسٹن پٹھ کڈنہ
یوان۔ کشمیر منز گوہن نگارشات خلیق الرحمن سید ذریعہ
باقے ہندوستانس منز فیاض دلبر سید ذریعہ ہندوستانہ ہیر
منیب الرحمن سید ذریعہ سوزنہ پٹھ
خلیق الرحمن سند پٹھ چھ

Khaleequr Rahman, Budshah Nagar,
Natipora, Srinagar 190015

فیاض دلبر سند پٹھ چھ

Faiyaz Dilbar, 323 D Shipra Suncity,
Indrapuram, Ghaziabad, UP

تہ منیب الرحمن سند پٹھ چھ

Muneebur Rahman, BLI Translations
648 Beacon Street, Boston, MA 02215 USA

نیبس منز شامل نگارشاتق منز ظاہر کر نہ آمتن خیالن تہ راین
سٹر چھ نہ ادارک اتفاق ضروری، نہ چھہ ادارک پٹھ یمن
ہنز کا نہ ذمہ داری۔ اکھ قابل قبول معیار قایم کر نہ کہ غرضہ
ہیکو کھ نہ آ وصول سپدن والو ساری نگارشات یاتس ہندو
ساری حصہ شامل کرتھ۔ ہندوستانس منز فی شمارہ 12 RS،
سالانہ 45 RS۔ کیون عرب تہ یورپی ملکن منز فی شمارہ
\$7، سالانہ 25 \$۔ ڈاک خرچ الگ پاچھ۔ تم تمام ملکن
خاطرہ یمن ہنز کرنی ہند تادہ نرخ ڈالرس مقابلہ سبھا کم
چھ، بیہ مول الگ پاچھ مقرر کر نہ۔ نیب ڈاک کہ ذریعہ
منگوانہ خاطرہ گوتھ پٹھ یمن پٹھ لکھن۔ ڈاکس منز
روومت پر چہ بیہ دبارہ کہ مزید خرچہ وراے سوزنہ بشرطیکہ
ایچ اطلاع بیہ پر چہ شایع سپدن والہ رٹلس اندس تام
کر نہ۔

مل درقس پٹھ نیب ناوک ڈیر این چھ مایہ ناز تصور مرحوم غلام
رسول سنتوشن بنوومت تہ واٹر کلر چھ مرحوم شورا بشیر

منز سوم

جون ۲۰۰۵

- ۲ نیبہ دو
- ۳ نیب کس املاہس متعلق ضروری وضاحت
- ۶ ژوک مؤدر
- ۹ امین کامل داہ غزل
- ۱۴ ترجمہ آغا شاد علی تہ امریکی غزل
- ۲۷ ترجمہ رابرٹ پلیم سندر غزل
- ۳۰ رابرٹ بلیے ژور غزل نظمہ
- ۳۴ ہردے کول بھارتی پتہ سپدیہ
- ۳۶ رفیق راز کا شرس منز عروضک جواز
- ۴۱ منیب الرحمن عربی عروضک ایجاد کار، خلیل
- ۵۶ شفیع شوق تربہ نظمہ
- ۵۸ فیاض دلبر ماہ جائے پوکا تہ یاد شورا بشیر
- ۶۱ سنیتا رینہ پنڈت شپ غزل
- ۶۴ کہوچہ سام
- ۶۶ بیہ شمار چھغلہ ہند تعارف
- ۶۷ خبر نامہ

بنوومت۔ یہ پر چہ چھو ہندوستانس منز میانی دوستن پٹنس
پر بسس پٹھ (ممل پرپس دلی) سبھا رعایت سان۔ امہ
خاطرہ چھس بہ تہند تہ پٹنس پٹنس دوست تہ فریک برادر
پہلنگ ہاوس کس پروڈشن انچارج اندر تلوار سند تہ شکر
گڈاریک اتھ سلسلس منز مہ اتھ روٹ کور۔
ساری حقوق چھ محفوظ۔

نیہہ دو

کاشر ادبک ژونگ گاشراون والین لکھارین تہ پرن والین ہندس خدمتس منز چھ نیب دبارہ حاضر۔ از بروہہ ۳۵ وری یمہ شوقہ تہ ذوقہ سان، تہ یمہ تہذیبہ تہ معیارہ سان یہ رسالہ کامل صابن کوڈ، تمیک یاداش چھ نہ پتو وری گذرنہ پتہ تہ پرانیک ناوہوان۔ پوز چھ یہ زسائس ادبی اندر کلہس منز چھ یمہ رسالک احساس از تہ تازہ۔ شکر چھ، یہ رسالہ دبارہ جاری کرنک میون شوق بیوتن پوتس کشیر نش یوت دورتھ بابل ین۔ پنج روزہ ادبی ماحول بیدار کرنج کوشش لیس امہ کہ جاری گڑھنہ تہ پیدہ گیا، تہ کاشر ادبک ژونگ نوس ادبی صورت حاس منز گاشدار تہ تابناک بناونج کوشش کچ کلہس از سر نوضورت چھہ۔ خوش قسمتی ہنز کتھ چھہ ز رسالہ کس دؤیمس زئمس تہ چھہ کامل صائر سر پرتی حاصل تہ وومید چھہ پرن والین ہند اتھ روڈ تہ سپدلس نصیب۔

نپس منز جن کاشر زبانی منز عالمی سطحس پٹھ لیکھنہ ینہ والر چیدہ چیدہ ادب پارہ، بشری کیونظی، تہ تنقیدی کیونظی مضمون تہ تبصرہ شائع کرنہ۔ امہ مزید جن باتے زبانون منز لیکھنہ آمتن سائر دلچسپی تہ تعلق تھاون والین نگارشاتن ہندی ترجمہ تہ شائع کرنہ۔ اتھ سلسلس منز چھہ تہ شاعرس منز آغا شاہد علی تہ امریکی غزلس پٹھ اکھ ریڈ یوکتھ باتھ تہ غزلے پٹھ رابرٹ بلیز سزکتھ باتھ تہ شامل۔ وومید چھہ یم دوشوے ترجمہ روزن پرن والین ہند خاطرہ دلچسپ۔

امریکی غزلس تہ چھ اسہ کاشرین دؤگن تعلق۔ اکھ یمہ رنگہ زغزلک صنف چھ سائس زمائس منز برصغیر ہندوپاک چین صرف کینو نے زبانون منز کامیابی تہ مقبولیو سان ورتاوندہ یوان یمن منز اردو تہ کاشر زبانون نمایاں چھہ۔ کاشر زبان چھہ سائی ماجزو تہ اردو چھہ ونہ تہ سائر اکثر یمہنز

لیکھہ پڑ ہنز زبانون۔ حقیقت چھہ یہ زامریکی غزل چھہ اردو غزل لکے مرہون منت۔ دؤیم تعلق چھہ یمہ رنگہ زامریکی غزل بطور اکھ صنف سنجیدگی سان قائم کرن وول تہ اتھ مقبولیت بخش وول جواں مرگ شاعر آغا شاہد علی چھہ سائر کشیر منز پرتھویمت بڈیومت تہ آخری دس تام اوس کشیر ہندن حالاتن متعلق فکر مند۔ اتھ سلسلس منز سپداو سند اکھ شعری مجموعہ A Country Without a Post Office سڈھا مقبول تہ۔ آغا شاہد علی سند اکثر ہن غزلن ہند مجموعہ Call Me Ishmael Tonight سپد ۲۰۰۲ ہس منز تہ سند مرنہ پتہ شائع۔ ۲۰۰۱ کس منز گر پانہ تہ غزلن ہنز اکھ سومبرن Ravishing Dis-Unities ناوہ مرتب۔ تہ منز بہرہ پٹھ کیوکلین بڈن امریکی شاعرن ہندی غزل شامل چھہ۔ امریکی شاعری منز رنگہ کین صنفی تہ معنوی لوازماتن ہنز زان کرناونک بیکہ ہے نہ امہ کھو تہ بہتر پیہ کانہ وقت آستھ۔ کینو شاعر و۔۔ مثلاً رابرٹ بلیز، اڈرن رچ تہ ڈبلیو اس مروان بیتز۔۔ اسی بروہے اردو غزلن ہندی ترجمہ کرؤم تہ کینہہ نام نہاد غزل پانہ تہ وڈی مت۔ وچ بڈ خوشگوار اوس یہ زامریکی شاعری منز اوس صنفی لوازماتن، بیتی تقاضن تہ عروضی ضرورتن تہ شاعرن ہنز دلچسپی دبارہ قائم سپز مژ۔ دؤیمین لفظن منز امریکی شاعری ہند قاری اوس غزل کو صنفی زاوجار قبول کرنہ خاطرہ تیار تہ آغا شاہد علی ہیو ہنرمند تہ قابل شاعر تہ اوس موجودیس اردو غزل کین زاوجارن تہ تہ امریکی شاعری ہندن زاوجارن ہند تہ واقف کاراوس۔

— منیب الرحمن

نیب کس املاھس متعلق ضروری وضاحت

یہ رسالہ املا چھ عام پاٹھک ورتاؤنہ بینہ والہ املاش رٹھ کھنڈ مختلف۔ بڈ تبدیلی چھہ اعرابن ہندس ورتاؤس منز۔ چونکہ اعراب چھہ نہ امہ رسم الخط کہ عام ورتاؤ کی حصہ، لہذا گوتھہ یہند ورتاؤ کا شرس منز تہ یوت نہ تیوت کم سپدن۔ اسی چھہ اعرابن ہنزہ تندلہ غیر ضروری طور ورتاؤان۔ مثالہ پاٹھک نموکھ نم زہ اقتباس۔ اکھ چھہ محمد یوسف ٹینگ صابن تحریر تہ بیا کہ حمن راہی صابن۔ اکھ چھہ کنوہشتہ ستھس دوران لیکھنہ آمت تہ بیا کہ چھہ کنوہشتہ نم نم تھس دوران۔ یعنی کاشر املاک لیس حال تیلہ اوں سہ چھہ از تہ۔

”یہہ بڑوہہ ہم تریئے جلد چھاپ کرنہ آمتز چھہ تمن منز چھہ الہ پلہ ۱۹۲۰۰ لفظ تہ ہندس مانے ہندس درج۔ تھہ ژور مس جلدس منز چھہ ”ز“، اچھر پٹھہ ”غ“، اچھر س تام ۲۹۷۵ لفظ تہ محاورہ ہندس سوہراونہ آمتز تہ ہندس چھہ ولس تام ڈکشنری ہندس ژون جلدن منز تقریبین ۲۹۷۵ لفظ ہندس تہ ہندس مانے درج کرنہ آمتز۔ نے چھہ وومید ز باقی اچھر ہندس وونہ اُکس جلدس منز جمع کرنہ تہ شاید ما آسہ سے کاشر ڈکشنری ہندس آمتز۔ (عرض ناشر۔ محمد یوسف ٹینگ ”کاشر ڈکشنری“ جلد چہارم)“

تھہ عبارت منز چھہ ۷۸ لفظن تلہ تہ پٹھہ ۱۰۶ اعراب تراونہ آمتز۔ پانے گرو اندازہ، ارستھہ لفظ پر نہ خاطرہ چھہ اسہ تمن اعرابن ہنزہ تقریباً ڈوڈ گنہ رزہ گنڈنہ ہوان۔ امہ پتہ ہنہ ہر لیکھنہ آمتس ہمس اقتباس منز چھہ ۵۹ لفظ مگر ۷۹ اعراب چھہ پٹھہ تہ تلہ تراونہ آمتز۔ ہم دوشوے اقتباس چھہ اعرابن ہندس فضول ورتاؤ چہ

کلاسیک مثالہ پیش کران۔

”سوہر نہ منز چھہ غزلو تہ متفرقہ ژومصر اے کیو مفر دشار و علاؤ ژور قسمہ نظمہ شامل: پابند، بے قافیہ، نیم آزاد۔ وزن چھہ مقعداری تہ ورتاؤنہ آمت تہ غار مقعداری تہ۔ بیانہ کو کلیم تہ ضمنی تقاضو مطابق تہ لہجہ چہ کھسہ وسہ کیو رفتار موافق چھہ ریوایتی عوؤ رضہ نشہ انحراف تہ سپد مت، تاہم چھہ کانہہ تہ نظم خالص نشی۔ (گوڈ کتھ۔ رحمان راہی، سیاہ رود جرن منز)“

وونہ پر یو کھیم دوشوے اقتباس کم کھو تہ کم اعرابوسان۔ یہہ بروہہ ہم تہ جلد چھاپ کرنہ آمتز چھہ تمن منز چھہ الہ پلہ ۱۹۲۰۰ لفظ تہ ہندس معنی ہندس درج۔ تھہ ژور مس جلدس منز چھہ ”ز“، اچھر پٹھہ ”غ“، اچھر س تام ۲۹۷۵ لفظ تہ محاورہ ہندس سوہراونہ آمتز تہ ہندس پاٹھک ولس تام ڈکشنری ہندس ژون جلدن منز تقریباً ۲۹۷۵ لفظ ہندس تہ ہندس معنی درج کرنہ آمتز۔ مہ چھہ وومید ز باقی اچھر ہندس وونہ اکس جلدس منز جمع کرنہ تہ شاید ما آسہ سے کاشر ڈکشنری ہندس آمتز۔

اسہ کری ۱۰۶ بجایہ صرف کاہ (۱۱) اعراب استعمال تم تہ امہ موکھ ز اسہ چھہ وونہ اعراب لگاؤ تھہ عبارت پر تک تیوت عادت گو مت ز ساری اعراب یکدم تھو دلتی باسہ عجیے ہیو۔ نہ زن چھہ نہ یمن ہنزہ ضرورتھے۔ وچھون وونہ بیا کہ عبارت کم اعرابوسان۔

سوہر نہ منز چھہ غزلو تہ متفرقہ ژومصر اے کیو مفرد شعر و علاؤ ژور قسمہ نظمہ شامل: پابند، بے قافیہ، نیم آزاد۔ وزن چھہ مقعداری تہ ورتاؤنہ آمت تہ غیر مقعداری تہ۔ بیانہ کو کلیم تہ ضمنی تقاضو مطابق تہ لہجہ چہ کھسہ وسہ کیو رفتار موافق چھہ ریوایتی

عروضہ نشر انحراف تہ سپد مت، تاہم چھبہ نہ کا نہہ
تہ نظم خالص نثری۔

تہ اقتباس منہ آے ووز ۷۹ بجایہ صرف شبہ (۶)
اعراب ورتاوندہ دوشوئی اقتباس منہ وچھوہ توہہ ز اعرابن
ہند استعمال کوتاہ مفضل چھ، خاص کر یمن ہون لفظن
منہ: لفظ (لفظ)، منہ (منہ)، درج (درج)، ڈکشنری
(ڈکشنری)، جمع (جمع)، غزلو (غزلو)، متفرقہ (متفرقہ)،
وزن (وزن)، انحراف (انحراف)، سپد مت (سپد مت)
بہتر لفظ اعراب ووز تہ آفاقی املاہس منہ چھ حکمت چھبہ
تہ۔ اکہ یہ ز اعرابن ہند کڈ کڈ چھ نہ اچھن سان تہ نظر
چھبہ نہ اعرابن ہندس گاسلا تہ منہ راوان۔ سطران درمیان
لس جابے پرچہ آسانی خاطرہ تراوندہ یوان چھبہ، سوچھبہ نہ
پٹھمہ لائہ ہندو نمبو تہ نمہ لائہ ہندو پٹھمہ اعرابو تہ برنہ
یوان۔ اعرابن ہنز فصول خرچی گپہ لیکھن والس اتھس
دگ تہ پران والس اچھن دود۔ حقیقت چھبہ یہ زیہ دوسے
شری ہجو پٹھہ پرچہ ابتدا کران چھبہ، تم چھبہ صرف دون ترن
ورین منہ لفظ اچھو تہ پر تہ شروع کران۔ بیٹے زبان چھبہ
بہر حال اچھو تہ پر نہ یوان، ہیچہ کڈتھ نہ۔ لہذا چھبہ اعرابن
ہند ورتاوندہ سراسر غیر ضروری۔ آفاقی املا گؤ ووز زیادہ تر لفظن
ہند عربی، فارسی تہ اردو املا گؤہہ برقرار روزن۔ سارنہ
لفظن ہند املا کا شرس منہ ڈالن چھ نہ کا نہہ مطلب تھاوان
تکلیا ز واریاہ مشترک لفظ چھبہ عام کا شرس صورت کڈ بروہے
ویدر تہ کا شری آسنہ کڈ چھبہ بہند پھور تہ معلوم۔ مثلاً
عوز روش چہ جایہ گؤہہ عروض، مققدار چہ جایہ گؤہہ مققدار
لیکھنہ یں۔ بلکہ گؤہن ضرورت، عبارت بہتر لفظ تہ دیشی
ہے وراے لیکھنہ تہ۔ پاد گؤہہ پیدہ تہ حاران گؤہہ
حیران بہتر لیکھنہ یں۔ بات تام نہ سائن تحریر منہ
اعرابن ہند استعمال کم گؤہہ، لفظن ہنزہ معیاری شکلہ
مقرر تہ متخص سپد چھبہ نہ کا نہہ وومید تھاوان۔ تکلیا ز

پر تھ شخص چھ لفظ اعرابن ہند ورتاوندہ کڈ پندہ پندہ پھورہ
مطابق لیکھان۔ مثلاً غرض تہ غرض، سومبرن تہ سو مبرن،
دوشوے پھور چھبہ صحیح۔ یو پٹھہ اعراب تھو دتلہ تہ چھبہ یہ
فایدہ تہ ز پر تھ شخص ہیکہ لفظ پندہ پھورہ مطابق پر تھ۔
تحریرک مقصد چھ نہ صرف تہ یوت ز اکہ باشہ زبان بیہ
اچھن ہندہ ذریعہ اکہ وسیلہ پٹھہ دیکس ولسل منہ پھرنہ،
ہو بہو نمائندگی چھبہ نہ ممکن، بلکہ چھبہ تحریری زبانی ہند بارہ
مقصد یہ زبانی اندر تہ زبانی ہندن لفظن اندر بیہ اکہ معیار
مقرر کرنہ، یہ کڈ لیکھہ پر آسان تہ معیاری اوت نہ بلکہ ممکن
تہ سپد۔ کا شرس منہ زوان ہنگہ تہ متگہ یہ مسئلہ تلہ امت ز
عربی، فارسی تہ اردو پٹھہ آتہ لفظ کتھہ پاٹھی یں لیکھنہ۔ رسم
الخط گئے آسنہ کڈ گؤ تھ نہ یہ کا نہہ مسئلہ آسن۔ ہم لفظ تھہ
پاٹھی یمن زبان منہ لیکھنہ یوان چھبہ، اس تہ ہیکہ کوک تھہ
پاٹھی لیکھت۔

نیب کہ ذریعہ چھبہ ہمہ کتھہ ہند اعلان کرنہ یوان ز از چھبہ
اس املاکس تھہ ارتقائی منزل وازی مت، بہتس غیر ضروری
اعرابن ہند ورتاوندہ نش ابترا ز کرن ضروری بنان چھبہ، تہ
واریاہ عربی فارسی لفظ تھندس بنیادی املاہس منہ چھبہ
حکمت صاف چھبہ۔ نیب کرہ پانہ امہ بالغ املا چ مثال
پیش تہ اتھ سلسل منہ روزن کہہ تہ کتھہ با تھہ خاطرہ ہیکو
ورق حاضر۔

کا شرس املاہس منہ کیا ز آے اعراب یسلہ پاٹھی ورتاوندہ،
تمک کینہہ نفسیاتی وجہ چھبہ ہم:

- (۱) اردو چھبہ سان لیکھہ پر ہنز زبان۔ لہذا تھہ کا شرنہ
اردو پر نہ رنگ رل گؤہن، املا شیرن والین پیو وکا شریک
املا، خاص کر تمن لفظن ہندیم مشترک آس، الگ کڈن۔
- (۲) چونکہ کا شری چھبہ اردو پر لیکھن والی، لہذا اوس
نفسیاتی طور سائن ذہن منہ بہت ز اس چھبہ کا شرا اردو
پر لیکھن والین ہند خاطرہ بناوان، کا شرنہ نہ۔ امہ کڈ

دور کرنے خاطر یہ بروہمن لفظن منمز یا استعمال کرنے۔ گویا اگر اس بروہمن لفظن منمز یرورتاوان چھہ تمہ پتہ پتہ منمن لفظن منزعانہ کلمہ ورتاون چھہ غیر ضروری یعنی redundant۔

◆ تار، زہ، وارہ تہ چیدہ ہوں لفظن ہندی اعراب ین حذف کرنے۔ تمں ہنز جایہ یہ یک چشمی ہرے تارنہ۔ یعنی لفظ ین ہتھہ پاٹھی لیکھہ تارہ، زہ، وارہ تہ چیدہ۔ یمن سترن والو لفظ تار، زہ تہ وار ین زیر ستر لیکھنہ۔

◆ اس کے تباہ کن ہونے لفظوں درمیان فرق: گوڈ نلکھ لفظ پٹھہ
یہ اعراب تلخہ تہ و ذی کس پٹھہ یہ برقرار تھا نہ۔ و دیومزہ
اکس پٹھہ اعراب تھا ون چھ کافی۔ دوشنی پٹھہ اعراب
تھا ون چھ غیر ضروری۔

◆ والی، ساند، کاشتر، حاصر، جاوی، ہوبن لفظن منزتہ چھہ
اعراب غیر ضروری۔ اعرابو دراستہ ینیم تھہ پاٹھو پر نہ
تھہ پاٹھو یم اعرابوسان پر نہ یوان چھہ۔

◆ ستر، سستی، گریڈ، سبزی، ستر لفظ پڑھتے ہیں اعراب غیر ضروری آسنے لگتے ہیں۔

باقی تمام تبدیلیں ہنر و حکمت چھپ کر تہ ٹا کا رہ۔ اسے کرو
پیہ عرضِ الما ہنس پڑھ علی، جذباتی نہ، بخشہ خاطرہ روزن
نیکو صفحہ آیتن۔

پس نوشت: سائن ۸۰ فیصد ادیتن چھ نہ اعراب
 زده الما بس منزخری لکھی نگان۔ ساری چھ ادستری
 مونزری پاٹھو کا شریکھان۔ ادیتن ہندو تخریر اعراب
 زده الما بس منزہنج (درست کرنج) چڈو چھہ کا تین
 تہ وڈی کپیو نوئسن کھڑ مڑ۔ یس زبان نہ سکولن منز
 لیکھنہ پر نہ بیہ تمہ کین پران والین ہند حال چھہ یہ ہے
 آسان۔ -- منیب

ژوک مودر

[خاشان محمد خاشان چھ اردنک شہری تہ سعودی عربس منز چھہ سول انجیر۔ اس چھہ خلیل سندس عروض پٹھہ جان عبور تہ اؤ چھہ امہ عروض کس ورتاؤ کس سلسلس منز اکھ نظریہ تہ پیش کو رمٹ تہ تھ اؤ العروض رقمیانا تھوومت چھہ۔ اتھ نظریس متعلق زانکاری حاصل کرنہ خاطرہ وچھون اؤ سز یہ وب سائیٹ۔ <http://www.aarood.com> خاشانس سز سہہ انٹرنیٹس پٹھہ اکھ مختصر گفتگو بیک ترجمہ پیش چھہ۔ -- منیب]

◆ ڈیر خاشان، بہ زانہ نہ زیادہ عربی مگر بہ اوس یڑھان زانن زڑہہ کیا چھتھہ پنہہ وب سائیٹ پٹھہ البیرونی تہ عروض الھندس متعلق لپہ کھمت۔ یم پانژھ صفحہ ہیکلھا بہ انگریزی ترجمہس منز وچھتھہ۔ مخلص، منیب

◆ ڈیر منیب، شکریہ۔ مہہ چھہہ بنیادی طور یہ ہاونچ کوشش کر مژ ز البیرونی پن چھہ ذکر کو رمٹ ز عروض الھندس منز اُس وزنچ نمایندگی اتہ ۲ رقموتی کرنہ یوان تہ تھہ پاچھو بہ شاعری ہند آہنگ بیان کرنہ خاطرہ ورتاوان چھہس۔ مہہ چھہ عربی شاعری ہند مصرعہ امہ ہندوستانی تیکنیک مطابق تقطیع کر مژ۔ العروض رقمیا ہک عمومی طریقہ ہیکہ ہن ژہ فلحال بیٹہس وچھتھہ۔

<http://www.aarood.com/vb/index.php4>

اتھ فورس منز ہیکلھہ ژہ تہ شمولیت کرتھہ۔ مخلص، خاشان، سعودی عرب

◆ ڈیر خاشان، میانہ ایلیہ جواب دنک شکریہ۔ مہہ دژ چاہہ وب سائیٹ ہندن تمن حوالن نظر۔ باسان چھہ ژہ چھکھہ آفاقی عروضک تصور پیش کران بیک اطلاق تمام شاعری پن پٹھہ سپد تھہ ہیکہ، انگریزی ہتھہ لیس زن تاکید ز بان چھہہ تہ امہ کز چھہ خیال کرنہ یوان ز مقداری عروض چھہ نہ اتھ ویان۔ کیو وشاعر چھہہ مقداری عروض انگریزی لیس منز ورتاؤنچ کوشش کر مژ۔ یہ چھہ سبھا دلچسپ موضوع۔ وراپا ہو ز بانو مثلاً یونانی، سنسکرت، لاطینی ز بانو

چھہ مقداری عروض ورتومت۔ حقیقت چھہہ یہ ز بمن زبانن چھہ پانہ وانی رشتہ۔ عربی لیس چھہ نہ بمن سز کانہہ رشتہ۔ یہ عروض چھہ عربی لیس تہ براہ امت تہ بمن واریا ہن زبانن تہ بیو عربی عروض پانٹو۔ اتھ عروضس منز چھہہ اکھ سچ آفاقی۔ البیرونی پن چھہ سنسکرت تہ عربی عروضن ہند ذکر کیجا کو رمٹ۔ چونکہ دوشوے عروض چھہ مقداری لہذا چھہ باسان سنسکرت عروضہ پٹھہ چھہ خلیلن عروض تلنہ امت۔ مہہ دؤپ ژہہ ما آسبتھہ پنہہ وب سائیٹ پٹھہ بمن دہن عروضن ہندس نظری پہلوس پٹھہ بحث کو رمٹ۔ چون کیا خیال چھہ اتھ معاملس متعلق؟ عرب عالمن ہند کیا خیال چھہ اتھ معاملس متعلق؟ بہ چھہس نہ کانہہ زبردست شاعر یا عالم، ادب سز چھم تھتھہ دچھی بیہ کز بمن مسلن متعلق منز سوچان چھہس۔ شکریہ، منیب

◆ ڈیر منیب، میون بحث چھہ تیکنیک زیادہ، نظریہ کم۔ یہ تیکنیک چھہہ تمام مقداری عروضن موافق۔ رقمن ہنر امہ اکاے نمایندگی سز چھہ مختلف زبانن منز ورتاؤنہ ہنہ والہن اصطلاحن ہند مسلہ ختم گوہان۔ بہر حال، امہ نمایندگی سز ہیک ہک مہہ عربی عروضک اکھ نظریہ تہ قائم کرتھہ۔ یہ کتھہ چھہہ دلچسپ ز دوشوے مقداری تہ تاکید عروض چھہ دہن قسمہ کمہن آہنگن ہنر کتھہ کران۔ تھہہ پاچھو اکی چیز کو (انسان یا حیوان ہنر) نظر ہند زاویہ کز یا مایہو کز الگ الگ ادراک یا احساس ہیکن سپد تھہ، تھتھہ پاچھو چھہ آہنگ بیٹھہ کتھہ بوزنک مسلہ۔ دہن کلچرن ہنر آہنگ کہ ادراکچہ فرق ہیکہ وراپا ہو پیچیدہ وجوہ کز تہ آستھہ۔ تھہ حوالس دز

نظر۔ <http://www.everypoet.org>

شاعری پن منز چھہ مختلف قسمن ہندک عروض ورتاؤنہ آمتو (پانژھ قسم، یات تام میانی زانکاری چھہہ)۔ یہ چھہ ممکن ز زہ غیر مشروط زبانہ ورتاؤن کئی قسمک عروض۔ عرب عالم چھہہ تھہ کتھہ پٹھہ بلا اختلاف رائے متفق ز خلیلن کر عروض کہ سچ ابتدائے مکمل تہ کورن۔ خلیلن ز ریاضی چھہہ نہ ژو بیہ کز تہ موسیقی ہندن اصولن ہند علمہ کز سہ عربی شاعری ہندک وزن پنداہن بحر من باگراؤ تھہ ہیک۔ عام طور

ژہ پڻ پڙه سوز که به سوزے پنهنجن غزلن هنر تازه کتاب۔

رت کانچهن وول، رابرٹ بلیس، منسونا

◆ ڈیر نیب الرحمن، رابرٹ بلین وونم ژہ نمبر زہ نظم

سوز نہ یم تسنیز نو کتابہ Sentence Was a

Thousand Year Old Joy منر چھہ۔ تو دپ خبر ژہ

ماکر که یمن ہند ترجمہ کرن پسند۔ وژر، تھامس سمیتھ،

رابرٹ بلیس سند مددگار

◆ ڈیر نیب، جوا بک شکریہ۔ بہ چھس لنڈس منر روزن

وول کاشر، وکالت پران۔ کینہہ رتھہ بروہہ سپر کاشر

زبان ستر دچسی بیلہ پتاہ لوگ ز کاشر چھہ نہ سکون منر

پرناونہ یوان۔ بہ سپر حیران تکیا ز (کینہہ قدیم قبیلہ

تر آتھ) چھہ دنیاہس منر پر چھہ زبانی ہندی بولن والہ پنژ

زبان سکون منر پران۔ میانہ خاطرہ اوس بہ افسوس کن ز

ترقی یافتہ تمدن اُستھہ تہ چھہ اسی پنہ زبانی رنگو انہر۔ یہ

وچھتھہ گر مہ کشیر منر ماجہ زو ہنر لیکھہ پر متعلق باخبری پیدہ

کرنہ خاطرہ اکھ تحریک شروع۔ ۲۰۰۱ منر اوس سرکارن

کاشر سکون منر تنک فیصلہ کو رمت مگر سہ فیصلہ آونہ پورہ

کرنہ۔ اسہ پڑیکجا سپدن تہ سرکارن یہ فیصلہ لاگو کرنک

مطالبہ کرن۔ بڈن بزرگن ہند خاطرہ تہ پڑ کاشر لیکھہ پر

ہند انتظام کرنہ یں۔ سانہ سوسائٹی متعلق زانکاری چھہ

شامل۔ مخلص، عاطف محمد مہجور، لندن

◆ ڈیر نیب صاب، اسلام علیکم، جوابہ خاطرہ شکریہ۔ آزاد

کشیر کر کینہہ وکاشر پونہ ماجہ زو منر پنچ کوشش۔ تمولو کہ

تی پنچ فرمالیش سپر، خاص کر ریڈ یوس پٹھہ۔ تھہ ترم کنتہ

کنتہ رنگو منسلک اُسی۔ یمن منر اُسی نمایاں مرحوم احمد شمیم،

مرحوم ناز کو لگامی، مرحوم طاووس بانہالی، مرحوم مسعود کشتی تہ

مرحوم ایم اے کنول۔ ازکل چھہ عبدالحفیظ سالب، ڈاکٹر

سید یوسف بخاری، مشتاق کشمیری، جواد جعفری، پروفیسر

حمید ممتاز، جی ایم لولائی، پروفیسر سلیمہ عطا، جی ایم مفتی تہ

میر بشیر سلطان شاعری تہ ریڈ یو کتھہ باتھن ہنر صورت منر

ریڈ یو چہ فرمایہ پٹھہ لیکھان۔ امہ مزید چھہ واریاہ، اگر

ضرورت آسہ ہندی ناوتہ ہیکلہ بہ پٹھہ۔ توہہ چھہ صحیح یاد

چھہ زبانی تہ ادب کو مخصوص عالم فروغی تہ تفصیلی مسلن پٹھہ زیادہ

توجہ دووان۔ وسیع نظر چھہ کنتہ سانہ موضوع نمبر مین لوکن

حاصل سپدان بہنر نظر موضوع چین بنیادن پٹھہ گوڈہ چھہ

واتان تہ پتہ تمہ کین تفصیلن پٹھہ۔ بہ چھس عروض ہوس

خوبصورت تہ مشکل موضوعس پٹھہ چاہہ دچسی تہ خیالن ہند

داد دووان۔ چاہہ کتھہ آہ مہ پسند۔ بہ چھس پڑھان ژہ

پکناوہن یہ بحث بروہہ کن، تکیا ز یہ چھہ مول بحث۔ بہ

چھس یہ بحث پنس فورس منر منتقل کرن پڑھان تہ یہ

منتقل کرنک ژہ اجازت ہوان۔ مخلص، خاشان

◆ ڈیر نیب، لیس انٹرویو WPR پٹھہ داہ جنوری ۲۰۰۵

نشر سپر، تمیک ترجمہ کاشر منر کرنہ کس سلسلس منر

پڑھہ گار کرنہ خاطرہ شکریہ۔ اسی چھہ یہ ترجمہ کو رمت

انٹرویو چانس ادبی رسالہ منر ڈبلیو پی آرک حوالہ دتھہ

چھہ اونک اجازت دس منر سبھا خوش۔ اسہ چھہ چانس

رسالہ متعلق بیہ ہن زانس منر دچسی۔ مہ سوز پنچ کاپی

چین فراکایہ، یوس عالمی مسایل بچنک سون کال ان

پروگرام ”بیر آن آتھ“ پیش کران چھہ۔ فل کوریویو،

ڈایرکٹر وسکانسن پبلک ریڈیو

◆ ڈیر نیب، مہ چھہ وومید ژہ سینے رابرٹ بلیس سند

غزل میانہ کھوتہ زیادہ پسند۔ مہ تہ چھہ پنہ Questions

of Possibility -- Contemporary Poetry

and Poetic Form کتابہ منر غزل پٹھہ بحث

کو رمت۔ کتاب چھہ آکسفورڈ یونیورسٹی پریسن۔ اگر ژہ

اتھ پٹھہ تبھرہ کرکھ، بہ سوز ناوے آکسفورڈ کہ ذریعہ

کتاب۔ بہر حال، پنن رسالہ سوزی ضرور۔ اچھہ،

ڈیوڈ کیپیلن، ڈلاویو، اوبایو

◆ ڈیر نیب الرحمن، چاہہ خطک شکریہ لیس وئی ووت۔ بے

شک چھہ ژہ اجازت میانہ انٹرویو کہانہہ تہ حصہ ترجمہ

کرنک۔ ژہ ہیکہن ابراہیم یمن بیلہ ستارن کن ناد

لوے ترجمہ کرکھ۔ مہ چھہ خوشی ژہ چھہ ثقافتی سرگرمی یں

ہند خاطرہ کینہہ کران۔ میانہ زامتری سنیل دتا ہن تہ مہ

کرکوری جوراہ بروہہ غالب سند کینہہ غزل ترجمہ۔ اگر

Palais du Congress تقریباً منہ دسمبر ۱۹۹۰ء منز متعارف کوز۔ تورنی سندھو بھارتی کلمو کو کو مغربی اخبارو گوڈ نیچلہ کاشتر ادبی کا شتر ادبی شخصیت ہندو کر۔ مجید عاصمی سندھو مضمون Reflection of Human Conscience کھوت لندن نہ کمن اخبار چین سورنن۔ میانہ اکو دوستن کو رمہ لندہ پٹھہ یہ قابل خبر خرد نہ خاطرہ فون۔ مہ چھ پورہ یقین زہند رسالہ کر مجید عاصمی سندھو نگارشات شائع۔ کو سندھن لچھ بدن مداحن ہندو پانچو چھ مہ وومید زہند رسالہ کہ ذریعہ گھہ اسہ اس عظیم کاشتر شخصیت متعلق زانکاری حاصل۔ بہ چھس ہندو رسالک خریدارینن یژھان نہ ہندرت یژھان۔ قیسوم طارقی

خان، پیوس، فوانس

◆ تقدیمات، امریکس اندر نہ پھکھ ۷۰ کاشتر ادبس پوچھ یژھان دین، امہ خاطرہ گھہ وائچ 'میڈان امریکہ' آسن۔ تھ زما سنز نیلہ کہ فلسفہ لوگ ۷۰ تھہ گھہ، سائنس، تواریخ نہ سماجی علم گے میتھو ڈولوبی بڑو، اکھ ادب چھ مختلف اسلوبن نہ اظہارن منز انسانہ سنز وکالت نہ طرفداری کران۔ مہ چھہ وومید نہ دعا تھس کران کہ چون رسالہ کرلیکھن والین اکھ وسوار پلیٹ فارم فراہم نہ کاشتر تہذیبی شعور نہ کرنور نہ سورعطا۔ پنن، ثنا

اللہ پرواز، علی گڈھ

◆ سلام، نو وہب سایٹ جاری کرنہ خاطرہ مبارکباد۔ بہ چھس توہہ کامیابی کا نچھان نہ یہ زان یژھان زہ رسالہ کتھہ پانچو سپد اسہ دستیاب یمہ کو اسہ کشیر اندرہ کمن حالانہ ہنز زانکاری سپد۔ بہ چھس کاشتر مگر پتہ پندہ وری واتم بنگلورس منز۔ کشیر ہندو ڈھو را کہ خیال چھہ بہ شارچھن یادن وٹش دوان۔ مہ چھہ پورہ وومید زہ رسالہ کر کشیر مہر نہ کشیر اندر روزن والین درمیان دور بر کم۔ نیب

خوابشات، سید خان، بنگلور

اسرار خدی ہند ترجمہ چھہ ناز کولگامی سنز کئی مطبوعہ کتاب۔ احمد شمیم سنز شاعری چھہ محترم ٹینگ صابن سرینگرہ کچرل اکاڈمی ہند طرفہ شائع کر مژ۔ لوک ورثہ پاکستان چھہ طاوس بانہالی سنزہ زکتابہ لیل عارفہ نہ رہشی نامہ، اردو ترجمہ شائع کر مژہ۔ محمد امین کنول بانڈی پوری چھہ شانہ اسلام، حکایات روی نہ سعدی یک منظوم ترجمہ ریڈیو خاطرہ کر مژیم تسندس صاحبزادہ زاہد امین کاشف صابن نش مظفر آباد پٹھہ چھہ۔ پروفیسر خواجہ حمید ممتازن چھہ تقریباً ۶۰ کاشتر ہند کلام انگریزی ترجمہ An Anthology of Kashmiri Verse ناوہ چھوومت۔ مسعود کشنی ین چھہ پتو اردو کاشتر شاعری چھوومت۔ تسند و والد صابن میر غلام احمد کشنی صابن نہ چھہ شاعری چھوومت۔ پنجاب یونیورسٹی ہند کشمیر بیت شعلو سربراہ ڈاکٹر یوسف بخاری صابن چھہ واریاہ کتابہ چھوومت۔

یوت تام میون تعلق چھہ، بہ چھس نہ تمہ مرتبک ادیب بلکہ صرف اکھ شوقیہ لیکن وول، خبر کمن جذبین پھیر دوان۔ کیا ز؟ نہ چھم نہ پے۔ نیر کو پش نہ چھہ یکنے جذبین ہنز سومبرن، مختلف ادیبن نہ شاعرن ہنز تخلیق، سیاست وراے۔ ترہ شمارہ درایہ، ہنسنے خرچس پٹھہ، بس دل اوسم یژھان یہ گو ڈھ کم از کم رہتہ پتہ نیرن۔ حالات چھہ نہ اجازت دوان۔ رسالہ چھہ صرف کاشتر منز، سانہ تقسیم گھہ سرزمین ہندن دوشونی طرفن ہندن ناو دار ادیبن ہنز تخلیق ہند مجموعہ۔ بہ چھس مظفر آباد روزان نہ ریڈیو آزاد کشمیر کس نیوز یونٹس منز کام کران۔ ہند جوابک روز انتظار۔ مخلص، الطاف اندرابی، مدیر رسالہ نیر کو پش، آزاد کشمیر

◆ جناب، نب چہ اشاعہ ہنز خبر بوڑھ سپدس خوش۔ رسالہ دلو گاش باوندہ خاطرہ مبارکباد۔ مغربس یکنے یورپس نہ امریکس منز یوس کاشتر ادبی شخصیت اسو زانول سو چھہ مجید عاصمی سنز، کینہہ نہس nothingness پٹھہ یکر سند مضمون فرانس چہ بچہ ادبی شخصیت الاں تورنی پیرس منز

داه غزل

امین کامل

ڈیر چھی سوغزن کتو، نیر تہ بیہہ آہس منز
 چشمن شج براتھ دماغس ارام دِ
 معنہ حرفن چھ ہناں تیزاں چھہ تیہہ آہس منز
 پانس سکونہ شاہچہ ہنا صبح شام دِ
 وارہ وچہ سینس اندر دل تہ بون تیونگن پٹھ
 وارہ وچہ جگرس اندر خون تہ چہہ آہس منز
 اے خانہ بر ہوا، چھہ سراپا ہوس خطا
 سدرن تہ نیخ زال، سراہن تہ دام دِ
 سیکہ صحراوس دواں آسہ پگاہ تاہچہ کشیر
 آخر زمانہ وٹھ سہ یہ پراگاشہ رؤس صبح
 کالو یراں آسہ لداخ تہ لیہہ آہس منز
 ٹل سا سہ شامہ رنگ دلاویز شام دِ
 خوفہ ہوت پونڈی ٹھس آسہ ہیپس تل تل اڑاں
 دل ماگ، روح ماگ تہ سورے زمانہ ماگ
 پیہہ جلدیو زخم یاں، ووتھہ ریہہ آہس منز
 وشناو کس یہ شین، کمس وڈی جام دِ
 منز دپہرس چھہ پھٹاں سرلیں تہ وسواس رمن
 پاس آخر چھہ ہواں زونہ تہ ریہہ آہس منز
 لوکھ گاہے چھہ دواں دولہ نہہ گامن ٹکھ
 میانس زمانہ ساز وفاہس تہ پام دِ
 لوکھ ملواں چھہ گہے شوقن تہ ویہہ آہس منز
 وہراتھ بایہ جایہ ٹکس تاں خبر پیی
 راومڑگا وکھن ژھاراں چھہ، کانڑھاوڈی توس
 کینوہا زدل ودل ژھیمی سومبراو بام دِ
 پانڑھ پھڑ خوشکس اندر، لکال چھہ شہہ آہس منز
 کامل اس سے ڈکھ ٹکس تام واتہ آب
 غزلہ بنجاری یہ کامل چھہ دواں نارہ طرح
 کینوہا یکس ژہ بادشاہ بیگم غلام دِ
 بختہ شہجاری لکن پیہہ چھہ نیہہ آہس منز

ژھری تہ باز رہ ما پھیر، کینہہ تہ تام ہمو
 الف اگر نہ بدس آو تو تہ لام ہمو
 بچاہیہ بدلہ بچھاوون گاش دار صبح
 رضایہ بدلہ کلو پٹھری سیاہ شام ہمو
 دمالہ آیہ تلو پاچہ، نوو کوناچ کرو
 ژھرن کتھن تہ کرو ناو پرژھ تہ گام ہمو
 ثوابہ شوقہ مکانکو کھنڈر تہ پاراودکھ
 سیدارہ آیہ زمانکو کلس وولام ہمو
 نظم نگار ہتھ ووریانہ راس گندو
 غزل طراز ہتھ قافیک زکام ہمو
 دروگے سروگے تہ بنی کاتھن دکانن منز
 دوں کتھ دماغ گساو، ملی کلام ہمو
 سہ آسمان ستھ ساس پردہ تلمہ کورکھ
 زمیں یتیم سہز تازہ دیو دام ہمو
 کتھن چھ کوس یواں کالمو کجر رچھ با
 زیون چھ مولہ کڈاں لولہ ناو یام ہمو

تابہ نے سرکیل سحر، راتھ سہی
 چھ نسا سمکھن، ملاقاتھ سہی
 پیر روزن ٹھانہ قبرن کوت کال
 شور محشر نے، مناجاتھ سہی
 کایناتک ماحصل نہ زون کمر
 آدمس قسمت یہ ہراتھ سہی
 باطنس نے شراون گر یاوری
 ظاہرس لکھو یہ وہراتھ سہی
 ہتھ صدی کینہہا کیمو کھمڑے ہراتھ
 حض حق نے، کانہہ دوری ذاتھ سہی
 چچ نسا کتھ سانی برونہ ہتھ تاونس
 ہیکو نسا پوشتھ، بچن باتھ سہی
 کاملس ہیو ہتھ بوڈ تارکھ شناس
 ہیوک نہ کن واتھ تہ گونماتھ سہی

بابہ آدم سورگہ سالانی تہ اسر
 پوشہ ون اکھ عالما فانی تہ اسر
 کیفہ نوک آؤڈ گردش تہ ہو
 آنگنس پھو جھو یہ وارانہ تہ اسر
 سمیہ ٹھہراوک یہ ہندر آسمان
 بٹلہ فضاچ یہ روانی تہ اسر
 نژنہ روستے پیشوازکر ژھایہ گتر
 رونہ روستے شرونہ حارانی تہ اسر
 سانی پروازن ستارن ہیوت خراج
 واجہ وراہی سلیمانی تہ اسر
 ژون اناسیرن ۛ حبس باقے ۛ ہوش
 دون جہانن ہنز یہ سلطانی تہ اسر
 سون ازلی کھاتہ کمر مژروو وچھ
 چون جمع خرچ زبانی تہ اسر
 نالہ دق رملن، سرین جامہ ژڈ
 کاملن واراگہ بیانی تہ اسر

نندر اندر نندر خراب تہ کر
 با سکوں روز اضطراب تہ کر
 سوچہ سدرکر ملر تلکھ ہمراہ
 شچھ یہ باوی دک سراب تہ کر
 رچہ تبسم وٹھن تہ نژ زگتس
 وچھ ۛ تیونگلن جگر کباب تہ کر
 باجہ کنڈن تہ پان آیت تھاو
 مشکہ ناوتھ ووشن گلاب تہ کر
 زین شیراں گرس چھ سوینک شہہ
 شین عرق کراں چھ تاب تہ کر
 عشق لاگی کمن کمن نجدن
 بلہوس لاگ انتخاب تہ کر
 دلدلے ڈیشہ ہن تہ پر لاحول
 سونہ ساوہن خرن جناب تہ کر
 کرایہ اندر دماغ تل کامل
 ضالع چھاپس لدتھ کتاب تہ کر

قد تھدانی چھ نہ بالن از کل
سوٹھری ژھنانی چھ نہ نالن از کل

نہ سہ دل گوردہ جواہن باقے
نہ سہ دوگنیار سوالن از کل

جانور باشہ تہ زر پاواں کنن
پوشہ ووزجار تہ زالن از کل

نالہ کانہہ زہرہ سرپھ گٹھرتن بے
پٹھہ چھبہ کیا زن پوشہ مالن از کل

ستر عورت تاں کڈاں افسان
دالہ تاں غزلن چھہ والن از کل

اکھ اکس خیر منگاں لوکھ اتھن
کانگرین روز نہ ژالن از کل

واڑہ والس شوب کوس گوشتابہ رؤس
گٹھہ کس بے معنہ سالن از کل

حض کامل رحمۃ اللہ علیہ
یاد کتھ پیومت بیالن از کل

رچھ ژہ پننے یہ اضطراب تہ گٹھ
سامہ پانے پنڑ بہ خاب تہ گٹھ

مہ چھبہ ہالے یمن سراہن ہنز
بوولی، چھہ گٹھن سرک آب تہ گٹھ

کتھ زمینس تھیکتھ اڈنتھ سوغات
ٹھاس بالن یہ آفتاب تہ گٹھ

سوئتہ مانچھر تہ ٹلر گس بوزم
چھہ نہ ژہمت ژبہ ٹٹھوین آب تہ گٹھ

لالہ زنجور کھوجہ، شیورن آب
مترہ مجلوہ، شیر خاب تہ گٹھ

سامہ کرتوتہ ریشڑ تہ گے فرتوز
زال ساری گوناہ ثواب تہ گٹھ

ورقہ ورقے تمام گے کامل
تھاو واوس بدس کتاب تہ گٹھ

پھمہ چمنس اندر گلابس دن
 شاپھ بلس پٹھ آفتابس دن
 سزہ لکس تھون نہ جینک گب
 لور ڈکھنی تنس شابس دن
 لول لہجو ڈوتھ کولن پشرن
 دول یوتاہ پلکھ دولابس دن
 کھاس تھاون کنز مگر امی
 راس گوٹھج برات آلس دن
 جانوارن تھون وڈو کرپھ دتھ
 نندر اندر صلیب خابس دن
 پوشہ مرگن اژن سیکو سلس
 جویہ پرون تہ نار آلس دن
 خشمہ پھیرن سوال پیر حیراں
 پند اس مگر جوابس دن
 ڈینجہ تلر پٹھی کرتھ کتھن نقاد
 حض کامل لقب جنابس دن

نہ ڈینٹھ رودہ لوے کانہہ، نہ سومتہ واپھ وولو
 چمن تہ سور، شنیاہن تہ آو زاف وولو
 حسن نہ کنہ تہ، ژو واپارکے تہ سین تہ نون
 عشق نہ کنہ تہ، چھرا عانہ شینہ قاف وولو
 نہ چرو جانورے کانہہ تہ میانہ زگ زگہ ستر
 نہ کوٹھشہ بامنہ وشناو میون تاپھ وولو
 کھولتس تہ کانہہ ما سگنونس ونک رایل
 پھٹس تہ کانہہ تہ ما بوز میون کراپھ وولو
 سربھ سربھ چھہ، مدارس تہ پلڑاز نہ پگاہ
 نہ پوشہ جادو کرامت، نہ روز شاپھ وولو
 سہ کس اکھانہ چھہ دجال خوے تہ ملحد روے
 سہ کس اکھانہ وچھم ژر کراں طواف وولو
 عجیب نظر وہیک کاملس تہ مرحلہ آو
 گلن چھہ خار وناں، ژھایتس چھہ تاپھ وولو

آغا شاہد علیؒ تا امریکی غزل

اکھ ریڈیو کتھ باتھ

علی اوس بذاتی ہندوستانک پیٹہ پٹھہ سہ امریکہ منتقل
سپد۔ سہ چھ تہ پٹھہ امریکی غزلک ہم معنی بنیو مت۔
شاہد علی گذریو ۲۰۰۱ منز مگر واریا ہودو بیو امریکی
شاعر و تہ چھہ غزل لیکھو مگر بین منز رابرٹ بلیز تہ
ایڈرین رین زہ شاعر چھہ۔ غزل لکشل چھہ امہ کین
دشوار قافین ہندس نظامس تہ امہ کین مکر فقرن
(ردیف) منز۔ اکھ بہترین غزل چھہ مبارزت کرن
وول تہ تہ نرم تہ پکدار تہ، الماسکو پانچو گاشس منزور
دہ تہ رنگ بدلاوان۔ بہ چھس جین فراکا، یہ پروگرام
'ہیر آن آرٹھ' پیش کران۔ وکلن چھہ اس غزل چھان
بین کران تہ انگریزی لیس منز امچہ قبولیہ ہنر کتھ
کران۔ یہ قدیم فارسی شعرہ ذاتھ، بیکیا امریکی تجربہ تہ
حسیت پیش کرتھ کنہ غزل چھہ انگریزی لیس منز نقالی
ہنر اکھ ہیئت تہ برٹی سپیرس سنڈ کبالا ٹیٹو (tattoo)
شعری مرادف۔

امریکی یم آزادی پوزان چھہ یا ونہ بہ بین آزادی
سبٹھانٹھ چھہ ہیکہ غزل ہش صنف قبول کرتھ۔ تھ
منز سبٹھارسم تہ جکڑ بندی چھہ۔ تھ موضوعس پٹھہ کرو
اس ڈیوڈ کیپلنس ستر کتھ باتھ لیس ادبا یو ولسن
یونیورسٹی منز انگریزی یک اسٹنٹ پروفیسر چھہ تہ
بلجیم ملکس منز رتیج یونیورسٹی منز فلبرایت لکچرر چھہ۔
ڈیوڈ چھہ -- Questions of Possibility
Contemporary Poetry and Poetic Form کتابہ

[۱۰ جنوری ۲۰۰۵ شامچہ اٹھ بجہ آہ
ورکائنس پبلک ریڈیو پٹھہ Here on Earth
ناوہ اکس پروگرامس منز آغا شاہد علیؒ تہ غزلہ
چہ پکدار تہ دگلداز شعرہ صنفہ پٹھہ اکھ کتھ
باتھ نشر کرنہ۔ تھ منز امہ ریڈیو پروگرامکو
میزبان جین فراکا ہن اکس مہمانس ڈیوڈ
کیپلنس ستر کتھ باتھ کر۔ یونہ کنہ چھہ تمہ
دلچسپ کتھ باتھ ہند لفظی ترجمہ پیش کرنہ
یوان۔]

When through night's veil they continue
to seep, stars
in infant galaxies begin to weep stars.

After the eclipse, there are no cheap
stars
How can you be so cheap, stars?

How grateful I am you stay awake with
me
till by dawn, like you, I'm ready to sleep,
stars!

If God sows sunset ambers in you,
shahid,
all night, because of you, the world will
reap stars.

جین فراکا: یم شعر چھہ عربی شعرہ ذاتھ غزل
منز لیکھنہ آہ۔ غزل چھہ سانئس کم از کم تھ وری
برونم شعرہ ذاتھ یوس اردوس منز یا فارسی لیس منز
مروج چھہ۔ مگر یہ غزل اوس آغا شاہد علیؒ ین انگریزی
لیس منز امریکی قاری سنڈ خاطرہ لیو کھمت۔ آغا شاہد

Ah, bisexual Heaven: wide-eyed houris
and immortal youths!
To your each desire they say Yes! OYes!
in Arabic.

For that excess of sibilance, the last
Apocalypse,
so pressing those three forms of S in
Arabic.

I too O Amichai, saw everything, just like
you did--
In Death. In Hebrew. And (please let me
stress) in Arabic.

They ask me to tell them what *Shahid*
means: Listen, listen:
It means "The Beloved" in Persian,
"witness" in Arabic.

جین فراکا: باتھ کاغذس پٹھ وچھنہ برونبہ چھہ کن
ردیف کہ تکرارہ کن محسوس کران ز آخری فقرہ تکرار
چھہ غزل لیکھنک شاید بنیادی اصول۔

ڈیوڈ کیپلن: قیاس کرنہ کس حدس تام چھہ بنیادی
اصول۔ ثبہ آسبتھ بوزمت ز اتھ تکراری فقرس
برونہہ چھہ اتھ منز قافیہ تہ۔ امیک پر تھ شعر چھہ دون
مصرعن ہنداکہ بند تہ پر تھ بند چھہ اکس فقرس پٹھ ختم
گدھان تھ برونہہ اکھ قافیہ یوان چھہ، تہ آخرس چھہ
مثالی طور شاعر پن تخلص ورتاوان۔ بوزن والین ہند
توجہ چھہس بہ تھ کتھہ کن پھرن یژھان ز آغا شاہد علی
چھہ اتھ غزلس منز پن پندیدہ تخلص ورتاوان لیس میانہ
خاطرہ سبٹھا دلچسپ چھہ۔ ونان چھہ ز۔

They ask me to tell them what *Shahid* means

آغا شاہد علی چھہ یہ پننن پرن والین ہند خاطرہ لیکھان
یکن سوزبان معلوم چھہ نہ یوس تسندس پس منظرس
منز چھہ۔ تسندن پرن والین ہند خاطرہ چھہ شاہد

ہند مصنف یوس آکسفورڈ یونیورسٹی پرسن حالے شایع
کُر۔

اس کرو آغازیمہ سوالہ ستر ز غزل کتھ ونو یا شاید بیہ اکہ
غزلہ ستر تاکہ اسر ہیکو امہ کین صوتی، معنوی تہ آہنگ
کین پہلون ہند کا نہہ اندازہ کرتھ بیمہ برونہہ ز اسر کرو
غزلہ کین رسمن ہنز کتھ۔

ڈیوڈ کیپلن: بہ پرہ اکھ غزل۔ یہ چھہ تہ غزلہ کھوتہ
زیوٹھ پہن لیس ثبہ پڑھن۔

A language of loss? I have some
business in Arabic.
Love letters: calligraphy pitiless in
Arabic.

At an exhibit of miniatures, what
Kashmiri hairs!
Each paisley inked into a golden tress in
Arabic.

This much fuss about a language I don't
know? So one day
perfume from a dress may let you digress
in Arabic.

A "Guide for the Perplexed" was
written-- believe me--
by Cordoba's Jew--Maimonides--in
Arabic.

Majnoon, by stopped caravans, rips his
collars, cries "Laila!"
Pain translated is O! much more--not
less-- in Arabic.

Writes Shammās: Memory, no longer
confused, now is a homeland--
his two languages a Hebrew caress in
Arabic.

When Lorca died, they left the balconies
open and saw:
On the sea his *qasidas* stitched seamless
in Arabic.

In the Veiled One's harem, an adulteress
hanged by eunuchs--
So the rank mirrors revealed to Borges in
Arabic.

حدس تام الگ آسان۔

جیسن فراکا: مہ چھہ بیانیہ لچ حائل یعنی نظمہ ہند
سلسلہ وار اکھ کتھ باونک پہلو۔ سہ چھہ وجدانی طور
پرن والس بالیدگی کن نوان۔ مگر تھ شعرہ ذاؤ منز
چھہ نہ تیتھ کا نہہ چیز۔

ڈیوڈ کیپلن: نہ، مگر اتھ منز، لیکن بیانیہ بکو جلوہ آستھ۔
خاص کر تھہ پاٹھی شاد علی لوکچ کہانی ونان چھہ، کہائین
کن اشارہ کران چھہ۔ لیس غزل مہ پڑا تھ منز تر
چھہ سہ اٹھن دہن شخون کن اشارہ کران، اکسے پٹھ
سورے وقت خرچ کر تھتس اکس کردار سندس صورتس
منز پیش کرنہ بجایہ۔ اتہ چھہ صرف اشارہ لیس بیک
وقت اکھ دور رس نظر تہ چھہ۔ زن تہ شہ عرج ہیست پنہ
بیتقراری کڑی اکس شخوس ستر ہیکیہ نہ ٹھہرتھ۔ بہ دمہ انچ
اکھ مثال۔ غزلس منز چھہ سہ ونان۔

O Amichai, I saw everything, just like you
did--
In Death. In Hebrew. And (please let me
stress) in Arabic.

اکثر چھہ نہ یہ شیفہ پاٹھی پتہ لگان زسہ کس کن چھہ خطاب
کران۔ مہ چھہ باسان اتہ نس چھہ سہ اما خالیس
خطاب کران لیس اکھ یوڈ اسرائیلی شاعر اوس۔ مگر ونان
کیا چھہ مہ وچھہ سورے موتس منز، عبرانی لیس اندر، عربی
لیس اندر۔ اکھ زبانی پٹھہ نہیں زبانی کن سفر کران۔
اکس شخوس اکس بندس منز تہ نہیں شخوس نہیں بندس
منز خطاب کران، سارے باتس منز صرف اما خالیس
خطاب کرنہ بجایہ۔

جیسن فراکا: لیکن حوالن درمیان کیا واٹھ چھہ ژہ
باسان۔ یہود اما خالے لیس پتے اسرائیلس منز گواہی

سراسر اکھ بدلیسی ناوتہ سہ چھہ اتھ باتس منز تمن ونان
ز امیک مطلب چھہ فارسی لیس منز معشوق تہ عربی لیس
منز گواہ۔ تھ کتھ باتھہ دوران کروا س اتھ کن اشارہ۔
مہ چھہ باسان ز یہ چھہ شاد علی سبز شاعری ہند روح
یوس اکھ اندہ سیاسی چھہ دو یمین لفظن منز عربی معنیہ
مطابق گواہ تہ پیہ اندہ عشقیہ چھہ دو یمین لفظن منز
فارسی معنیہ مطابق معشوق۔ دو یم پہلو چھہ تھ باتس منز
زیادہ شدت سان آمت لیس ژہ پڑن، لیس زن
پڑی پاٹھی اکھ لولہ باتھ چھہ۔

جیسن فراکا: یہ چھہ اکھ عجیب ملوہ ارشاد یعنی گواہ
آسنک (لیس پتھ روزنک اشارہ کران چھہ تاکہ اکھ
تناظر ہیکیہ قائم سپد تھہ تصاف یا واضح نظر سپد حاصل
تہ پڑنک اظہار ہیکیہ سپد تھہ) تہ شاد یعنی معشوق
آسنک (لیس اتھ برعکس نزدیکی کن اشارہ کران چھہ۔
یوت نہ تیوت قلبی طور نزدیکی پنک اشارہ)۔

ڈیوڈ کیپلن: اکھ وجہ مہ کیا ز آے باج چانی قرات
پند۔ مہ باسان ژہ پڑا تھ باتھ میانہ کھوتہ بہتر
پاٹھی۔ چانس پرنس منز درائے مختلف لہجہ تہ انداز ژہ۔
دو یمین لفظن منز ووا س زسہ ہیکیہ اکی ساتہ اکہ سے
باتس منز گواہ تہ آستھ تہ معشوق تہ۔ دو شونی حالتن ہند
شاعر، نزدیکی تہ دوری ہند شاعر۔ اکھ پہلو پٹھہ نہیں
پہلوس کن یوان لیس زن اس اتھ باتس منز تہ وچھان
چھہ۔ بیا کھ کتھ یوس مد نظر گڑھہ تھاوڈی چھہ یہ ز
غزلک بیا کھ اکھ پہلو چھہ ہتی۔ پرتھ شعر چھہ منطقی طور
آزاد۔ دو یمین لفظن منز باتھ چھہ اکھ سلسلہ، اکھ
بیانیہ سلسلہ، اکھ جذباتی سلسلہ، مرژان ہند سلسلہ۔ امہ
قصیح شاعری منز چھہ پرتھ شعر اکھ اکس نش واریا ہس

بنیادی طور یورپی کلچر خلاف۔ مہ چھہ باسان شاہد
 علی سنز شاعری چھہہ ہاوان ز یہ مشرق تک تہ مغرب تک
 دو گنیار کتھہ پاٹھو چھہہ بے کار۔ حقیقت چھہہ یہ زیم کلچر
 چھہہ اکھ اکس منز وونٹھ لہذا چھہہ اس و چھان ز سہ چھہٹی
 اہس ایلٹ سہ پٹھہ لورکا ہس کن گروہان تہ مشرق
 وسطی کن گروہان تہ پیہہ واپس پھیران یمن شخون
 کن۔ اومہ پیو ویاڈرہہ پڑھو تھہ مہہ مجنوں متعلق۔
 سہ چھہہ کلاسیکل فارسی، نہ، بلکہ لکھ نظمہ ہندا کھ کردار۔
 سہ چھہہ عاشق اوسمت۔ لہذا چھہہ شاہد علی اعلی ادب کن،
 ادبہ چھہہ مختلف صنفن کن، مختلف کلچر ہندس ادب کن
 کن گروہان۔ مہ چھہہ باسان تس اوس یمن کتھن ہند
 اکھ مختلف تصور ز یورپ کیا چھہہ، امریکہ کیا چھہہ، مشرق کیا
 چھہہ، بیتز۔

جین فراکا: ستم نظریاتی چھہہ ز یہ شخص چھہہ اکھ پراڈ،
 سبٹھا تقاضہ کرن واجنر شعراہہ ذاتھ اکھ حقیقی ہمعصر
 عالمی شہری سنز حیثیو منز ورتاوان لیس دو گن جلاوطنی
 ہند شکار چھہہ۔ سہ چھہہ اصلی ہندوستان تک، تہ تمہ پتہ دلہ
 ہند۔

ڈیوڈ کیپلن: سہ اوس کشیر ہند۔ تہ پٹھہ گوا منتقل
 دلہ تہ تہ پٹھہ امریکہ۔

جین فراکا: تہ پانس اوس ترؤ گن شہر بدر سجان۔

ڈیوڈ کیپلن: پزری پاٹھو۔

جین فراکا: تہ شاہد علی چھہہ پت پھیر تھہ غزل س پٹھہ
 حق جتاوان مگر پتھس اتھ دعو اس منز چھہہ تھہ کتھہ
 پٹھہ اصرار کران ز سہ بنا و اتھ امریکی تہ یہ شعراہہ ذاتھ کر
 امریکہ س عطا۔

ڈیوڈ کیپلن: پزری پاٹھو۔ ہندوستانس تہ پاکستانس

ہند شاعر poet of witness اوس۔ اکثر اوس تہ کمن
 جنگ در جنگ حالاتن ہند تہ چین تہ۔ لورکا لیس بیا کھ
 اکھ شاعر چھہہ یو غزل لیکھو تہ لیس اسپینی شاعری ہند ذی
 اثر شاعر اوس تہ عربی تواریخی میراث کس اثرس تل
 اوس۔ بہر حال لورکا کورفا شسٹو سیاسی اختلاف کنز
 قتل۔ صافے ونے مہ چھہہ نہ پتاہ مجنون کس اوس۔

ڈیوڈ کیپلن: مہہ تہ چھہہ نہ پتاہ۔ مگر باقین شخون منز
 چھہہ میمانڈیز سند ذکر کران لیس اکھ یوڈی رباے rabbi

اوس تہ لیس راوتن ہند راہ نما اوس Guide of the perplexed
 راوتن نش چھہہ مطلب آوارہ گرد

تہ۔ سہ چھہہ بوریس، ارجنٹینا ہک شاعر تہ ادیب سند
 تہ ذکر کران۔ سوال چھہہ یہ ز سہ کیا ز چھہہ بیتن شخون
 ہند ذکر کران تہ تہ چھہہ perfume from a dress that

let you digress یاد کران تہ منز Love Song of
 Alfred Prufrock ٹی اہس ایلٹ سنز نظمہ ہنز بازگشت
 چھہہ۔ شاہد علی یمن چھہہ ایلٹس پٹھہ تحقیقی مقالہ تہ
 لپکھمت۔

یمن بیتن شاعرن ہند حوالہ دتھ کیا چھہہ آغا شاہد علی
 حاصل کران۔ مہہ باسان گوڈ تھہ خاص کر اماخاے
 تہ لورکا سندس سلسلس منز چونکہ ہم دوشوے شاعر تہ
 اُس شاعری اندر زبردست عشقیہ قوت تھاوان۔ تہہ
 وونٹھ وئی ز اماخاے اوس اکھ سیاسی شاعر مگر تمی چھہہ
 زبردست لولہ باتھ تہ پیہہ مہہ۔ مہہ چھہہ باسان شاہد علی
 چھہہ یمن منز اکھ رشتہ داری و چھان۔

بہ اوس حالے نجیمس اندر تہ یمن دوہن چھہہ اتہ یہ
 بحث چلان ز ترکی گروہیا یوروپین یونینس منز شامل
 کرن یمن کنہ نہ۔ کینہہ لکھ چھہہ ونان نہ تکیا ز مسلم کلچر چھہہ

منز چھبہ غزل سازس پٹھہ گونج روایت یتھ متعلق
اسی یتھ پروگرامس منز شاید کتھ ہیکو کرتھ۔ بہر حال
غزل شعرا ذاتھ چھبہ اکی آنہ عصری تہ اکی آنہ
کلاسیکل تہ۔

جین فراکا: اسی چھہ وکلن عربی شعرا ذاتھ غزل
پٹھہ کتھ کران یس اکی اہم شاعر آغا شاہد علی ین
امریکہ ازی تہ یو ڈی امریکی میوہ منز کامیابی سان مول
رٹز چھہ۔۔۔ وکلن چھہ اسی ہر دلعزیز شعرا ذاتھ
غزل متعلق کتھ کران۔ یہ چھہ اکھ اندرونی عربی
شعرا ذاتھ یو امریکی میوہ اندر مول رٹز چھہ۔ اسی
وچھو ز یہ کتھ پاٹھ سپد تہ کیا سپد۔ اسی ہیکو وٹھ
زامیک تعلق چھہ بین نادر چیزن ہنر نقالی ستر۔ مثلاً
برٹی سپیرس سندس کبلا ٹیٹوس ستر تہ ڈیوڈ کیپلن ژبہ نش
تہ آسہ کینہہ دلچسپ مناسیہ مثلاً ایم بی اے باسکٹ
بال کلاژن ستر۔

ڈیوڈ کیپلن: تم چھہ ایشیائی ٹیٹو پسند کران۔ بہ چھس
پننن طالب علمن پرژھان ز فلانی ٹیٹو ہک مطلب کیا
چھہ۔ تم چھہ اکثر وٹان زامیک مطلب چھہ محبت۔ مہ
گرن ایچ بناوٹ خوش، ہنر۔ از گوس بہ اکس بک
سٹورس منز۔ مہ بوز اتہ لہڈ ز پچلن بانک میوز ایک
یتھ کشیر ناو چھہ۔ مہ پیو ویہ یاد امہ موکھ تہ ز کشیر
چھہ آغا شاہد سند وطن آسمو۔ امہ موکھ تہ یمہ طریقہ
موسیقی بناوٹ آس آمرتھ منز چھہ عشقیہ اثر پذیر ی۔
روی شکر تہ چھہ یاد پیوان۔ سہ اوس بگلا دلش خاطرہ
اکس کنسرٹس منز ساز وایان۔ یتھہ تکر ساز چارن
ہیو ت، لکھ تزل ژر پوپ۔ تکر وکھ توہہ چھہ میانہ تارہ
کسک انداز پسند، لہذا چھہ توہہ پز پز پٹھہ میون ساز

واپیک طریقہ پسند۔ یم آس لوکھ یمن امہ موسیقی ہند
تصور پسند اوس گراچ آسکھ تہ تیو خبر اتر اکی نہہ۔

جین فراکا: اسی چھہ پالس یا تہ فارملسٹ زانان تہ
آزاد خیال۔ مگر یتھس چھہ اکھ مثال میلان ز یم
دوشوے چیز یم زن متضاد باسان چھہ، پز کز کیکجا
سپد نچ۔ بہ چھس شاہد علی سز امریکی غزلن ہنز ممبرن
وچھان۔ ناو چھس Ravishing Dis-Unities۔ پیہ
چھہ سے احساس سپدان گواہ تہ معشوق آسک، اکی
سانہ نظمہ ہنر تہ اندر آسک، سرد تہ گرم آسک۔

ڈیوڈ کیپلن: تہ چھہ بلکل صحیح۔ مزید چھہ احساس
سپدان پابندی منز آزادی ہند۔ تم ضبط تہ پابندی یم
آزادی دوان چھہ۔ دو یمین لفظن منز فری ورس
اصطلاح چھہ گمراہ کن تکیا ز آزادی خلاف کس آسہ؟
تکیا ز یمس یہ خوش کرہ تہ کر۔ مگر قافیہ ژھانڈکس عملس
منز چھہ اختراعت، نوہر۔ شاعر س چھہ اکھ لفظ پٹھہ
ہنپس لفظس تام گوہن پیوان۔ اسی چھہ وچھان
پابندی چھہ اکثر خلاف قیاس آزادی بخشان۔ یم
پابندی تہ قید چھہ اکس ماہر شاعر سندھن اتھن منز مکمل تہ
غیر معمولی آزادی منز تبدیل سپدان۔ بہ چھس
دراصل یہ ون پرژھان تہ اتھ ستر چھس بہ اتھ چانس
بروہمس سواس ستر واٹھ دوان ز اکھ وجہ امریکی ین
کیا ز چھہ از کل تمن چیزن منز دلکشی لبنہ یوان یمن تم
غیر مغربی ہیو سجان چھہ، صحیح وجہ کز یا غلط وجہ کز۔ مثلاً
برٹی سپیرس سند کبلا ٹیٹو چھہ عبرانی تہ امیک عبرانی چھہ
غلط۔ مزید موسائیس منز چھہ ٹیٹو ہن خلاف قانون
تہ۔ اتھ منز چھہ باسان تر وگنہ غلطی۔ پیہ اندہ چھہ
ایران تہ عراقو سبھا عمدہ سکالر آسٹو۔ مہ چھہ یمن

کر کی کینہ و ناودار امریکی شاعر وارد و پڑھ ترجمہ۔ غزل اوس واریا ہن زبان منور تاوندہ یوان یمن منزاردوتہ فارسی چھہ۔ یوکر کی غالب سندری ترجمہ۔ رچہ میچ امہ ستر ویش تہ کو پیکر ہیوہ ہندو پیکر سلسلہ لیکھنی، یو منورہ کینہہ تہ ۱۹۶۸ منورہ لیکھنی۔ اگر تہ تھہ پڑھ غور کرنہ بیہ زامہ وقتہ کیا اُس امریکہ کی حالات۔ مارٹن لوتھر کنگ اوس کینہہ رتھہ بروہہ قتل کرنہ آمت۔ رابرٹ کینڈی اوس قتل کرنہ آمت اکر سے رتس منور۔ اڈرن رچ اُس نہ قافین منور لکھنی تھاوان تکیا ز تسنن نظم منور چھہ نہ قافیہ۔ تسنن لکھنی اُس نہ ردیف منور تہ تکیا ز تسنن نظم منور چھہ نہ ردیف تہ۔ مگر تس اُس شعر ہن ہنر خود مختاریت پسند آمت۔ پر تھہ شعر اوس دؤ بیہ شعرہ نش الگ۔ اتھہ منور اُس یکجا چیز ہن ہنہ نہ نہ گوہن بازگشت باسان بیکو تجربہ سوکران اُس تمن حالات منظریم سو پانس اندی لکھنی و چھان اُس۔ تند اوس سٹھا اثر۔ اکھ چیز تہ تھہ خلاف آغا شاہ علی ۹۰ کس دلس دوران رد عمل ہاوان اوس، اوس غزلک یہ فری ورس تصور، تھہ منور تند خیالہ اصطلاحی تضاد اوس۔ سہ اوس غزلک اصل تہ سخت گیر تصور مسلط کرن یرٹھان، تھہ منور باقین چیز علاوہ قافیہ اوس، ردیف اوس، تہ مقطعی منور تخلص اوس۔

جین فراکا: تم کو را امریکی شاعر ہن یہ دہ تہ کھتیرہ پنس ناٹھس غزلہ کس سلسلس منور ہنر امہ آزاد روی پڑھ۔

ڈیوڈ کیپلن: تم کو تمن کھتیرہ مگر یہ کھتیرہ اوس خوش مزاج کھتیرہ۔ میانہ خاطرہ اوس یہ دلچسپ میہ ساتہ بہ تسنن شاعری اکہ بحث چہ تیاری دوران دوبارہ پران

علاق منور پز کی دلچسپی، خاص کر ازچہن سیاسی حقیقون مد نظر۔ بہ چھس تمن ہندو تعریف کرنی یرٹھان۔ مہ چھہ باسان آغا شاہ علی یس اُس شاید امریکہس منورہ شوئی رچان ہنر کشش تہ امریکی شاعر اُس ہیوہ ہندس سلسلس منور پنن رد عمل پچ در پچ ہاوان۔ مہ چھہ باسان کینہہ رد عمل اُس سطحی تہ کینہہ اُس واریاہ اثر کروڈ۔

جین فراکا: آغا شاہ علی چھہ امہ سو مہر نہ ہندس دیباچس منور لیکھان ز اگر کا نہہ مغربی تہذیب تہس نہس کرنہ کہ غرضہ فری ورسہ منور لیکھان چھہ تہ تہس پڑ لیکھن، کرنہ شکہ وراے پڑتس ہیون منور لیکھن یس پنن پان مغربی تہذیب نش بچاون آسہ۔

ڈیوڈ کیپلن: میانہ خیالہ چھہ تہ یہ کھتیرہ رچان کس رد عملس منور نمولیس پابند شاعری دؤ یمن لفظن منور سانبٹ، بیلڈ، ہنر سیاسی، جمالیاتی رجعت پسندی زانان چھہ۔ دؤ یمن لفظن منور، پتمہ صدی ہندس اٹھمس دلس منور اُس واریاہ شاعر یمن ہیون منور لیکھان تھہ زن یہ رچان امریکی شاعری منور خطرناک قدامت پرستی زانان اوس۔ یمن ہند خیالہ اگر کا نہہ روایتی ہیون منور لیکھان اوس، سہ اوس سیاسی طور تہ روایتی۔ میانہ خیالہ چھہ شاہ علی سنر شاعری دؤ یمن ہمعصر شاعر سنر ستر یہ اشارہ کران ز یہ دو گنیا چھہ اپز۔ پابند شاعری لیکھنکو ہیکن واریاہ وجہ آستھ، سیاسی طور تہ جمالیاتی طور تہ۔

جین فراکا: اچھا، دوڈ وچھو اکر اڈرن رچ اُسایکے گوڈ تھہ غزل منور تجربہ کر کی؟

ڈیوڈ کیپلن: اچھہ سٹھا دلکش کہانی۔ ۱۹۶۸ منور

اوس، بیلہ مہ یہ وچہ زکا تہن تمن شاعرن ہندی چھ
سہ پنہن غزلن منز مصرعہ نقل کران یویم ترجمہ کرؤ مڑ
اُس تہ چھ مارک سٹرانڈ سندری مصرعہ نقل کرؤ مڑ،
کینون منز چھن اڈرن رچ سندری مصرعہ دمتی۔ یہ چھ
پوز سہ چھ یمن کھتیرہ کران مگر سہ چھ تمن ہند بکرتہ
تسلیم کران۔ میانہ خیالہ چھہ تسن شاعری ژ کہ غزلہ چہ
تمہ آزاد ہیو ہنز ملامت کران۔

جین فراکا: اچھا، یہ کتھ چھہ دلچسپ۔ سار سے
ہفتس اوس سون عملہ تہہ کتھ پٹھ بحث کران ز تلفظ
گوہیا GA-zal آسن کنہ ga-ZAAL۔ ظاہر چھہ اسہ
کو GA-ZAAL پھورس پٹھ اتفاق مگر شاہد علی اوس پانہ
اصرار کران ز امیک تلفظ گوہیا GA-zal کرنہ یں۔
امہ لفظ کس پھورس متعلق تہ چھہ ابہام۔

ڈیوڈ کیپلن: یہ چھہ دراصل اردو تہ فارسی لیس درمیان
جگہ۔ بہ چھس نہ اردو یا فارسی یک عالم۔ بہ چھس نہ
یم ز بانہ پتھ ہیکان مگر اردو تلفظ لیس شاہد علی ورتاوان
اوس چھہ گوڈنکس رکنس پٹھ زور تر اوان، GA-zal۔ سہ
چھہ اتھ صحیح پھور مانان۔ فارسی والو چھہ ونان زور چھہ
دویمس رکنس پٹھ ga-ZAAL، تہہ پاٹھو اسی امیک
تلفظ کران چھہ تہ سہ چھہ صحیح تلفظ۔

جین فراکا: GA-zal چھہ انگریزی لیس منز
guzzle لفظس سز تہ رلان۔ تہ یہ پھور چھہ عجیب
باسان بیلہ زن ga-ZAAL واریاہ شستہ پھور چھہ تہ
ذہنس منز چھہ غزال یوان۔ باسان چھہ اتھ شعرہ ڈاژ
چھہ دراصل غزال سنز بہ بس کر یکہ پٹھ ناوتھاوہ
آمت۔ سو کر یکہ یوس سہ شکارس دوران زیر سپدن
وزہ دوان چھہ بیلہ تس فکرہ تران چھہ وہڈی چھہ تس

مرن۔ لہذا چھہ اتھ منز اکھ غمناک احساس۔
ڈیوڈ کیپلن: یہ چھہ شاعرانہ طور ز یادہ بہتر باسان۔
جین فراکا: بلکل۔ لوکن گوڑھ یہ پتہ آسن۔
ڈیوڈ کیپلن: سوال چھہ دراصل یہ زاکہ لفظک صحیح
پھور کتھ پاٹھو تہ کر چھہ مشخص سپدان خاص کر بیلہ لفظ
اکہ ز بانہ پٹھہ بنیس منز منتقل سپدان چھہ۔ شاہد علی یں
دژاکہ طرفہ سبٹھا دلچسپ شاعری وٹش پانہ تہ بین ہند
دکرتہ۔ تہ دویمہ طرفہ اوس سہ غزلہ کس اکس خاص
تعریفس پٹھ اصرار کران۔ مگر ہیون منز چھہ تبدیلی
سپدان۔ سانٹ چھہ وٹس سستی بدلیومت۔ اکہ آنہ
چھہ یہ ون مشکل زہیو ہنزا کھ خاص شکل کیا چھہ تج صحیح
شکل یوس پتھ کن تہ آسمہ چھہ تہ برو نہ کن تہ آسمہ۔
جین فراکا: ساءیک ذکر سپد تہ خبر ژہ چھکھا مالی
پیکاک سنز شاعری نش واقف؟

ڈیوڈ کیپلن: یہ چھہ تسن شاعری نش واقف۔
جین فراکا: تیلہ آسی ژہ پتہ ژو کر کی سانٹ لیلہ
شروع تہ تس پٹھ سپد یہ ظاہر زہیو تہ تمہ چو بند شوگر سو
بحیثیت شاعر آزاد تہ تو ہیک سر تنن تجربن ہند اظہار
کر تھامہ کن ژو اُس پانس پٹھ حد بندی عاید کر مڑ۔

ڈیوڈ کیپلن: سو چھہ شاہد علی سندری پاٹھو شاعرن
ہند تمہ نسلک حصہ یم اڈرن رچ ہون شاعرن کن پنن
ر عمل باوان اُس یو گوڈہ پابند شاعری لچھہ تہ باسان
اوسکھ سو اُس تمن بند کران۔ سو اُس سبٹھے نجی تجربن
زو دنج وٹھ ژھاران۔ لہذا باسیہ ہیئت تس انچ جوانی
عمل۔ پیکاک ہوس کانہ شاعرس لیس سبٹھا نجی
اندازہ لیکھن بڑھان آسمہ تہ تمن موضوع متعلق یمن
پٹھ اظہار کرنس منز تس امہ الگ سبٹھا دشواری سپد ہے،

ژھانڈلس منز دلچسپی تھاوان۔ مغربی تہذیب کتھ چھہ
تم ونان اتھ متعلق ہیکو اسی بحث کرتھ۔ اڈران رنج
سندھ خاطرہ اوس نہ یہ معاملہ ۱۹۶۰ کس دہلس
دوران دلچسپ۔ یہ سپد حالے ز شاعر و ہیوہ سخت گیر
ہیوہ ورتاؤنہ یم زن کنہ سچ پابند مقفی شاعری لیکھن
یشھان اُسی۔ تمو چھہ ز غزل تہ اوس ٹکرہ دار لسانی
قالب، پر تھ شعر پالس منز مکمل تہ آزاد۔ یہ سورے
اوس تی یہ تم لیکھن یشھان اُسی۔ شاہد علی سند اثر اوس
ہیوہ ہندس بدیلی آسنس منز۔ تہ یمہ قسمکو لسانی ڈانچہ
اتھ منز دستیاب اُسی تم اُسی تے یمن منز یم شاعر دلچسپی
تھاوان اُسی۔ یعنی غیر سلسلہ وار نظمہ، نظمہ یمن منز
واریاہ تہ مختلف چیز کی آنہ موجود آسن۔

جین فراکا: شاہد سند اکہ غزلک شعر چھہ، پس پڑ
پاٹھی ممتاز چھہ، پس ہلکے از یک چھہ۔

The birthplace of written language is
bombed to nothing
How neat, dear America, is this game for
you?

ڈیوڈ کیپلن: یہ چھہ سبھا ممتاز شعر۔ تموتھو منز یم
میانہ خاطرہ دلچسپ چھہ، چھہ یہ ... اسی اُسی رتھ
کھنڈ برونہ کتھ کران قدیم تہ معاصر کہ بچ۔ گوڈکس
مصرعس منز چھہ سہ یمن جاین ستر سانس تشدد تعلقس
کن اشارہ کران بیلہ زن یہ غزل تمن انسانیت کس
رشتنس منز جائے شیران چھہ۔ میانہ خیالہ چھہ غزل
پانہ تمہ تشددک متبادل فراہم کران پس قدیم تہ جدیدس
درمیان چھہ۔

جین فراکا: مگر شاہد علی گذریو ۲۰۰۱ منز۔ باسان
چھہ سہ زن چھہ عراق کمن از کمن حالات ہنز کتھ
کران۔

ہیوہ کڑ۔ ژبہ پس شاہد علی سند گوڈ نیک غزل پڑتھ تھ
منز چھہ سہ ونان ز کانہہ خاص طرز فکر ہیکو نہ تو فری
ورسہ منز بیان کرتھ۔ توہہ چھہ پنن پان بہ لگام
باسان۔ چونکہ توہہ نش چھہ یہ پابند ہیئت یوس امہ
قسمہ کس جذباتی و فورس خلاف کام کران چھہ۔ میانہ
خاطرہ چھہ یہ کشکش سبھا دلچسپ تہ اثر دار۔ شاہد علی
چھہ مختلف تضاد دریافت کرنس منز دلچسپی تھاوان۔ اُسی
شعرس منز چھہ ونان۔

When even God is dead, what is left but
prayer?
And this wilderness, the mirrors I multiply
in?

یہ چھہ خود فکری ہند دلچسپ انداز۔ مہ چھہ باسان سہ
چھہ ہیوہ متعلق اتھ منز کتھ کران۔ ہیئت چھہ پالس منز
بند تہ قید کرنہ بجایہ آنہ منزہ آنہ ہاوان تہ تھہ پاٹھو
مختلف کونہ ہاوان۔

جین فراکا: غزلس متعلق یم سار کتھ کرنہ پتہ کیا
چھہ ژبہ باسان ز اتھ منز کیا چھہ تھہ پس عصری امریکی
حیسیوہ براہ چھہ؟ اتھ منز کیا چھہ پس زن اسہ ونان چھہ یہ
وسیلہ چھہ وونی تہند خاطرہ۔ مہ ورتاؤو۔

ڈیوڈ کیپلن: واریاہ وجہ۔ شاہد علی اوس پانہ متاثر کن
شخص۔ سہ اوس امہ ہیوہ ہند سوداگر۔ یہ ہیئت سپزٹس
ستی تھہ کڑ منسوب ز ۲۰۰۱ منز بیلہ سہ سبھا بیمار آسنہ
کڑ کانفرنسہ منز شرکت کرتھ ہیوہ نہ، شیشو شاعر و
لیو کھ تسز عزت افزائی منز غزلک اکھ سلسلہ۔ یہ اُسی
بہترین عزت افزائی۔ لہذا بیلہ اسی اتھ ہیوہ متعلق
سونچان چھہ اسی چھہ تس متعلق سونچان۔ تس منز اُسی
یہ تخلیقی قوت، تشبیہ کرک تہ لوکن ہند توجہ رنگ مادہ۔
مزید یہ ز شاعر اُسی مغربی تہذیب نہر شعرہ ہیوہ

ڈیوڈ کیپلن: صحیح، مگر شاید اوس نہ عراق گوڈ نیک
مڈل ایسٹ ملک تھ امریکہن بمباری کر۔ چالی کتھ
چھہ صحیح، یہ چھہ باسان عصری۔ سہ اوس گلف وار پتہ
لیکھان تہ اتھ خطس منز امریکہن تواریخ دبھنس منز
تھاوتھ۔ ژبہ وڈنتھ بلکل صحیح۔ تکی سنز سیاسی وتھہ ہنزہ
زامرہ نظمہ یا شعر چھہ الہامی باسان۔

جین فراکا: شاعری چھہ اکثر الہامی آسان۔ نظمہ
چھہ شاعر سندھ کھو تہ زیادہ علم آسان۔

ڈیوڈ کیپلن: مہ چھہ اتھ ستر اتفاق۔ تکنیک چھہ
شاعر اس امہ قسمک اجازت دوان۔ مثلاً قافیہ ژھارنس
منز ہیکہ شاعر وتھ ژمہ کورفالڈ لفظ اوہ موکھ استعمال
تکلیا ز قافیہ کنی اوس یہ برخل۔ اکثر چھہ اس واریاہن
شاعر سملھی مڑ تہ تہندک شعر یا نظمہ چھہ پسند
کر مڑہ۔ بیلہ اس تمن کنہ چیز متعلق پڑھان چھہ؛
اکثر چھہ تم انتہائی سطحی توضیح پیش کران۔ تمن چھہ نہ
کچی خبر آسان۔ اس چھہ حیرت کھوان ز اڑی شخون
کتھہ پاٹھی چھہ یہ نظم کچھ مڑ۔ مہ چھہ باسان تکنیک
چھہ شاید شاعر اس ویش دوان۔ یہ شاعر معمولاً سوچی،
تکنیک چھہ تمہ ہیور تہ علاوہ امکان شاعر سندس
دبھنس تہ دس منز تراوان۔ اس ہیکو وتھہ شاعر چھہ
مختلف طریقو تکنیکہ ہندک امکان دریافت کران۔

جین فراکا: اچھا تواریخی، تمدنی طور کتھ مقاس پٹھ
چھہ اس۔ کینہہ دہلو بروہہ اوس پر تھہ امریکی شاعر فری
ورسہ اندر لیکھان تہ ہیوہ ہندس تصور ستر اس تمن
نفرت۔ تہ پٹھہ چھہ پر تھہ قسمہ چین ہیون منز تجربہ
سپدان۔ امیک وجہ کیا چھہ؟ اس ماسر حدہ ہر آزاد۔

ڈیوڈ کیپلن: ۱۹۸۰ کس دبلس دوران اوس اکھ

گروپ تھ ناواوس نو، ہیئت۔ یمن منز اوس اکھ شاعر
دانا جویا لیس وڈنی نیشٹل انڈومنٹ فار آرٹسک
چیرمین چھہ۔ ایم اسر تی ونان یہ ژبہ وڈنتھ۔ امکو کینہہ
رکن اسر ونان ز سبٹھافری ورس سپز، اسہ چھہ وڈنی
پابند شاعری ہنز ضرورت، مختلف وجوہ کن۔ یمن پتہ
جوان ترنسلیم ۱۹۹۰ کس دبلس دوران بالغ سپدک
چھہ اتھ معاملس رڑھ کھنڈ کم گرم جوشی سان وچھان۔
تمن نش آسہ ہیوہ مختلف تکنیک چین صورژن منز
دستیاب تہ تمن ہنز دلچسپی اس زیادہ تر پابند یا باوزن
شاعری لیکنس اندر۔ شاید علی بن یوس سومبرن مرتب
کرتہ بیمہ کمن غزلن سہ اصلی غزل ونان اوس، تیمک
اکھ دلچسپ پہلو چھہ یہ ز تم شاعر یمن وری واد اسر
کمتی باوزن شاعری لیکنس، پھیرک باوزن شاعری
کن پڑت۔ تمو وچھو باوزن شاعری ہندک غیر
جانبدارانہ امکان۔ دہشویوٹرفو اسر جنگ سپدکرتہ تہ
وڈنی اس باوزن شاعری تمن بروہہ کنہ اکہ دستیاب
تکنیک چہ صورژن منز۔

جین فراکا: ژہ کم باقی مثالہ ہیکلھ سوچتھ یمن منز
اسہ اکھ ہیئت تراوتھ ژھنی تہ پتہ کچھ سو۔ اکھ مثال لیس
میانس دبھنس منز یوان چھہ، چھہ رومن لٹریجی ہنز،
لاطینی ماس (دعا) تھ پٹھ زبردست شور سپد بیمہ ستر
کتھولک چرچس اندرک دراڑ سپز بیتہ زن کینہہ ژور
پاٹھ وڈنی لاطینی ماس پران چھہ۔ لاطینی ماس متعلق
چھہ واریاہ چیز خاص۔ یہ چھہ لاطینی زبانی منز۔ اڑ دیت
امتیازک احساس تھ نش۔ تھ اس معمولی تہ نثریہ وتھ
ہیکو۔ یہ اوس آفاقی تہ۔ پر تھہ جایہ اوس کی طریقہ تہ
اکو سے زبانی منز ومنہ یوان۔

ڈیوڈ کیپلن: سیمس بیٹی سندا کھ بہترین مصرعہ چھ
 Victims from the Bloody Sunday مرتب منظر۔

We pine for ceremony

چون سوال چھ متروک ہیو کر آہ واپس۔ سانہ واریاہ
 مانوس شعرہ ہیوہ آہ پزری پاٹھو واپس۔ مثلاً سانبٹ
 اُس سانی سبٹھا روایتی تہ سبٹھا اہم شعرہ ہیوہ، وئے تہ
 چھہ شاید، مگر ۱۹۱۹ منز اوس ٹی ایس ایلیٹن اعلان
 کو رمت ز یہ شعرہ ہیوہ ہیوہ موکیر۔ سامبول جانسن اوس
 وؤنمت ز یہ شعرہ ہیوہ ہیوہ نہ انگریزی زبانی
 موافق۔ لہذا چھہ اس وچھان مختلف اوقات ییلہ ہیوہ
 سبٹھا مقبول یا کم مقبول سپدان چھہ۔ یعنی مستعمل تہ
 غیر مستعمل سپدان چھہ۔

جین فراکا: یو ڈسوال چھہ سانہ زندگی منظر کس مقام
 چھہ ہیوہ ہند، خاص کرامر کی یں ہنز زندگی منظر یں پنڈو
 آزادی سبٹھا ٹاٹھ چھہ۔ مزید یہ ز اسہ منظر کیا ز چھہ
 واریاہ مختلف قسمہ چین ہیون تو منسلک گروہان۔ مثلاً
 ٹیوٹس سبٹھا مقبول چھہ سپدمت۔ ادلس منظر چھہ
 ہاکیوچ مثال۔ رچرڈ ہاورڈن کردی ہنتہ بدی ہاکیو
 مرتب۔ سوال چھہ ز اسہ پزیا امہ آزادی کو کنتہ تہ
 چیزک نقل کرن لیس اسہ بروہہ کنتہ آسہ، کنتہ تہ چیزک
 نقل لیس اسہ چیزن تہ افکارن ہندس سپر مارکیٹس
 یعنی امریکہس منزانتہ ہیون... اسہ چھہ باقی چیزن
 علاوہ ہیوہ متعلق کنتہ کران۔ غزل کس سلسلس منز سانہ
 زندگی ہندن مختلف پہلون منز ہیوہ ہنز اہمیو ہنز کنتہ
 کران۔ غزل چھہ اکھ شعرہ ذاتھ، قدیم، سانبٹ
 کھوتہ پرائی۔ امہ تو سپدسون ظون امریکہ کس نقل
 کرنہ کس عادتس کن تہ تھہ کنتہ کن ز ییلہ اسہ دؤیمو

تدو پٹھہ کانہہ چیز پہہ انان چھہ، تمیک روح ما چھہ
 راوان؟ اکھ بیا کھ تھر مثال چھہ یوگا لیس وونڈی تیوت
 امریکن بنیومت چھہ ز میکڈانلڈ چھہ اتھ ہیوہ گرن
 ہندن اشتہارن منز استعمال کران۔ ڈیوڈ کیپلن، خبر
 ژبہ چھہ تھہ ایم اشتہار وچھمت۔

ڈیوڈ کیپلن: نہ مہ چھہ نہ۔ مگر بہ چھہس تمن ہندی
 تعریف کران ایم یوگا کس مادیت مخالف لباس منز
 کلاس منز یوان چھہ۔ مہ چھہ باسان یوگا چھہ اکھ رز
 مثال تکیا ز اتھ منز ہیوہ واریاہو رگو اصلس برعکس
 معمولی نقالی تہ سپدتھ۔ یہ تہ چھہ پانہ رز کنتہ ز واریاہ
 لوکھ چھہ یوگا کران۔ لہذا چھہ تفکک معاملہ توہن خاص
 مثالن تام واتان یمن ہنز تعیم مشکل چھہ۔ یوگا تہ برٹنی
 سپیرس ہشہ مثالہ ذہنس منز یہ چھہ فطری، مثالہ یمن
 متعلق نئے نہ کرنی آسان چھہ۔ باقی اثر دار مثالہ تہ
 چھہ یمن منز غزل یا سانبٹ چھہ۔ سانبٹ زاو اٹلی
 منز۔ پو ز چھہ یہ ز امریکہ پر تھہ بد شعرہ ہیوہ ہیوہ
 پٹھہ آٹھ، ترجمہ ہند ذریعہ۔ سانبٹ آوانگیلڈ تہ پتہ
 امریکہ۔ بلکہ اٹلی پٹھہ سار سے یورپس منز۔ بیا کھ اکھ
 تحریک تھہ بہ خلاف چھہس چھہ یہ خیال ز اسہ پز
 صرف مقامی ہیون تام محدود روزن۔ گرامہ تو چھہ
 مقامی مفاد پرستی بارسس یوان۔ لہذا چھہ یہ پیچیدہ
 تصور۔ کینہہ مثالہ چھہ سبٹھا جان باسان۔ کینہہ
 غزل، آغا شاہ علی سزہ مرتب کر موہ کتابہ منز تہ، چھہ
 صرژن ہندس نقلس منز سبٹھا لیوہ باسان۔ مہ چھہ
 باسان دارہ مدارہ چھہ مثالہ پٹھہ تہ ورتادون والس
 پٹھہ۔

جین فراکا: چون کیا خیال چھہ مقامی کھو کو ڈوونہ کس

تھ اصرار متعلق۔ (اسن کھگالہ) خبر چانس علاقہ
منز چھا پڑھ کتھ مگر پیہ وسکائسنس منز چھ مثالہ پاٹھو
تھ کتھ پٹھ سبٹھا اصرار زاسہ پزن مرگہ واپس انہ۔
بیمک مطلب یہ چھ زاسہ چھ مرگن ہندو مقامی
کوکڑ واپس اتی میم ہیکو پرائی اُس تہ تموپتہ یہ کینہہا
لگانو آوتہ چھ مولہ پرائٹھ نن۔ یہ وچھتھ چھس بہ
سونچان ز یہ چھبہ اکہ قسمہ چہ نازی ازج اکہ ہیئت
لیں قبول چھبہ۔ بونا نکل نازی ازم۔ یہ ہیکو نہ اس
انسان تہ کر تھ۔ تمیک چھ نہ اجازت۔ مگر کلین کٹھن
ستی ہیکو کر تھ۔ (اسن کھگالہ)

ڈیوڈ کیپلن: بہ ہیکہ نہ اتھ معاملہ منز خاص کینہہ
وتھ تکیا ز بہ چھس نہ باغوان اگر چہ مہ لوکن ہندن
باغن ہنز پھل قدمی کرنی پسند چھبہ۔ کیا چھ مقامی تہ کیا
چھ نہ مقامی چھ سبٹھا مشکل تہ پیچیدہ معاملہ۔ ٹماٹراوس
جنگ نوک* ایجاد لیس اٹلی اندر نہ آو۔ مگر اسہ چھ
باسان ز ٹماٹر تہ ٹماٹر ساس چھ خالص اطالوی۔ کوکڑ
چھ متواتر بدلان۔ میکسل پالائین چھبہ اکہ دلچسپ
کتاب کچھ مہ تھ منز سہ ونان چھ ز اس چھ صرف یہ
وچھان ز اس کیا چھ کلین کٹھن کران۔ اسہ کونہ پز یہ
وچھن ز میم کوکڑ کیا اثر چھ انسانی طور طریقن پٹھ
تراوان۔

جین فراکا: غزل چھ واریا ہوا ہم امریکی شاعرو
ور تو و مت۔ چاہہ خیالہ چھا اتھ منز کانہہ ترمیم سپر مژ،
کانہہ تزل آمت۔

*جنگ نوس نش چھ ڈیوڈ سند مراد تم حملہ میم نوین زمین ہندس
تلاشس منز یورپی قومو کر۔ تم آے جنوبی امریکہ پیہہ ازتیک
تہذیب اوس۔ خیال چھ کرنہ یوان ٹماٹر چھ اتی پٹھہ بائے
جاین کن آمت۔ (نیب)

ڈیوڈ کیپلن: گوڈہ گوڈہ کیوشاعر و بدلاً و انج ہیئت
واریا ہس حدس تام۔ اڈرین رچہ کُر انج ہیئت
تبدیل۔ تھ سندو کینہہ غزل چھبہ واریاہ کامیاب تہ
کینہہ چھبہ کم کامیاب۔ مسلہ اوس یہ ز تمس پتہ میم
شاعر آہ یہ ہومنزہ کینہہ مشہور اُس، کینہہ کم مشہور، تہند
غزلہ چہ ہیہ ہند علم روداڈرن رچہ ہنز شاعری تاسے
محدود۔ یہ اُس اکھ غلطی۔ اگر کتھ ہیہہ اصلاح کرنہ پیہ،
کتھ چھبہ بدل۔ واریاہ جان نظم منز چھبہ پرائین
ہیہون ہنز اصلاح سپر مژ۔ مگر ہیہہ ہنز توارنخ زانہ کرنہ
ورائے اصلاح کرنی چھبہ غلطی۔ ژبہ پڑھتھ پتھ کن ز
ہیہہ ہنز کشش کیا چھبہ۔ ژبہ اتھ پیسبالہ ہنز مشاہبت
برونہہ کن یوس میانہ خیالہ دلچسپ چھبہ۔ بہ چھس نہ
پڑھان تھ گیمہ اندر گوتھن یوس نون انکن تام
پوشہ... اتھ منز چھبہ اکہ ہیئت، مگر کھیلہ ہندی طور
طریقہ چھ منز منز بدلان تہ۔ اسہ نش چھبہ لچکدار
اصول میم منزہ بدلان چھ مگر سوال چھ امہ بدلاو خاطرہ
گوشہ یکن ہیہون تہ اصولن پتہ کچھ توارنخ آسز۔
اڈرین رچہ پتہ یینہ والی شاعر اُس معمولی غزل لیکھان
تکیا ز یکن اوس نہ نامہ کہ توارنخ کانہہ احساس۔

جین فراکا: ژبہ کوڑ تھ جان ژبہ تچھہ پیسبالہ ہنز کتھ
تکیا ز امریکہس منز اگر کانہہ رسم چھ سہ چھ پیسبالے۔
بہ چھس سونچان پیسبالہ ہند سیزنچ شروعات کتھ
پاٹھو چھبہ ہمیشہ صدر امریکہ سندو دسپدان بیلیہ سہ
بال میدان کن لایان چھ۔ یہ رسم چھ نہ بدلن دول...
ڈیوڈ کیپلن: مگر سستی چھ تبدیلی منز تہ ستر کچھ ضروری۔
باستن رڈ ساکسن ز سز رولڈ سیریز۔ لوکوانی پننہن
مالین، بڈین ہنز قبراں پٹھہ پوش۔ تھ ہیکو نہ رڈ

ساکچ یہ کامیابی زندہ زو وچھتھ۔

شاعر سپد تھ۔

جین فراکا: نہ لو کو کوس زبان کرامہ کامیابی خاطرہ استعمال ending the curse۔ یہ چھہ مذبح زبان تہ جادوچ زبان۔

ڈیوڈ کیپلن: صحیح۔ ہیو منز گوٹھہ تبدیلی آسز۔ اگر بیمہ کتھ ہند کا نہ خیال آسہ ہے نہ ز رڈ ساکس کیا زمینہ کتھ متہ کنہ ساتہ، اتھ کھیلہ منز روزہ ہے نہ کا نہہ دلچسپی۔ امکان گوٹھن آسز۔ مہ بوز بائٹس منز پرڈ لو کو امہ کامیابی کہ دوفیمہ دوہہ اخباریہ وچھنہ خاطرہ ز تمواوس پرڈ پاٹھو زیونمت۔ یہ اوس نہ اکھ خاب۔

جین فراکا: (اسن کھگالہ) یہ چھہ بیا کھ مثال ز رسم کتھ پاٹھو ہیکہ ذہنی صورتحال بدل اوتھ، کانٹنس عبس منز تبدیلی انتھ۔

ڈیوڈ کیپلن: چالی کتھ چھہ صحیح۔ رسن منز چھہ اسز ٹکرا، ہو بہو نقل یڑھان، تہ ستی چھہ اسز یمن اندر کی بیشی یا اختلاف امکان تہ یڑھان۔ امی کنی پرڑھتھ ژبہ ز یمن ہیون ماچھہ ترمیم سپر مژ۔ شاہد علی لیس برعکس چھس نہ بہ یہ ونہ خاطرہ تیار ز یہ کیا چھہ غزلچ اصل ہیئت تہ اتھ منز چھہ نہ تبدیلی ممکن۔ ہیون متعلق چھہ سبٹھا دلچسپ کتھ یہ ز یمن منز کتھ پاٹھو چھہ کی بیشی سپدان۔ سوال چھہ یمن منز چھا تبدیلی دلچسپ، سمجدار، ترغیب دار تہ توڑ دار طریقو سپدان؟ میانہ خیالہ چھہ ایڈرین رینج سندو غزل دلچسپ۔ رچہ تہ شاہد علی لیس درمیان کیو شاعر دلچسپ کم طاقتور غزل۔ یہ تہ چھہ حقیقت ز ہیو ہندس خالص ٹکراس، ہو بہو نقلس منز چھہ نہ کا نہہ زور آسان۔ اتھ منز چھہ نہ محنت آسان۔ دراصل ہیکہ یمن کتھن ہند فاصلہ شاعر بہ

جین فراکا: شاہد علی سند اکھ غزل چھہ ظریفانہ تہ شوخ مزاج۔ حالانکہ تسندر واریاہ غزل چھہ شوخ مزاج۔ کینوہا چھہ اتھ منز لفظن ہند گیند۔ اتھ منز چھہ تہ سندرہ خوش خلق ذہنچ کارگیری۔ امہ مزید چھہ اتھ منز اصولن ہنز تابعداری ہنز حرف گیری۔ مصرعن منز نگراری حصہ (ردیف) ورتاؤنک، تیتز۔ مگر یہ ہے تکرار چھہ کارگیری پیدہ کران۔ بہر حال اکس غزلس منز چھہ سہ طوفان ناوتھاؤنکس خیالس تہ گندان۔ غزل چھہ۔

We are left mute and so much is left unnamed after you--
No one is left in this world to be blamed after you.
Someone has disappeared after christening Bertha--
Shahid, will a hurricane ever be named after you?
Now from Miami to Boston Bertha is breaking her bones--
I find her in the parking lot. She says, "I'm blamed after you."
The Deluge would happen--it was claimed--after you
But the world did go on, unashamed, after you
ANDREW BERTHA CHARLES DAVID
ELLA FLOYD GEORGE
but S comes so late in the alphabet that although
SHAHID DEVASTATES FLORIDA is your dream headline,
no hurricane will ever be named after you.

وونی تلو اس کرٹین ہند فون۔ ہیلو کرٹین!

کر سٹین: مہ چھہ اکھ سوال۔ جدید آرٹس کتھ پاٹھو ہیکہ ہنز کتھن تہ تعلق آستھ۔ خبرامہ تہ ماچھس بہ

تو بہ موضوع نش ڈالان۔ لوکھ چھ جدید آرٹ وچھتھ
اکھ قدم پتھ رٹان تہ ونان یہ زن چھ نہ آرٹ کس قیاس
کرنہ آمتس تصورس تابع۔ بی چھ سپدان آرٹ چھ
باقے ہیہ وچھتھ۔ تہند کیا خیال چھ اتھ متعلق؟

ڈیوڈ کیپلن: تمام دلچسپ آرٹ چھ پرانہ تہ نو یک
امتراج آسان تہ یہ چھ اکثر متوطر یقو سپدان یمن
متعلق کانہہ پیشین گوئی ہیکہ نہ سپد تھ۔ مثالہ پاٹھو تہو
وچھو پنس آفسہ کس ڈیسکس۔ توہ نش آسہ فلیٹ
سکرین کمپیوٹر تمام تر جدید ٹیکنالوجی ہتھ، انٹی وایرس
ٹکنالوجی سان۔ مگر اتھ لرلور آسہ ٹیپ ڈسپنسر لیس
کو تاہ، پنواہ شیٹھ وری پرون چھ؟ سہ چھ اتہ نس امہ
موکھ تکیا زسہ چھ ونہ لکار پروان۔ امہ رگور چھ پرون تہ
تو واکس اکھ ستر لالان تہ تعلق تھاوان۔ ہیہون ستر تہ
چھ بی سپدان۔ ویڈیو آرٹس متعلق تہ ہیکو اسر تھتھ
پاٹھو سوچتھ یوس اکھو ہیہت چھبہ۔ بل ویولا چھ سبٹھا
مانہ آمت ویڈیو آرٹسٹ۔ سہ چھ اکثر ریٹاسانس
فرینگ ٹمیک ورتاوان یم سہ پنڈ شارٹ فوکس کرنہ
خاطرہ ریٹاسانس مصورن نش مستعارانان چھ۔ میانہ
خیالہ چھ یمن منزجیران کن تہ سبٹھا خوبصورت اثر لیس
زن نوس تہ پرانس ستر ہم آہنگ چھ تمن غزلن ہندو
پاٹھو یمن ہنداسہ ذکر کو ر۔ بی چھ معاصر اوقاتن منز
سپدان۔ تمن اوقاتن منز یم بلا شک معاصر آسن مثلاتھ
شعرس منز تھ منز شاہ علی امریکہ کہ جتلج کتھ کران چھ
تھ سرزمینس ستر یوس تحریری زبانی ہنز زاجاے چھبہ۔
جین فراکا: ڈیوڈ کیپلن، شکریہ!

یلا ت تام چھ ہتراژ تہ افتابلس سنگ
شاداب یہ ریشوار تہ یم میانی سخن

امین کامل یم میانی سخن

امین کامل سند پانژم شعرہ مجموعہ، تھ منز
ہتمین ترہن ورین ہنز شاعری، نظم تہ غزل
شامل چھ، بیہ عنقریب چھاپ گوتھتھ
بازرس منز۔ اتھ مجموعس منز چھبہ
تازہ ترین حالاتن پٹھ الگ انداز چین
زہر خندہ بیدہ کرن واجنہن نظم علاوہ
تم جلال آور تہ کاشر شاعری ہنزہ
بے مثال نظمہ تہ یم بیہ سے پان تہ
پرس پلا دژھاے مجموعن منز شامل
آسہ نہ کرنہ آمژہ۔

زیر طباعت

رابرٹ بلیو سند و غزل

اکھ کتھ باتھ

غزلہ چہ ہیو منز، کتھ منز تر یو پٹھہ پنہا شعر آسان
چھہ، چھہ زہ غیر معمولی وصف۔ شاعر ہیکہ پر کتھ شعر س
ستی پات منظر بدلأوتھ۔ اکھ شعر ہیکہ لولہ نظم آستھ،
دویم ہیکہ حکمت آستھ، ترتیم ہیکہ شاعر سترنجی زندگی
ہنز شکایت آستھ۔ دویم وصف چھہ ز شاعر چھہ نہ نظمہ
ہند موضوع بیان کران۔ سانس روایتس منز و نہ شاعر

Come live with me and be my love تمہ پتہ پکناو

شاعر آتھو استدلالس بروہہ۔ نظم گوشہ کتھہ پاٹھو

شروع a Something there is that doesn't love a

wall۔ فراسٹ کر دلیلہ، صرژہ تہ لوکڑ واقعہ شامل یات

تام موضوع پورہ گوشہ۔

فرانسس: مگر فراسٹ چھہ اک سے نظمہ منز واریاہ

جذبہ بران۔

رابرٹ: سہ چھہ تر کران، پڑی پاٹھو۔ اسہ چھہ پتاہ

فراسٹس چھہ یقین ز کائناتس منز چھہ اکھ قوت یوس

دوارن مسمار کرنی یڑھان چھہ۔ اتھ پٹھہ چھہ تس

سروں اعتماد۔ مگرستی چھہ تس بیمہ کتھہ ہند تہ سروں

احساس ز اک چھہ کتھہ تام پاٹھو اکس تنہایی زده تہ

خطرناک کائناتس منز و نہ خاطرہ تراوتھ ژھنہ آمت۔

فراسٹس چھہ اندر دی بیمہ کتھہ ہند تہ اقرار ز رشتک

احساس ہیکہ دون شخون درمیان تیوت مضبوط آستھ

زیلیہ تم اکس پہاڑس لھسن تہ اگر تم کا نہہ نہ ہن تہ

وچھہ سہ تہ ہیکہ یہ رشتہ محسوس کرتھ۔ ہم احساس چھہ

[۲۰۰۰ منز چھپیمہ پیرس ریوور سانس منز

رابرٹ بلیو ستر اکھ ز کتھہ باتھ۔ امہ

کتھہ باتھہ ہند اکھ حصہ اوس بلیو سند بن نام

نہا و غزلن متعلق۔ یونہ کنہ چھہ کتھہ باتھہ ہند

تمہ صک ترجمہ حاضر۔ کتھہ باتھہ منز سوال

پڑھن وول اوس فرانسس توین۔]

فرانسس: چہ تمہن کم از کم تر بن و رین منز ووت ژبہ

اکس ہیو منز نظمہ و نان کتھہ اسلامی غزلس ستر تعلق

چھہ۔ پیرس ریووکس کتھہ شمارس منز چھہہ یڑھہ زہ

نظمہ۔ کتھہ پاٹھو چھہہ نیووریلک، پویٹری تہ

اٹلانٹک منتھلی رسالن منز تہ ژہ وکھہ یمن نظمیں

متعلق کینہہ؟

رابرٹ: سانی اک زامتری سنیل و تن، یس جے پورس

منز زامت چھہ، وون مہ کینہہ وری بروہہ کنوہہ صدی

ہندس ہندوستانی شاعر غالب ستر کینہہ نظمہ ترجمہ کرنہ

خاطرہ۔ غالب اوس اردوس منز لیکھان یوس ہندی تہ

فارسی زبانن رتھہ بنہو چھہہ۔ مہ کر مزید ترجمہ نہ کرنج

کوشش، مگر پوتس لگو اتھ کامہ پٹھہ تہ تسندن تر بن

غزلن ہند ترجمہ کو مکمل۔ غالب چھہ نہ سیو داومت۔

ونان چھہ

Their funeral date is already decided

But still people complain they can't sleep.

رابرٹ: تیرے چھ پڑے۔ اسے چھ بڑھن نظمیں ہنر
ضرورت۔ یوت مالدار ادبی تہ تدنی پوت کال آستھ
سہ نظر انداز کر تک کیا فائدہ چھ؟

فرانسس: گلو غزل چھ نہ آزاد شاعری۔

رابرٹ: بلکل نہ۔ مہ کو عرض غزل چھ پر تھ
شعرس منز نوین موضوع کن ووہ تلان۔ یہ چھ پانہ
اکھ بہ لگام ہیٹ۔ مگرستی چھ اتھ منز تا بعداری ہند
سبٹھا اصول تہ یم امچہ خود سری منز توازن پیدہ کران
چھ۔ مثلاً روٹج بندش۔ گوڈ نکو زہ مصرعہ چھ ردیفک
اعلان کران مثلاً ”راتھ“ یا اکھ لفظ بیک معنی ”سانہ
خاطرہ چھ کافی“ چھ۔ غزلک پر تھ شعر چھ لفظس
پٹھ ختم گدھان۔ دلچسپ کتھ چھ یہ ز شمرس منز
ییلہ یہ لفظ ”راتھ“ یوان چھ، باسان چھ یہ زن چھ
پانس تہ اکھ عالم ہتھ یوان۔ امہ لحاظ چھ یہ قافیہ نش
الگ۔ حافظ سند اکھ غزل چھ بیکہ ردیفک ترجمہ
گدھہ enough for us

The shadow of a tall cypress in a
meadow is enough for us

تہ برو نہ کن چھ ونان

You have seen the cash flow and the
world's suffering
If that profit and loss is not enough for
you, for us it's enough.

مارا بس، وٹھ چھ سہ تمام ساجک حوالہ دوان تہ تھ
پٹھ چھ سورے سماج نظرن منز یوان۔ ییلہ شعر اتھ
لفظس پٹھ ختم گدھان چھ۔ پران والس چھ پتہ

* رابرٹ بلین چھ حافظ سندن شمن شعرن ترجمہ کو رمت۔ (نیب)
گلزاری ز گلستان جھان مارا بس
زین چمن سایہ آن سرو روان مارا بس
نقد بازار جھان بنگر و آزار جھان
مگر شمارا نہ بس این سود و زیان مارا بس

فراسٹ سزن ترین نظمیں منز باونہ آمتی مگر غزلہ کس
روایتس منز گدھن یم ساری احساس اکو سے شعرس
منز بیان۔

فرانسس: امیک مطلب گلو و ز پران والس چھہ ژر
محنت کرنی پوان۔ ییلہ نظمہ ہند موضوع بیان آسہ نہ
سپدمت، بوزن والس چھہ زیادہ محنت کرنی پوان۔
شاید چھہ امہ صحیح نظم سائن نظمیں برعکس بوزن والو
سند زیادہ توجہ منگان ییلہ تم پر نہ آس یوان۔

رابرٹ: بلا شک۔ غزلک زبان تہ چھہ ز آتھ ماتھ
پیچیدہ۔ عام پاٹھو چھہ غزلک تعلق تربیت یافتہ شاعری
ستہ تھ منز باقی شاعران تہ غزلن ہند واریاہ حوالہ
چھہ۔ اسے ہیکو وٹھ ز پر تھ صرٹھ چھہ مبالغہ لیس تضادک
احساس دوان چھہ۔ لہذا چھہ غزلک شعر اکھ طلسم خانہ
پیٹہ متضاد کتھ بیان ہکن سپد تھ۔

فرانسس: غزل چھا شاہانہ دنیاچ پیداوار؟

رابرٹ: غزل لفظک معنی چھہ لولہ نظم۔ امیک ابتدا چھ
عربی لیس اندر لولہ نظمہ ہنر صورت منز سہ سہمت۔
اتھ ہیو دیت و ہرا وایانو۔ غزلک مزید ارتقا سپد بہمہ
صدی ہندس ایرانس تہ ہندوستانس منز۔ مگر یہ ہیٹ
چھہ ونہ اسلامی دنیاہس منز ورتا ونہ یوان۔ غزلک
روایت چھہ کینوہا صوفین نش میلان یم دنیاوی
وراثت نس بہ تعلق چھہ۔ سنابی چھہ ونان اگر کانہہ
پانژن دوہن غذا وراے روز تھ ہیکہ نہ تس پڑ نہ صوفی
آسک دعوا کران۔ یہ گے نہ شاہاگی۔ یہ چھہ نہ معمول
تہ۔ تہ کیا چھکھ اتھ نظمہ متعلق پرژھان؟

فرانسس: میانہ خیالہ یمن غزلن ہند ژہ ذکر کو رتھ
تمن ہند خاطرہ گدھہ سبٹھا مطالعہ آس۔

اسی ہیکو و نٹھ پر تھ شعریں منہ چھ شاعر اکس نوس گرس
پٹھ سوار سپدان۔ مگر پتہ چھ سوار پر تھ شعرہ کس
آخر پٹھ گری پٹھ یون و سان تہ پرن والو سند اتھ
رٹان۔ یہ چھ تمہ بہ لگام خود سری خاطرہ توازن پیدہ
کران۔ تھ تہ کرتھ پرن والو سند لحاظ چھ، تہ تھ اندر
تقریباً خوش خلقی چھ۔

فرانسس: تہ کو رتھ فارسی یک دون مصرعن ہند شعر

ترن مصرعن منہ تبدیل کرنک فیصلہ۔ تہ کیا؟

رابرٹ: فارسی تہ عربی دوشونی منہ چھ شاعر عام طور
شراہن یا ارداہن ہیکلین ہندو مصرعہ گندان۔ لہذا اگر
ارداہن ہیکلین ہندوہ مصرعہ آسن، شعر چھ شیر تہن
ہیکلین ہند بنان۔ اتھ برکس چھ انگریزی لیس منہ عام
مصرعہ، مثلاً سائنٹس منہ، دہن ہیکلین ہند آسان۔
انگریزی لیس منہ چھ ارداہن ہیکلین ہند مصرعہ بہ ڈول
گوہان۔ اگر تمہ بدلہ کہن یا بہن ہیکلین ہندو تہ
مصرعہ ورتاوندہ ین، اسی چھ تمہ شیر تہن ہیکلین تام
واتان۔ مہ چھ باسان اسلامی ادیبو اوس محسوس
کو رمت ز شیر تہ ہیکلو چھ اظہارک کار آمد تہ مکمل
لگن۔ امہ استدلالہ کز ووتس بہ ترن مصرعن پٹھ۔

فرانسس: میانہ خیالہ چھ بہ یو نظم بہ حد دلچسپ۔ نظم
چھ بہ تھ کتھ کن تہ اشارہ کران ز کھسوہ وائہ باوجود
ہیکہ بہ لگامی اسمہ ستر روز تھ۔ غزلہ چہ بہ لگامی تہ ہیو
ہند خاص امتزاج چھ وہہ و ہرس نسبت ستھ و ہرس
زیادہ مناسب باسان۔

رابرٹ: یمن لفظن منہ چھ چون محبت۔

آسان ز یہ لفظ بہ دہراوندہ۔ سہ چھ حض تلان۔ یہ
لفظ پر تھ شعریں منہ رتھ کھنڈ جدا پٹھ یوان چھ۔ امہ
علاوہ چھ غزل منہ قافیہ تہ وزنچہ بندشہ تہ۔ مگر
ردیف چھ سانہ خاطرہ اکھ عجیب غصہ۔

فرانسس: مہ چھ پتاہ تہ چھ واریاہ نظمہ یاد
کر مرثہ۔ تہ کرکھ کا نہہ تو غزل پر تک تکلیف؟

رابرٹ:

Some love to watch the sea bushes
appearing at dawn,
To see night fall from the goose's wings,
and to hear
The conversations the night sea has with
the dawn.

If we can't find Heaven, there are always
bluejays.
Now you know why I spent my twenties
crying.
Cries are required from those who wake
disturbed at dawn.

Adam was called in to name the
Red-Winged
Blackbirds, the Diamond Rattlers, and
the Ring-Tailed
Raccoons washing God in the streams at
dawn.

Centuries later, the Mesopotamian gods,
All curls and ears, showed up; behind
them the Generals
With their blue-coated sons who will die
at dawn.

Those grasshopper-eating hermits were so
good
To stay all day in the cave; but it is also
sweet
To see the fenceposts gradually appear
at dawn.

People in love with the setting stars are
right
To adore the baby who smells of the
stable, but we know
That even the setting stars will disappear
at dawn.

ژور غزل نظمہ

رابرٹ بلیے

میں شبہ ابراہیمین تارکن نادلوے

یاد چھ شبہ بیلہ ابراہیمین گوڈنچہ لہ وچھو
تارکھ؟ تم کو لاری جلس کن آواز: ”ژے چھکھ سون خوداے!“
کو تاہ خوش اوس! بیلہ تم صبحک تارکھ وچھ
تم کو لوے صدا ”ژے چھکھ سون خوداے!“ کو تاہ و جا رہ سپد
بیلہ تم وچھو تم لو سان۔ یارو، سہ چھ اسہ ہیو
اسر چھ بناوان لوسہ ونین سیارن پنن خوداے۔

اسر چھ بہ پڑھ ستارن وفاداری ہند ساتھ دوان۔
اسر چھ کھاٹر، میو لھنن والین ہونین ہند کی پاٹھو۔ اسہ چھ خوشی سپدان
بیلہ اسہ میو ہتمو پنچو کن اسانس کھسک احساس گروہان۔

کس ہیکہ اسہ بہناؤتھ زرب چھ نہ جان۔
یہ چھ بہ بس سانی میو چھو فی ہونین ہنر خصلت لیس بیتھہ کن سو نچان چھ بہ۔
اسر چھ پنن باقی سارے زندگی رہہ کھور بانو زونس پڑھ تیار
اورین میدانن منز پک پک۔

اسر چھ جلاوطن ہنر شکلہ سر پھ سندس قلمروس منز۔
اسر چھ گنڈہ ڈورین منز استادہ ہیو رکن شمس وچھان۔

یہ میون دل چھ دوہس منز لوت سوت آلوہیوتہ راتس
اوش ہارن واجنہ منساونہ آمہ زہ ہند کی پاٹھو۔ یارہ ونم کیا کرہ
تکلیا ز، بہ چھس لوسونین سیارن ہندس لولس منز بہہ امت زون۔

سوال تہ جواب

وَنَمِ اس کی کیا چھ نہ ازل آواز تلان
تہ شور تلان تھ پٹھ یہ کینہہ ہاسپدان چھ۔ توہہ وچھوہ
عراق کہ خاطرہ چھ تیاری سپز مژ تہ بالن پٹھ چھن وگلان؟

بہ چھس پانی پانس ونان: ”کر، صدا کر۔ بالغ آسنک
کیا مطلب۔ بیلہ کا نہہ آواز تہ نیر نہ؟ لائے صدا!
وچھ کس دیہ جواب! یہ چھ سوال تہ جواب!“

اسہ پیہ خاص طور پڈ ہٹہ صدا لاین سائن
فرشتن تام وائتہ خاطرہ ہم گوب بوزان چھ۔
تم چھ ژور روز تھ ژھوپہ ہندن جگن منزیم سائن جنگن دوران برنہ چھ آمتر

اسہ چھ پیٹن جنگن ہنز منظوری دژ مژ اسہ چھ نہ
ژھوپہ نش کا نہہ تہ مفر؟ اگر اسی پنژ آواز تلو نہ، اسی دموباقین موقعہ
(ہم اسی چھ) گرس نقب دیک

اسی کتھ پٹھو اسی بڈن صدا لاین والین کن کن داران
-- نرودا، اخما تووا، تھورو، فریڈرک ڈاگس -- تہ وونی
چھ اسی ژرن ہندی پٹھو ککو دوچھن منز خاموش؟

صوفین ہندگف چھ زسانی زندگی چھ ستن دوہن ہنز
ہفتہ کس کتھ دوہس منز چھ اسی؟ از چھا برہوار؟
جلدی کرو، صدا لایو! آتھوار ہند شب پیہ جلدے وائتھ۔

شبستری تہ گلشن راز

بہ ہیکل نہ شبستری سند و تعریف کرتے تھے امہ موکھ
 زکراؤی مونسزہ تہ ہسی سزہ زنگہ اکھ اکس نکھہ -
 امہ پتہ چھس بہ آتھوارژندروا زدیگ اتی پڑھان -
 فرض کرو اکس گاسہ تلس تگہ ہے واوس ستریتھر کرن -
 تو بہ چھونا تم جان یتھر و پھمتی بیلہ
 واوتہ کوش و تہ یکہ وٹہ لون وسان چھہ -

بیلہ مہ نظم تھ جابہ و اتنا وان چھہ بیتہ
 کانہہ واقعہ چھہ نہ دو بیلہ ظاہر سپدان، بہ چھس ژھانڈان
 اکھ وشن کمرہ تہ تفکر بن ہند و ساس وری -

کانراڈن وڈن زکراہن تیراک ووت جہازس تام -
 اگر اس تھ دھس منز غوطہ دمویس اسہ موافق آسہ
 سائنن خوابن منز آسہ تہ سورے یمہ خاطرہ آدم تہ حوا وڈس آے -

عجیب واقعہ چھہ سپدان -
 اکہ صبح چھہ کیر کیگا رڈ سجاوان ز ناراضگی کتھ وٹو
 تہ لگر چھہ کمرس منز پر تھ کانہہ ستریتھر کرن قبول کران -

رابرٹ چانڈیم تھدی حوصلہ چھہ نہ ثابت کران زژہ کیا
 چھکھ پز رک قریبی دوست - مگر ژہ چھہ پٹو بگو
 انسانہ سند دوکھ چھہن مرگن منز چلاؤنی پچھمہ -

قلعہ منزہ کھنڈ ژورین

اسی چھہ غریب طالب علم بم سکولہ پتہ سکولس منزہ تھ چھہ پران خوشی
اسی چھہ ہندوستان کین بالن ہندس تمن جانا وارن ہندی پاٹھو
بہ چھس سوموڈیک سندس چھہ تسزکنی خوشی۔

اکوے چیزیں بہ پننس ریہ کلس منزہ چھس
چھہ مدریکہ قلعہ کہ معمار سند نقشہ
مدریک صرف اکھ پھول ژورنس منزہ چھہ سو خوشی۔

جانا وارن ہندی پاٹھو چھہ اسی انہ گپہ منزہ وپھ تلتھ اکس دیوان خالس اژان
لیس لغگی ستر روشن چھہ، تہ پتہ چھہ وپھ تلتھ واپس نیران۔
وشنہ دیوان خانہ منزہ نمبر بند گدھنس منزہ چھہ خوشی۔

بہ چھس کابل، آوارہ، تہ احمق۔ مگر مہ چھہ خوش کران
تمن متعلق پران بیوہ تھیک اکھ جلوہ وچھہ
تہ تمہ پتہ مودکر وہرہ وهری بصد خوشی۔

مہ چھہ نہ کانہہ ہرجہ اتھ چانس ونس منزہ بہ مرہ جلدے۔
جلدے لفظ چھہ آوازن منزہ چھس بہ بوزان
لفظ ژہ، بیمہ ستر شروع گدھان چھہ پر تھ سہ جملہ تھ منزہ چھہ خوشی

”ژہ چھکھ ژور“، منصفن وون۔ ”اسی وچھو کہ
چانی اتھ“، مہ ہاؤد عدالتس منزہ پنڈی مسلہ مؤڈی اتھ۔
میون سزاؤس ساسن ورین ہنز خوشی۔

پتہ سپدیہ

ہردے کول بھارتی

ویسے ہر گاہ و چھوٹے دن لائق چھہ جیتے ز پتہ کیا سپد تہ
کیا ز۔ یہ گوڈہ سپد تہ چھہ سارنے ویڈ، تہ یہ سارنے
خبر آسہ تہ پھر ن چھہ نہ کانہہ معنے تھاوان۔ دپھہ پتہ
کیا سپد تہ چھہ ذاتک گدرن تہ تہ پھر نہ چھہ انسان
اشرف المخلوقات آسک ثبوت تہ دوان تہ حق تہ ادا
کران...!

توے بیلہ مہ کانہہ نش یہ کتھ پھر، شروع کو رم اتی
پٹھہ ز پتہ کیا سپد... تہ سپد یہ ز گوڈہ گوتا پھہ پھوسہ
ہیو، یڈ ہے بیتہ لد ہیو، آتھر سڑی کرٹیبہ چیزن قد تہ ژہا یہ
گیہ واریاہ ز تچھہ۔ سہ اوس ژہا یں کھوژان، یہ چھہ
پزر مگر یہ چھہ نہ پزر زتس یہ سپد تہ کیا سپدس امی کھوژ نہ
سڑی۔

تس تیم تعویزہ تہ تہتر امہ کھوژ نہ نش محفوظ روز نہ خاطرہ
نالڈ آس، تہند تاثیر ماسپد ہے یکدم ختم؟ سہ تہ تہ
حدس تام ختم ز اچھہ دأ رہش مورت، زندہ جاوید، پیسہ
گوشہ پورسلینس (porcelain) منز تبدیل۔ نہ خونک
تور، نہ نژمہ ہند لاوبر، نہ دلچ دبرارے۔ یوت ما
گوشہ تعویزین تہ تہترن تاثیر کم۔

امس چھہ ژہاے، ترکبو ڈڑارے۔

اتھ کانہہ یلا جہ؟ مہہ پڑھکھ یلی، نکلیا ز بہ گوس نہ
تہنڑ رایہ ہند قایل تہ پزر گوڈو یہ ز بہ چھس نہ از تہ
تہند یہ تشخیص صحیح مانان۔ تہ کرتھ تی مانو ز امس چھہ
ژہاے پتہ چھاتمہ سڑی پیسہ حالت گوشان۔ بہ چھس

نہ ترک، مگر وچھمت چھنا پانس اندر پلھی ژہا یں ہند
عالم۔ کتھہ پانھی چھہ قد ژہوٹان بیلہ ژہا یہ زٹھان
چھہ، اندر پلھس یوان لاوہ مشک ہش، ہنگہ منگہ لگان
مہ نہ کروٹن گنج بانن زنگ، یہ سورے چھہ سپدان مگر
اچھہ دأ رہش مورت ما چھہ پورسلینس منز تبدیل
سپدان۔ نہ خوس وشنیر، نہ ژمہ لاوبر، نہ دلس دبرارے۔

تہ نے تہ، ژہا یہ چھہ رسہ رسہ پانے ہر تھہ بیوان۔ یی
چھہ وچھان آتھر۔ یی چھہ بوگان آتھر تہ یہ وچھو یی
بوگو، پزر چھتی، باتے گیہ بلہوسی۔

دپان پور سٹینچ صورت چھہ اندرہ کھوکر آسان۔
دے بوڑن یہ مہ آس پڑ۔ ہر گاہ یہ پڑ آسہ تیلہ نے
آشے روز پتھ۔ بہ چھس نہ اوے اتھ کتھہ پڑھ
یڑھان کرنی۔ ہر گاہ اتھ پڑھ کرہ، تیلہ کیاہ روز پتھ؟
سورے موہ پٹھ، یہ ہر گاہ برم چھہ بہ چھس یہ برم
یڑھان قایم تھاوان۔ ترک چھس نہ اوہ کڑ چھس ہنا
بلہوس تہ۔ پانس چھس یہ وٹھ تسلا دوان آمت ز سر د
ٹھٹھمتہ پڑہ کھوتہ چھہ برمن ہندس گداز فانوسی
عالمس منز زندہ روزن زیادہ جان تہ اتھر عالمس منز بے
مطلب تہ بلا مقصد واریاہ موہ پانز۔ ترکمن ہند مشورہ
چھہ... مشورہ نہ بلکہ منطق چھہ ز پڑھ کرنہ یانہ کرنہ
خاطرہ چھہ لازمی ز کتھہ یہ سرہ کرنہ تہ جان گوڈو مورژ
یہ کانہہ انگ، کانہہ بند پھٹڑا وٹھ یہ وچھہ نہ ز پڑی چھا
یہ پورسلینج، کھوکر... منطق چھہ یہ بڈہ صحیح، قابل

کاشتر عروض

نیب الرحمن

سنز کاشتر عروض کس اساس پڑھتہ واکھن تہ
وژن منزامہ کس استعلا س پڑھ آھ مفصل کتاب
بتھ منز مختلف دورن ہندن واکھن تہ وژن
ہندو تفصیلی جائزہ بتھ تقطیع کرنہ چھہ آمر۔

زیر تبیل

کاشتر زبان شاعری تہ عروض

رفیق راز

سانس عروض عاشق شاعر رفیق راز سنز کتاب بتھ
منز کاشتر شاعری ہندن عروضی مسلن پڑھ گوڈ نیچہ
لہ مفصل بحث کرنہ آمت چھہ تہ یہ باوندہ آمت چھہ
عروض چھہ کاشتر زبان تہ تنھے پاٹھ براہ بتھ پاٹھ
یہ فارسی، اردو یا دویمین زبان چھہ۔ کتابہ منز چھہ
وزن تہ تلفظ، نون تہ نون غنہ، لفظن تہ آوازن ہنز
تخفیف، زحاف تہ تقطیع ہون مسلن واکھن کڈتھ
رہنما اصول پیش کرنہ کوشش کرنہ آمر۔

زیر تبیل

عمل تہ، مگر ہر گاہ مہ پادشاہ ماز آسہ ہا، تیلہ۔ پڑتہ ما
چھم۔ پچھس ناعام انسان، معمولی... موہ چھم، انگ
ہیکس نہ پھڑاؤتھ... بیہ مانوتی زیہ آسہ کھوکھرے،
برم پھٹم... پتہ نے ستھ روز کا نہہ... تہ کرتھ یہ تہ
چھہ نامنطے زیہ کیا ز آسہ کھوکھر۔ راتھ تام ہے اتھ
خونج حرارت، ژمہ ہندلاوہر، چھس دہراے آس۔
تیلہ کیا ز آسہ از کھوکھر؟

بوز سا جگراوونی تجھ ژہ واریاہ خاری... اس چھہ
شا پھ... تہ شا پھ چھہ اس پنہ آسک سرک پڑھ
احساس۔ تہ چانہ خاطرہ چھہ زہ ووتہ موکچہ یا تہ گو پانہ
تہ شا پھ لد بتھ اڈ سے ہیوینن، نہہ گو و موہ مشرتھ پانہ
تہ نیرن، یہ پانس تہ ژہ پانس... وونی واؤ چھیکرس
کھہ توتنس توتنس مہ ون چھہ ز پتہ کیاہ سپد... پتہ
سپد یہ ز واریاہ پھیوہرس، تزوکنن پرژھم، متین ژاس
بیہ، مگر ووتہ تہ چھم نہ تگان بوزن ز پانہ تہ بنا شا پلہ، کنہ
تراون آلوٹھ۔ سہ پانس تہ بہ پانس... کنہ بیہ چھہ
کا نہہ ووتھ موکچہ؟

کاشرس منزع و شک جواز

رفیق راز

ہمس و ہلس منزع آو کاشر شاعری خاص کرتھ غزلہ شاعری ہند حوالہ عروض زیادے پہن زیر بحث، زیادہ تر زبانی زبانی نہ منزع منزع اخباری مراسلن منزع۔ کیون شاعر ہند بن غزلن پٹھ آو اعتراض کرنہ زیم چھ عروضہ حسابہ پٹھان۔ حقیقت چھ یہ ز غزل اوس نہ کانہ ہند پٹھان البتہ کیون لفظن ہند استعمال اوس پنہ پنہ طریقہ آمت کرنہ، کانہ اوس اکس تلفظ منزع ورتاوان نہ کانہ ہمس۔

زبان چھ زبان۔ ہرگہ نہ اتھ سنہ یہ نہ کیونہ اصول امی منزع بد کتھ کھرہ کرنہ ین، زبان یہ بدستور روا روی منزع ورتاوان نہ ہتھ کن جن ساری اکھ اکھ سندس اعتراض کس زس منزع۔

یوت تام کاشر غزلہ شاعری ہند تعلق چھ نہ پیہ اتھ منزع ورتاوانہ آمہ زبانی ہند تعلق چھ، سو نہ آیہ اعتراض کس زس منزع۔

کیونہ و شاعر و تل قلم نہ ہیہ تکھ پنہ شاعری (یوس اعتراض کس زس منزع آمز اس) ہند بچا و کرن۔ اتھ منزع کیونہ اکھ و ستادان صفہ ۱۰۰ مرہ کتابہ ہن نہ، یوس پرتھ فکری چھ نہ تران ز کتاب لیکھنک مدعا نہ مقصد کیا چھ۔ البتہ امہ کتابہ ہندی ہتوے صفہ پرتھ چھ اکھ تاثر و تھان ز عروض چھ نہ کاشر شاعری باپتھ لگہار۔ عروض کیا ز چھ نہ کاشر شاعری باپتھ لگہار، امیک کانہہ تسلی بخش جواب چھ نہ کتابہ منزع موجود۔ یہ ہے چیز بنیو

میانہ بیمہ مضمونک جواز نہ نہ محرک نہ۔ سون دعوا چھ ز عروض چھ تھ کن کاشر زبانی منزع لیکھنہ آمہ غزلہ شاعری ہند باپتھ لگہار۔ تھ کن عربی، فارسی، اردو نہ باقی کیون زبانی منزع لیکھنہ آمہ غزلہ شاعری ہند باپتھ چھ۔ کیا ز؟ نہ تھ کن؟ سانس دعوا کس رو عمل منزع ہکن یم زہ سوال و تھتھ۔ یمنے دون سوالن ہندی جواب ژ ہار و کھ اتھ مضمون منزع۔ امہ باپتھ پیہ امہ کاشر لفظن ہنز دبرایہ سنن۔ تکیا ز زبان چھ لفظن پٹھ مشتمل آسان، ادہ لفظ کراوت آستن یا ناوت۔ امہ برو نہہ ز اتھ ہمو کاشر لفظن سام، امہ پیہ وچھن ز عروض بنو و خلیل ابن احمد عربی زبانی ہند آہنگ نہ ساخت نظر تل تھ اتھ مگر یہ ہے عروض کور ایرانہ نہ پتہ اردو والو نہ نہایت کامیابی سان استعمال۔ وجہ کیا چھ؟ کیا فارسی زبانی ہنز ساخت چھا عربی زبانی ستر واٹھ کھوان؟ کیا اردو زبانی ہنز ساخت نہ بناوٹ نہ چھا عربی زبانی ہنس؟ یم سوالن ہند جواب چھ نہ امہ ژ ہار تک ضرورتھ۔ تکیا ز عروض تعلق چھ نہ جملن ہندس نحوی ساختس ستر بلکہ لفظن ہندس تلفظس ستر۔ ایرانس پیٹھ عربن ہند تسلط حاصل گتھ نہ پتہ گے بے شمار عربی لفظ فارسی یس منزع داخل۔ عربی یکو نہ فارسی یکو شمارہ رؤس لفظہ اردو ہس منزع داخل۔ تھ کن کاشر منزع اسلام و اتھس ستر گے کاشرس منزع گوڈہ عربی نہ فارسی یکو پتہ اردو یکو نہ بے

رائس، وانس، لفظن ہندو دو نوے جز۔ مثلاً پھولون = پھول + وُن۔ فارسی تہ اردو زبانن منز تہ چھہ تھہ بے شمار لفظ موجود۔

(۲) سبب ثقیل و وُن تنھن وُ حرنی لفظن یمن ہندو دو شوے اچھر متحرک آسن۔ مثلاً کتہ، بیتہ، تلہ، دولہ، چھلہ، یونہ، ہیر، سلہ، بیتز۔ تنھن لفظن ہنز چھہ کا شرس منز بہتات۔ فارسی تہ اردو ہس منز چھہ امہ قسمکو لفظ یا تہ اضافہ ستر بنان مثلاً سر بزم تر کپس منز گوڈ نیک جز سر، نتہ کا نہہ تر حرنی لفظ پھڑا تھہ مثلاً یہ چن۔ تھہ کئی چھہ یہ + ج + من، سبب ثقیل + سبب خفیف بنان۔ اردو تہ فارسی لیس منز چھہ خالے تھہ مفرد لفظ موجود یمن ہندو دو نوے اچھر متحرک آسن۔ امہ لحاظہ چھہ کا شرز بان عربی مازس نکھہ۔ تکیا ز اردو تہ فارسی زبانن برعکس چھہ کا شرتہ عربی زبانن ہندو واریاہ لفظ متحرک اچھر س پڑھ اندواتان۔

(۳) وند مجموع۔ مقرون و وُن تنھن تر حرنی لفظن یمن ہندو گوڈ نکو زہ اچھر متحرک آسن تہ آخری اچھر ساکن۔ مثلاً وُن، بگر، ژوگن، بلم بیتز۔ کا شرتو پاٹھی چھہ اردو فارسی لیس منز تہ تنھن لفظن ہنز بہتات۔

(۴) وند مفروق و وُن تنھن تر حرنی لفظن یمن ہند گوڈ نیک تہ آخری اچھر متحرک آسہ تہ منزیم ساکن۔ مثلاً کال، کوچ، گوجہ، مارہ، بیتز۔ تنھن لفظن ہند آخری اچھر ہر گہ ساکن تہ آسہ، سہ چھہ شرس منز باقے لفظن ستر میل تھہ از خود متحرک بنان۔ تنھن لفظن ہنز تہ چھہ کا شرس منز بہتات۔

(۵) فاصلہ صغری او وُن تھہ تر حرنی لفظن یا تمن

شمار لفظ داخل۔ یم ساری لفظ شریہ کا شرس منز تھہ کئی زم تہ یہ دل ز تہ و و پر چھہ نہ۔ اڈ کر لفظ کر کے ہندس اصلی تلفظس منز قبول، اڈن لفظن تر و واسہ پنن تلفظ ناکر۔ مثلاً دچ چھہ نہ ضرورت تکیا ز امیک تفصیلی ذکر چھہ مہ بیس مضمونس منز کو رمت۔

مہ و وُن گوڈے لفظن ہندس ساختس تہ تلفظس ستر چھہ عروصک تعلق۔ اوے گو و فارسی تہ اردو والین عروض ورتاون بہل تکیا ز یمن زبانن منز چھہ عربی لفظن ہنداکھ یوڈ ذخیرہ موجود یمن ہندس شعرہ سر مالیں منز پٹھی پیٹھی وچھہ ستر نظر گڑھان چھہ۔ کا شرس منز تہ چھہ عربی فارسی تہ اردو بکو بے شمار لفظ یم اسر بے شو نکو پاٹھی شعرن منز ورتاون تہ چھہ۔ تیلہ کیا وجہ چھہ ز کینہہ نفر چھہ و نان ز عروض چھہ کا شرتہ نا لگہار۔

اردو عربی تہ فارسی لفظ ذخیرہ وراے یم اسہ پنن لفظ چھہ ادہ یا کراوٹی چھہ یا ناوٹی تمن ہنز ساخت تہ بناوٹ ما چھہ تھہ ز یم چھہ نہ خلیل نس ایجاد کر کے متس عروضس منز وپا نے؟ وڈ لو اتھ مثلث دمودل واریاہ کتھہ گڑھن صاف تروشن۔

خلیل ابن احمد سنو عربی لفظن تہ بناوٹ کینہہ سانچہ یمن منز عربی زبانی ہندو کا ہم لفظ فٹ چھہ گڑھان۔ سانچہ چھہ کل بل پانژ تہ یمن ہنز وضاحت پیہ اسہ بیون بیون کرنی۔

(۱) سبب خفیف و وُن تھہ تر حرنی لفظن یمن گوڈ نیک اچھر حرکت دار (متحرک) آسہ تہ دو یم اچھر ساکن آسہ۔ کا شرس منز چھہ بے شمار لفظ تہ لفظن ہندو جز یم اتھ سانچس منز فٹ گڑھان چھہ۔ مثلاً ٹھ، وٹھ، نس، کھس، ژس، ون، لو یا پھولون، آمن،

ثقیل + سبب خفیف چھ بنان فاصلہ صغریٰ تہ سبب
ثقیل + وتد مجموع چھ بنان فاصلہ کبریٰ۔
یہ کتھ کروا سکتھ کنج کوشش۔ نیون عروصک اکھ
رکن متفاعلن۔

فاصلہ صغریٰ + وتد مجموع

متفا + علن

مگر تم ماہر عروض (یم) فاصلہ کس وجود سے انکار کران
چھ (چھ) اتھ کر کنس سکتھ کنج کران۔

سبب ثقیل + سبب خفیف + وتد مجموع

مُت + فا + علن

گو و ملہ تلہ چھ یسے ژور سانچہ تہ یم زبانی ہند کر لفظ
یمین ژون سانچن منز فرٹ گوہن تھ زبانی منز عروض
ورتاون چھ ہل۔ یم ژور سانچہ چھ (۱) سبب خفیف
(۲) سبب ثقیل (۳) وتد مجموع (۴) وتد مفروق۔
یہو منز چھ سبب تقیلس زیادے پہن اہمیت تکیا زامہ
ستی چھ فاصلہ صغریٰ تہ کبریٰ دوشونی ہنر کی پورہ کرنہ
یوان۔ شکر چھ زکا شرس منز چھ اتھ سانچس منز فرٹ
گوہن والین لفظن ہنز بہتات یمیلہ زن فارسی تہ
اردو والی یہ کی لفظ پھڑاوتھ پورہ کران چھ۔ کاشرس
منز چھ نہ کانہہ لفظ لیس نہ یمین ژون سانچن منز فرٹ
گوہان چھ۔ وہ ڈی دپوتو ز نہ، یہ، ز، کہ ہوڈ اکھ
حرفی لفظ کتھ کنج گوہن یمین سانچن منز فرٹ۔ یہ چھ نہ
کانہہ مثلے۔ تھڑاؤک حرفی لفظ چھ عربی فارسی تہ اردو
ہس منز تہ موجود۔ تھڑاؤک حرفی لفظ چھ عروض منز سبھا بکار
لگان۔ تھڑاؤک لفظ ہکین سبب خفیفس ستی لٹھ اتھ وتد
مجموع بناوتھ یا وتد مجموع ستی لٹھ اکھ سبب ثقیل تہ اکھ
سبب خفیف بناوتھ۔ یمہ مثالہ ہند ذریعہ کڈ وکتھہ بیہ

ژ حرفی لفظن یمہند گودنکی ترہہ اچھر متواتر متحرک
آسن۔ مثلاً فارسی لیس منز تھڑاؤک لفظ: صنما، چکنم۔
تھڑاؤک لفظ چھ فارسی لیس منز سبھا کم تہ اردو ہس تہ
کاشرس منز چھ نہ۔ تھڑاؤک کانہہ مفروق لفظ موجود۔ وول گو و
سبب ثقیل تہ سبب خفیف رلاوتھ چھ یہ کی پورہ کرنہ
یوان۔ مثلاً کولہ بوٹھ، سلہ وٹھ، گلہ وٹھ، بلہ وٹھ، بلہ
کر۔ چونکہ کاشرس منز چھ سبب ثقیل سانچس منز یمہ
والی لفظ آتھہ روس، لہذا اچھہ نہ تھڑاؤک حرفی لفظ بناؤس
منز کانہہ تھوس یوان۔

(۶) فاصلہ کبریٰ وون تن پانژہ حرفی لفظن
یمہند گودنکی ژور اچھر پٹھس پٹھ متحرک آسن تہ
پانژم ساکن آسہ۔ فارسی لیس اردو ہس تہ کاشرس منز
چھ نہ۔ امہ قسمکی مفروق لفظ میلان۔ تھڑاؤک زن عربی لیس
منز میلان چھ۔ مثلاً سمکتہ۔ کاشرس منز چھ یہ کی
اکھ سبب ثقیل تہ اکھ وتد مجموع رلاوتھ پورہ سپدان۔
فارسی تہ اردو والی تہ چھ بی کران۔ تہ کر تھ تہ چھ
کاشرس منز فارسی تہ اردو ہس مقابلہ صورت حال بہتر۔
شاید اوہ کنج زکا شرس منز چھ سبب تقیلس ستی تعلق
تھاون والین لفظن ہنز بہتات، یمہند مد ستی فاصلہ
کبریٰ بکو پانژہ حرفی لفظ آسانی سان بٹھ ہرکان
چھ۔ مثلاً کولہ بلخ، سلہ وٹھن، چھلہ وڈر۔ یمین باسہ نہ
یہ کتھ دلچسپی نش خالی زکا شرس منز چھ کینہہ لفظ ژہ حرفی
تہ، یمہند گودنکی پانژہ حرف لگانا متحرک چھ تہ شیم
اچھر ساکن چھ۔ مثلاً وٹھن۔

ہرگہ سنو تیلہ چھ حقیقی سانچہ زے: سبب تہ وتد۔ سبب
چھ دوہیہ قسمکی تہ وتد تہ دوہیہ قسمکی۔ فاصلہ بکو زہ قسم یمہ
صغریٰ تہ کبریٰ چھ نہ عروض منز بکارے لگان۔ سبب

ہن گن:

(۸) مفاعلتن۔

گوڈ نکو زہ میوہ لفظ چھہ پانژہ حرفی تہ باقی شہ ستہ
 حرفی۔ یمن میوہ لفظن یعنی افاعیلن زحاف کرتھ چھہ
 پیہ تہ واریاہ میوہ لفظ بناونہ یوان۔ تہند ذکر کروا سہ
 برو نہہ پہن۔ فلحال وچھو اسہ زیم ژور بنیادی سانچہ
 عروضہ باپتھ مقرر چھہ کرنہ آمتی تم چھا اٹھن بنیادی
 میوہ لفظن ستر ہم آہنگ کنہ۔ نیون گوڈ نیک میوہ
 لفظ فعولن۔ یہ چھہ دون لکرن پٹھہ مشتمل، فعو + لن =
 یعنی فعو = وند مجموعہ لن = سبب خفیف۔ نیون دؤیم
 میوہ لفظ فاعلن۔ یہ تہ چھہ دون لکرن پٹھہ مشتمل
 فا + علن = سبب خفیف + وند مجموعہ۔ ولوتھہ کڑ وچھو
 اسہ الگ الگ زکٹھ میوہ لفظن منز کس کس سانچہ چھہ
 شعرن ہند لفظ میزہ خاطرہ۔ (وچھونم چاٹھ۔)
 یم اٹھ میوہ لفظ یعنی افاعیل شعرک وزن کرنہ خاطرہ
 مقرر آمتی چھہ کرنہ تم چھہ تمنے سانچن ہنز ملہ مغہ ستر
 تشکیل گوہاں، یم زبانی ہندن لفظن ہنز ساخت تہ
 بناوٹ نظر تل تھاوتھ مقرر کرنہ آمتی چھہ۔ تھہ کڑن
 اسہ ہیرہ کنہ وچھہ۔ مہ وڈن گوڈے ز اٹھن زیر بحث

بہ لگہ چھہ زہ لفظ بہ اکہ حرفی تہ لگہ ژ حرفی۔
 بہ لگہ = سبب ثقیل سبب خفیف
 بہ ل گے
 امہ تلہ گو و ثابت ز سانہ زبانی ہند لفظ چھہ عروضہ
 خاطرہ مقرر کرنہ آمتی ژون بنیادی سانچن تہ دون
 ثانوی سانچن منز اکہ نتہ پیہ رنگہ فٹ گوہاں۔
 یوہے چیز چھہ کاشرس منز عروض ورتانک جواز فراہم
 کران۔

وونی ہمو اسہ عروضکن تمن رکنن یا مقرر کرنہ آمتی
 تمن مخصوص لفظن سام یمن افاعیل تہ چھہ ونان۔ اسہ
 ونو یمن میوہ لفظ۔ یعنی میوہ لفظو ستر چھہ شعرک وزن
 کڈنہ یوان۔ یوہے میوہ لفظن ہند تکرارہ ستر چھہ
 مختلف بحرہ بارس یوان تہ تم اوزان تہ یم زحافن ہند
 ذریعہ اخذ چھہ گوہاں۔

یم میوہ لفظ (افاعیل) چھہ بنیادی طور اٹھ۔
 (۱) فعولن (۲) فاعلن (۳) مفاعیلن (۴) مفعولات
 (۵) فاعلاتن (۶) مستفعیلن (۷) متفاعلن

میوہ لفظ	سانچہ	زبانی ہند لفظ
(۱) فعولن	= فعو + لن	= وچھکھ نا
(۲) فاعلن	= فا + علن	= دلبرو
(۳) مفاعیلن	= مفا + عی + لن	= وولویارو
(۴) مفعولات	= مف + عو + لائٹ	= چانے مایہ
(۵) فاعلاتن	= فا + علا + ٹن	= ورغل وٹھ
(۶) مستفعیلن	= مس + تف + علن	= ہادبرو
(۷) متفاعلن	= مت + فا + علن	= مہ دس چھہ دگ
(۸) مفاعلتن	= مفا + عل + تن	= نگارہ وولو

بنیادی میوہ لفظن منز چھہ واریا میوہ لفظ زحاف کہ
ذریعہ کنہ آکر۔ مثلاً (۱) مفعول (۲) مفاعیلُ
(۳) مفعولن (۴) مفاعیلان (۵) مفاعیلن
(۶) فعالتن (۷) فعالن (۸) فاعلان (۹) فعلن
(۱۰) فعلن (۱۱) فعلات (۱۲) مفتعلن
(۱۳) مفتعلاتن (۱۴) فعول (۱۵) فعل
(۱۶) فعل (۱۷) فاعلات (۱۸) فع (۱۹) فاع
(۲۰) فعالن۔

یمن ثانوی میوہ لفظن ہر گہ تجزیہ کرو پانے منہ زیم تہ
چھہ تمے ژون بنیادی سانچن پٹھہ مشتمل یمن ہند ذکر
اسہ گوڈے کور۔ اکر کرو سجاوہ باپتھہ یتن صرف
ایک تجربہ۔ نیون بوڈ ہیو تہ مشکل ہیو میوہ لفظ،
مفتعلاتن۔ یہ ثانوی میوہ لفظ یا وڈی توس میوہ رکن
چھہ ژون لکرن پٹھہ مشتمل۔ پر تھہ اکھ لکھ چھہ درنی۔
مفتعلاتن = مُف + تَع + لا + تَن = سبب خفیف
+ سبب ثقیل + سبب خفیف + سبب خفیف
وزنہ لحاظ چھہ "اول مہ آمو" اتھ میوہ رکنس برابر۔
یو ہے یوت لفظ نہ کینہہ بلکہ ہنتہ بدی لفظ ہیکن اتھ
میوہ رکنس برابر تھہ۔ مثالیہ پاٹھہ۔

کانبہ معقول وجہ موجود۔ یمہ مضمونکس شروعس منز
آکر زہ سوال پیدہ کمر ز عروض کتھہ کز چھہ کاشر باپتھہ
لگہار تہ کیا ز چھہ لگہار۔ مہ چھہ باسان ز گوڈ نکہ
سوالک جواب ژھوراسہ تہ وہ مید چھہ پران والہن تہ
باسہ یہ جواب تسلی بخش۔ وونز رود دؤ یمہ سوالک
جواب ز عروض کیا ز چھہ لگہار؟ امیک جواب چھہ موخصر
لفظن منز یہ ز ہر گہ اسہ غزل ہش شعرہ ذات اپنا
یوس نہ اسہ پنڈ شعرہ ذاتھ چھہ، تیلہ چھہ یہ پنڈ تمام
لوازمات ہتھہ اپنا وڈی۔ اکر ماہیکون یہ اڈکر لوازمات
مشار دلیف، قافیہ ہتھہ اپنا وڈی تہ اڈکر مثلاً عروض وزن
بیز تر اوتھہ۔

تاریخک جبر چھہ سٹھا طاقت ورا سان۔ اتھ بروہہ
کنہ چھہ مضبوطی سان استادہ پہاڑ تہ چھلہ چھلہ
گدھان۔ امی تاریخی جبرہ کز گیہ واکھ تہ وژن ہشہ
سانہ شعرہ ذات گال کھاتس تہ غزل ہش و پر شعرہ ذاتھ
بنیہ نظمہ لر لور کاشر بن ہند اظہارک وسیلہ۔

کامہ دوس ون = کا + مہ د + وس + ون = سبب
خفیف + سبب ثقیل + سبب خفیف + سبب خفیف
چشمہ تلکھ نا = چش + مہ ت + لکھ + نا = سبب خفیف
+ سبب ثقیل + سبب خفیف + سبب خفیف
تھہ کز ہیکو تہی با تے ثانوی میوہ لفظن برابر پانہ
کاشر لفظ وڈی تہ تقطیع کرتھہ وچھہ تہ زیم چھا برابر۔ امہ
سارے بحثہ تلہ چھہ ننان ز عروض چھہ کاشر غزلہ
شاعری باپتھہ بالکل لگہار تہ امہ کہ نا لگہار آسک چھہ نہ

عربی عروض و ضک ایجاد کار، خلیل

منیب الرحمن

- راہی صاب چھ کاشر شاعری منز وزنک صورت حال کتابہ ہندن گوڈکلن ۴۰ ہن صفحہ منز نم نکتہ سید سید و، ولتہ یا گول مول پاٹھو پیش کران:
- (۱) خلیل چھ نہ عربی عروض تک تھا ایجاد کار او سمت۔ ابو ریحان بیرونی ین چھ عربی تن سنسکرت عروض ہندن ہشرن ہندو کر تحقیق ما للہند کتابہ اندر کو رمت۔
- (ب) خلیل سند عروض چھ فضول تن پیچیدہ۔ امیک اظہار چھ عربی فارسی و وستادوتہ کو رمت۔
- (ج) وزنک سنگ بنیاد چھ ہیجل syllable تن خلیل نس عروض منز چھ ہیجل نظر انداز کر نہ آمت، لیس امہ کہ نا بنجار کنگ وجہ چھ۔
- (د) خلیل نس عروض منز چھ شعرن ہنز تقطیع کھرڈل تہ بے وطیرہ پاٹھو سپدان۔
- (ل) عربی عروض متعلق چھ واریا ہوشاعر و پٹہ بند شہکی ورتا و مژ۔ تہ سالی کینہہ نوک شاعر تہ چھ مشینی ضابطہ بندی ہندو قایل۔
- (م) کاشر میوہ نظام چھ کاشر زبانی ہندس بناوس تہ بولن والدین ہندس مزارس توت شر پتھ زبسلہ شاعرن چھ نہ نمہ نشاوب لہسن ممکنہ سپدمت۔
- تہ مضمونس منز کرہ یہ گوڈکس نلتس پٹھ بحث یہ ہاونہ خاطرہ ز راہی صاب اتھ سلسلس منز پیش کرڈو تفریباساری دعواتہ راہی چھ بہ بنیاد تہ غلط۔
- راہی صاب چھ اسہ یہ باور کرناون یڑھان ز خلیل کیا چھ نہ عربی عروض تک ایجاد کار او سمت۔ حالانکہ خلیل چھانہ چھا عروض تک موجد، چھ اکھ علمی تہ تحقیقی بحث، تہ متعلق عالم مختلف راہی پیش کرتھ ہیکن (تہ راہی صاب چھ نہ کانہہ محقق) مگر یہ رقیق تہ نادر بحث یمہ غرضہ تلن تاکہ امہ عروضکو عاشق ین پس ہمت کرنہ، چھ نہ اکھ علمی وتیرہ۔ یہ ہاونہ خاطرہ ز عربی عروض چھ نہ کاشر زبانی تہ شاعری ستر ہم آہنگ یا کینون عزیزن ہنز شہکی ہنز مذمت کرنہ خاطرہ، اوس نہ یہ ہنگہ تہ متلک بحث تلن ضروری ز خلیل نس عربی عروض چھ سنسکرت عروض کمن اصولن تہ قاعدن ہنز بنیاد۔ یمن کنھن چھ نہ پانہ وانی کانہہ منطقی واٹھ۔ یہ ثابت کرنہ ستر ز خلیل کیا اوس نہ علم عروض تک کن ایجاد کار، چھ نہ امہ عروض لکھاری یا نا لکھاری، شہکی یا غیر شہکی، حدہ کھوتہ زیادہ پیچیدگی یا غیر پیچیدگی تہ ثابت سپدان۔
- امہ کتھہ ستر ہیکہ امہ عروض نہ افادیت کم گوتھہ تہ نہ اہمیت۔ یہ چھ اکھ غیر ضروری بحث۔ تہ منز باقی کتھہ رلاوتھ راہی صاب اتھ عروض متعلق کلہم پاٹھو شک شبہ پیدہ کرن یڑھان چھ۔ ایرانی ادیبو چھہ شاید پندہ مشہور عرب متعصب جذبہ کن اتھ کتھہ اہمیت وژمژ، مگر اسہ کاشرین کیا فرق پیہ امہ ستر اگر یہ ثابت گوتھہ ز خلیس بروہنہ کنہ چھ باقی زبان ہندن عروضی نظامن ہندو ماڈل اُسو تہ۔ یہ چھ تحقیقی دلچسپی

ہند موضوع مگر اتھ سلسلس منز و نیک تام یم تہ
کوششہ کرنے آثرہ چھہ تم چھہ نہ بروہہ پکتھہ پچوہ۔
تھہ کتھہ چھہ نہ کانہہ شک ز غلیل چھہ عربی علم عروضک
ایجاد کار اوسمت (1)۔ یہ کتھہ چھہ پتھہ تھہ کتابن منز
درج تہ اتھ خلاف چھہ نہ کانہہ نش کانہہ شقہ ثبوت،
کانہہ تشفی بخش دلیل۔ محض شک شبہ پیدا کرنی چھہ نہ
کافی۔ راہی صابن چھہ ایرانی ادیب پرویز خانلری
سنز کتھہ پھر مژ زیرونی ین چھہ سنسکرت تہ عربی عروضن
ہند ہشرک ذکر کوزمت تہ کینہہ مثالہ دژ مژہ۔ یہ چھہ
ممکن ز خلیس آسہ ہے سنسکرت عروضک علم تہ تمہ نش
آسہ ہن علمی طور استفادہ تہ کوزمت، مگر امہ ستر چھہ نہ
یہ ثابت گوشان ز سہ کیا اوس نہ عربی عروضک ایجاد
کار۔ امہ ستر گوشہ زیادہ کھوتہ زیادہ یہ ثابت ز عربی
عروض چھہ نہ الہام اوسمت تھہ پاٹھو زن پرائین
کتابن منز و نہ امت چھہ۔ بیرونی سندو ہشر و ستر
چھہ نہ یہ کتھ تہ ثابت گوشان ز عربی عروض کیا چھہ
سنسکرت عروضک نقل یا استفادہ، تکیا ز ہشر ہیکن غیر
متعلقہ وجوہ کز تہ آستھ (2)۔ دراصل چھہ کتھہ یہ ز
عربی عروض چھہ سنسکرت عروضکو پاٹھو تہ تھہ پاٹھو
یونانی تہ لاطینی عروضن ہندو پاٹھو مقداری عروض لہذا
چھہ یمن ہندو ہشر یہ ژینہ ون دوان ز یم عروض ما
آسن اکھ اکو سندو نقل (3)۔ چنانچہ یورپس منز چھہ
عالمو اتھ سلسلس منز یہ ہاونچ کوشش کر مژ ز عربی
عروض چھہ شک یونانی تہ لاطینی وز نہ نمون ہند نقل۔ یہ
سادہ خیالی چھہ یمہ کز تہ بارسس آثر ز اردامہ
صدی منز اوس یورپس منز یہ خیال عام ز کلاسیکل
وز نیاتکو (یا گرامر کز تہ) اصول چھہ آفاقی۔ لہذا آس

تم عربی عروض یونانی عروض چہ عینکہ منز و چھان تہ
ہاونچ کوشش کران ز عربی عروض کتھہ پاٹھو چھہ یونانی
عروضہ منزہ درامت (4)۔ بیرونی ین بیان تہ سنسکرت
عروضکو اصول نظر تل تھاوتھہ کر جدید دور کیو کیٹوہ و
مشرقی عالموتہ یڑھے ہش کوشش (5)۔ ۱۹۳۳ ہس
منز چھہ پامصر کو اکو عالم احمد امین ضحی الاسلام
ناوہ دون جلدن ہنز اکھ کتاب تھہ منز کز گوڈنچہ
پھر بیرونی سندس بیانس کن پٹنن ہمعصرن ہندو چہ
پھر۔ اتھ برعکس چھہ بیٹس عرب عالم کمال ابراہیمین
خیال ز بیرونی سندو بیان چھہ نہ یہ ہاونہ خاطرہ کافی ز
اکھ وز نہ نظام کیا چھہ پیہ وز نہ نظام اکھ اثرک نتیجہ۔ اگر
اکھ طرفہ مغربی عالم عربی عروض یونانی عروضک نقل
تہ پیہ طرفہ مشرقی عالم اتھ سنسکرت عروضک نقل ون،
کتھہ چھہ صاف گوشان ز یمن عروضن منز چھہ کیمہ
تام مشترک یمہ کز امہ قسمک دو کھہ لگان چھہ تکیا ز
عربی عروض ہیکہ نہ دون عروضن ہند اکو ساتہ نقل
آستھ۔ دو یومنزہ چھہ اکھ کتھہ صحیح۔ اگر دوشوے کتھہ
صحیح چھہ، تمیک مطلب گو یونانی تہ سنسکرت عروضن
درمیان تہ چھہ ہشر تھہ پاٹھو مہ پتھہ کن اکس فٹ
نوٹس منز اشارہ کور۔

سوال چھہ ز مغربی تہ مشرقی عالمو کیا ز چھہ عربی عروض
متعلق شک تہ شبہ کر کز تہ؟ امیک وجہ چھہ یہ ز عربی
عروض چھہ بحیثیت اکھ مقداری عروض سامی شاعری
ہندس تو ارتخس منز غیر متوقع باسان مگر یہ چھہ نہ کنہ
نیر مہ اثرک نتیجہ تھہ پاٹھو زن کینہہ یورپی تہ مشرقی
عالم سونچان چھہ بلکہ چھہ یہ کلاسیکل عربی زبانی ہنز
شاعری ہند ارتقائی نتیجہ۔ اتھ کتھہ کرواسی بروہہ کن

وضاحت، یہیہ اس قدیم عربی شاعری ہنر کتھ کرو۔
 خاٹری چھ ونان تہ راہی صابن تہ چھہ یہ کتھ پھر مژ
 عروض ہیو باگہ یو رت علم اندہ وندہ کانہ اکس نفرہ
 سندو دس ایجاد سپدن چھہ بعید از امکان باسان۔ لہذا
 چھہ سہ بیرونی سندس بیانس ضرورت کھوتہ زیادہ اہمیت
 دو ان تکیا ز بیرونی لیس وراے چھہ نہ جدید دورس تام
 خلیل سندو دس امہ عروض کس ایجادس پٹھ بقول
 خاٹری کانہ شک کو رمت (6)۔ یمن چھہ نہ شاید اتھ
 عروضس پٹھ یورپی عالمن ہنزن کتابن ہند علم اوسمت
 (یمن ہند ز کرحاشین منز بروہہ کن سپد) نہ اچھالہ
 ہن یم تہ یمن ہنرہ کتھ تہ یہ ہاونہ خاطرہ ز خلیس بروہہ
 کنہ چھہ یونانی عروضکو اصول تہ اُس مژ۔ تھ کتھ
 چھہ نہ کانہ شک ز خلیل چھہ نہ دنیا ہک گوڈ نیک شخص
 اوسمت یو عروض قاعدہ بند کو، تکیا ز تس بروہہ
 اُس ہندوستانس منز تہ یونانس منز عروضکو اصول قاعدہ
 بند کر نہ آتہ۔ مگر یہ کتھ ز خلیل عروض کیا چھہ یونانی یا
 سنسکرت عروضن ہند نقل یا استفادہ چھہ عربی عروض
 صحیح پاٹھ نہ بھنک نتیجہ۔ خلیل سے اوت اوسا یونانی تہ
 سنسکرت عروضن ہند علم سپد مت؟ تسند ساری
 ہمعصر اسیان پر؟ حالانکہ خلیل اوس نہ پنہنن واریا ہن
 ہمعصرن ہیو ذی علم مگر تہند کھوتہ یو ڈمفلر اوس ضرور۔
 خلیل سندو ہمعصر وچھہ اسی سندس عروضس، کٹھ کجہ
 مژہ۔ کینو وچھہ یہ شاعرن ہند خاطرہ غیر ضروری قرار
 دیت مت، کینو وچھہ اتھ خوشک علم وڈنمت، کینو وچھہ
 اتھ پیچیدہ وڈنمت، مگر کانہ چھہ نہ اتھ ووزم آسٹ
 ہانڈہ لاجو۔ یہ کتھ چھہ بعید از امکان ز خلیس
 وراے کیا آسہ ہے نہ عربن منز کانہ تہ یونانی تہ

سنسکرت زبانی تہ ادب کا نہہ زان (7)۔ چونکہ خلیس
 بروہہ چھہ نہ عربی زبانی اندر عروض کانہ قلمبند کو رمت
 تہ چونکہ خلیل سند عروض چھہ نہ سنسکرت عروضک نقل،
 لہذا ہیو اسی وثوقہ سان وٹھ ز خلیل چھہ تن تنہا عربی
 عروضک ایجاد کار اوسمت۔
 یتنس چھس بہ یہ ون ضروری زانان ز علم چھہ اکھ
 سلسلہ وار، رواں دواں عمل۔ یہ ہیو کن نہ اس تو من تہ
 دورن منز تقسیم کر تھ نہ ہیو کنہ تہ علمی میدانس منز کر نہ
 آمرہ اکھ اکھ کو سزہ کوششہ اکھ اکھ الگ سمجھہ یا اکھ
 اکھ سند نقل مانتھ۔ سورے چھہ اکھ اکھ کو سند دیت تہ علم
 اکھ اڑھن ہا نکل۔ تھ کتھ چھہ نہ کانہ شک ز
 سنسکرتک زبانی ہند تہ عروضک علم چھہ سبٹھا پرون تہ
 امیک اثر چھہ واریا ہن قومن تام سپد سیو دیا بلا واسطہ
 وومت خاص کر چین (8)، تبت، سمارتا تہ باقے جنوب
 مشرقی ایشیا کن قومن تام۔ عربن تہ اوس سنسکرت
 لسانیا تک تہ شعر یا تک کم کاسہ علم مگر یہ ون ز تکیا ز تمن
 اوس امیک علم لہا ز کیا کو رتمو امہ کس عروض نقل
 چھہ شرک لازمی۔ بیرونی سند ہشہ ہیکن دریافت کس
 حدس تام دلچسپ اُسٹھ مگر تمن پٹھ بنجیدگی سان اکھ
 نظریہ کھڑا کرن چھہ اکھ غیر علمی عمل۔
 یہ ساتہ اس خلیل نے عروض کتھ کران چھہ اس چھہ زہ
 چیز خلط ملط کران۔ اکھ تم وز نہ آہنگ یم خلیل یتنس
 عروضی نظامس منز اکھ اکس نش کر کڈتھ قاعدہ بند تہ
 ضابطہ بند کر تہ بیا کھ پانہ خلیل عروضی نظام، یعنی علم
 عروض، امکو اصول تہ نظریہ۔ یہ کتھ گوشہ زتس تھاوڑی
 ز خلیل چھہ نہ ساری شعرہ آہنگ ایجاد کر کر تہ، یم
 آہنگ اُس عرب شاعری منز خلیس بروہہ ورتا و نہ

آہنگ مانوں تہ ایرانہ پٹھہ عربی لیس منز انہ آمز
مانوں، توتہ چھہ یہ کتھ بروہہ کن دژ مژ وشعرہ مثالو ستر
صاف سپدان ز یہ بحر اس خلیس بروہہ عربی لیس منز
واژ مژ۔ اتھہ خلیس سندس علم عروض کس ایجادس چھہ نہ
بانہ والی کاہنہ واٹھ۔ یہ وژن ز فارسی آہنگو ستر کیا میول
خلیس عروض وضع کرنس منز مد چھہ سراسر اکھ غلط
جبت تہ گمراہ کن بحث۔ خلیس عروض چھہ نہ وزن تہ
آہنگن ہنز سومبرن۔ اگر راہی صاب عروضس امہ نظر
وچھان چھہ، تیلہ چھہ نہ تس امہ عروض صحیح زان
سپز مژے۔ عربی عروضک وزن تہ آہنگن ہنز سومبرن
آسن چھہ اکھ عام تہ سادہ خیال۔ خلیس عروض چھہ نہ
سنسکرت عروضکو پاٹھو درجہ بندی یا توضیح تہ بلکہ تھہ
پاٹھو مہ پتھ گن اشارہ کور، امہ عروضک اکھ لاڈ
امتیاز چھہ امیک تخلیقی generative کردار۔ امی تخلیقی
کردارہ کز ہیک یہ عروض واریا ہن زبان منز
کامیاب پاٹھو استعمال سپد تھہ۔ تہ امی تخلیقی کردارہ کز
چھہ امہ چہ بحرہ اکھ کس ستر رشتہ تہ تھاوان۔

بحر متقارب اُسا خلیس بروہہ عربی شاعری منز
ورتاوندہ آمز؟ راہی صاب چھہ ونان ز خلیس آسہ ہے
یہ وزنہ نمونہ فارسی لیس منز وچھمت۔ مگر ایرانی عالمن
ہند یہ دعوا لیس راہی صاب تہ پھر ان چھہ، چھہ بہ
بنیاد۔ یہ بحر اس نایاب پاٹھو سہی، خلیس بروہہ عربی
لیس منز ورتاوندہ آمز۔ مثالہ چھہ پیش۔

أَرِقْتُ وَأَمْسَيْتُ لَا أَرْقُدُ
وَسَاوَرَنِي الْمَوْجِعُ الْأَسْوَدُ
وَبْتُ لَذَكْرَى بَنِي مَازِنٍ
كَأَنِّي مُرْتَفِعٌ أَرْمَدُ
أَغْزَوْ رِجَالَ بَنِي مَازِنٍ
بِطْنِ تَبَالَةَ أُمِّ أَرْقُدُ

آمز تہ خلیل نہ وقتہ تہ اس ورتاوندہ یوان (9)۔ البتہ
مروج وزنہ آہنگو علاوہ اس کینہہ آہنگ تم تہ یم زن
خلیل نہ عروضی نظام کہ تخلیقی generative کردار کو
نتیجہ اس (10)۔ راہی صاب چھہ خلیل نہ عروض
مزید نکتہ چینی یہ کتھ ستر کران ز "خلیس ما آسہ ہے
پن عروض وضع کرنس دوران پرانہ فارسی شاعری
ہندی وزنہ طرح وچھتھ کم یا زیادہ مد میولمت۔" سوال
چھہ عربی وزنہ طرح اُسیا عروض وضع کرنہ خاطرہ کم؟
اگر خلیل فارسی وزنہ طرح وچھتھ آسہ ہن نہ، کیا سہ
ہیکہ ہے نا علم عروض وضع کرتھ؟ کیا زنہ؟ فارسی وزنہ
طرحو کتھ پاٹھو چھہ تس علم عروض وضع کرنس منز مد
کو رمت؟ اتھ کتھ گوہہ بہلہ پایہ کین فارسی عالمن
جواب پر ژھن یم اتھ سلسلس منز بحر متقارب ذکر
کران چھہ تہ اتھ مولہ تلہ ایرانی مانان چھہ۔ اس زن
ژھنون بحر متقارب خلیل نہ عروضہ منزہ ہنر کڈتھ، تمہ
ستر کیا فرق پیہ امہ کس نظری تہ عملی ڈانچس؟ مہ چھہ نہ
مقارب بحر ہندس ایرانی آسنس کاہنہ اعتراض، مگر یہ
کتھ چھہ ژتس تھاوان ضروری ز کینون ایرانی تہ
مغربی عالمن ہندیہ خیال ز بحر متقارب کیا چھہ اصل
ایرانی چھہ ژکہ تھہ کتھ پٹھ درتھ ز پرانہ عربی شاعری
منز چھہ بحر متقارب چہ سبھا کم مثالہ (خاص کر بحر
مقارب کہ ژھوٹہ وزنجہ) میلان (11)۔ بحر متقارب
چھہ پڑی پاٹھو اصل ایرانی اتھ متعلق چھہ نہ ونیک تام
کاہنہ تشفی بخش دلیل پیش کرنہ آمز (12)۔ دو یم کتھ
چھہ یہ ز ایرانی عالمن ہندیہ کتھ چھہ نہ تھہ فی صدیح ز
بحر متقارب کیا چھہ نہ عربی لیس منز خلیس بروہہ
ورتاوندہ آمز۔ اگر اس بحر متقارب بنیادی طور ایرانی

پرویز خانلری ین عربی عروض چہ سنسکرت بنیاد ہنز
عمارت کھڑا کر مڑ۔

(۱) بیرونی چھ ونان ”ہندوستانس منز چھہ حرفن
(ہیکلین) ہنز گنتی خاطرہ تھے علامث ورتاوندہ یوان
یشھہ خلیل ابن احمد تہ سانیو عروضو ساکن تہ متحرک
چہ نمائندگی خاطرہ ورتاومڑہ چھہ۔“ (علامثن ہند
ہشر چھہ پٹھو۔ عربی عروض چہ علامث: ۵ تہ ۱۔
سنسکرت عروض چہ علامث: < تہ ۱۔ عربی لیس منز
چھہ بچ رکھ پیلہ زن سنسکرتس منز سیز رکھ چھہ، عربی
لیس منز چھہ یک چشمی ۵، پیلہ زن سنسکرتس منز بدلے
علامت چھہ۔) بہر حال، خانلری ین چھہ علامثن
ہنزن صرف ظاہری شکلن ہنز مشابہت ہنز کتھ کر مڑ،
پیلہ زن کتھ صرف یڑے چھہ نہ۔ کتھ چھہ یہ زمین
دوشونی عروضن منز چھہ کینون جزن ہنز نمائندگی
علامث ورتی تہ کرنہ آمڑ۔ اصل مشابہت چھہ بیہ یعنی
علامتی نمائندگی کرنہ کس تصورس منز۔ مگر یہ تصور چھہ
یونانی عروضس منز تہ، یعنی سنسکرت تہ عربی عروضن
ہندی پاٹھو چھہ تھنہ جزن ہنز نمائندگی خاطرہ یونانی
عروضس منز تہ علامث ورتاوندہ آمڑہ۔ یہ چھہ وکھرہ
کتھ ز عربی تہ سنسکرت علامثن منز چھہ پانہ وانی زیادہ
ہشر باسان۔ سنسکرت تہ عربی علامثن ہند ہشر ہیکہ
امہ موکھہ تہ اُستھ زیم یا یشھہ علامث آسہ ہن قدیم
زمانس منز باقی شعبن منز تہ مشترک پاٹھو ورتاوندہ
یوان۔ لہذا، علامثن منز ہشر آسن چھہ نہ کافی ثبوت
یمہ کتھہ ہند زیم عروض چھہ اکھ اکھ سندھ نقل۔ اتھ
سلسلس منز چھہ بیرونی اکھ اہم کتھہ یہ ونان ز اگرچہ
یکن علامثن منز کینہ ہشر چھہ، تاہم چھہ بیوٹس مختلف

وأعددت للحرب فضفاضة
كان مطاويها مبرد
(عمرو بن معدی كرب الزبيدي، ۵۴۷ -
۶۴۲ م)

تَحِنْ حَنِينًا أَلَمِي مَالِك
فَحِي حَنِينِكَ أَلَمِي مُعَالِي
أَلَمِي دَارِ قَوْمِهِ حَسَانِ الْوَجْهِ
عِظَامِ الْقَبَابِ طَوَالَ الْعَوَالِ
فَوَجْهَتُهُنَّ عَلَيَّ مُهِمَّةُ
قَلِيلِ الْوَعْيِ غَيْرِ صَوْتِ الرِّثَالِ
سَرَاعَا دَوَائِبِ مَا يَنْتَنِي
نَ حَتَّى احْتَلَلَنْ نَحْيَ حَلَالِ
(عمرو بن قميہ، ۴۴۸ - ۵۴۰ م۔ یتھ چھہ
ترواہ شعر۔)

شفی اللہ نفسی من معشر
اضاعوا قدامہ یوم النصار
اضاعوا فتی غیر جثامہ
طویل النجاد بعید المغار
ینبی الفوارس عن رمحه
بطعن کافواہ کعب المہار
و فرت کلاب علی وجہہا
خلا جعفر قبل وجہ النہار
(الفارغہ بنت معاویہ القشیریہ، جاہلیہ
دور چ شاعر۔)

دوونی یمہ بہ بیرونی لیس کن واپس۔ حاشیہ نمبر 5 منز کور
مہ سہ مشہور اقتباس اصل عربی لیس منز نقل، کاشتر ترجمہ
بہتھ، یتھہ عالم اکثر غلط پاٹھو پیش کران چھہ۔ تمہ
اقتباس تل چھہ نہ یتھہ کتھہ پٹھہ کانہہ شک روزان ز
بیرونی ین، یو ہندوستانس منز روزتھ پیٹہ کین علمن
ہنز زانکاری حاصل اُس کر مڑ، اوس خلیل سند عروض
خالص سند ایجاد قرار دیتمت۔ امہ اقتباس علاوہ چھہ
نہمن ثرون کتھن پٹھہ راہی صائز اصل ماخذن یعنی

صدی منز۔ خبریم علامترہ ما آسہ ہن عربہ پٹھے
ہندوستان آمرہ؟ خاٹری لیس اُس نہ امہ کتھ ہنزخبر،
مگر راہی صابس کیا آسہ اتھ متعلق ون؟ دلپسپ کتھ
چھہ یہ تہ زغیر سنسکرت ورتاجاتی سموجایا
وہنس منز چھہ زٹھو ہیکلو دوشوے طرفو سیزہ رکھہ
ترآدھ اکہ کرو curve ستر تہ زھوڈی ہیکلو اکہ سیزہ

رکھہ سستی ظاہر کرنے آستی۔ یم علامثرہ چھبہ یونانی
 علامثرن سبھانزدیک۔ تیلہ نو نو یونانیوتہ چھبہ یم
 علامثرنسکرت پٹھہ اہہ مرثہ۔ خلیس کس خطاکوت؟
 (۲) دو یم کتھ یس خانری ین رٹھہ چھبہ، چھبہ یہ ز
 بیرونی چھہ ونان ز تھہ باکھ سانبہ عروضو افاعیلو

سنگی شعر و نثر چہ کیہنہ تنظیمہ بناؤ مرثہ چھبہ تہ سحرک تہ
ساکن علامر بناؤ مرثہ چھبہ بیوسر افاعیل مرکب چھبہ،
تنھے پاٹھو چھبہ سنسکرتس منز کیہنہ ناو ورتاؤ نہ یوان یم
ارکان ظاہر کران چھبہ تہ یم لگھو تہ گروسر مرکب چھبہ۔

میانہ خیالہ یوس بڈ فرق یمن دون عروضی نظامن منر
چھچھ سو چھچھ یہ ز سنسکرت عروضک طریق کار چھ
استقرائی inductive یہلہ زن عربی عروضچ بنیاد
استخرائی deductive چھچھ۔ امیک احساس اوس عہد
وسطی کین عالمن تہ یہلہ تمویہ ژ یون ز عربی عروض کس
نظریس منز چھچھ لاحدود وفاق و متحد و نمون منزختی سان
منظم کر نہ آزمہ۔ بیاک بڈ فرق چھچھ یہ ہنگلن کرد
پادن منز چھچھ تہ تہ کر تھ گروپن منز تقسیم۔ یسے
گروپ بنیہ سنسکرتکو عروضی ارکان۔ یمن پتہ کنہ اوس
اکھ خالص ریاضیاتی گروہ ہندی ہند تصور۔ تھ برعکس
چھچھ عربی افعیل زبانی منر مارفالوجی یعنے زبانی ہندن
لفظن پٹھ درتھ۔ گوبا عربی افاعیلن چھچھ لسانی

خاطرہ ژوشونی مصرعن ہنز تقطع کرنی پوان۔ ادہ چھ پتہ لگان زون چھاورنم کنہ جاتی، تمہ علاوہ کس وزن چھ ورتاوندہ آمت، ہنز۔ ممکن چھ بیرونی ما آسہ ہے آریہ وزنج کتھ کران لیس ہنگلن تہس پتہ باقیو دون مصرعن ہندوزن قرار دیت۔

(۴) خالری چھ ونان ز سنسکرت لفظ sabda, varta تہ sabdavattvat یا aryā تہ چھ عربی عروض چین سب، ود، سبب ود تہ عروض اصطلاحن ستر لان۔ اتھ چھ ونان دور کے قلابے ملانا۔ گوڈنج کتھ چھ یہ ز sabda, varta لفظ چھیں نہ سنسکرتک عروضی اصطلاح، چونکہ یم لفظ چھ آواز و رنگ عربی اصطلاحن ستر لان، لہذا آیہ یم تہ عربی عروض خلاف گواہی ہندس کٹہرس منز کٹہرا کر نہ۔ پوز چھ یہ ز یمن لفظن چھ نہ عربی عروضی اصطلاحن ستر کا نہہ واٹھ (13)۔ aryā تہ عربی عروض اصطلاحن درمیان چھ نہ آوازن ہندیہ ہشتر تہ۔ دویم کتھ چھ یہ ز یم لفظ چھ خالری ین شاید پنہ طرفہ رلاوٹر۔ مہ آے نہ بیرونی سنز کتابہ منز کنہ جایہ یم لفظ اتھ۔ بیرونی ین چھ نہ یمن لفظ ہشتر ہنز کا نہہ کتھ کر مژ۔ اگر راہی صابس اتھ ین، سہ ہیکہ خالری سبہ بدلہ خطس منز سو عبارت نقل کرتھ مہ سوزتھ۔ یا کنہ رسالس منز چھپاوتھ۔ بہ روزہ تسند امہ خاطرہ شکر گزار۔ میانہ یمہ بخشہ پتہ اگر کانہ یتھ کتھ پٹھ شک آسہ ز خلیل چھ عربی عروضک ایجاد کاراومت تہ عربی عروض چھ نہ سنسکرت عروضک نقل، تس پزان بہتر ثبوت پیش کرنی۔

بنیاد۔ مثلاً سن حرفن ہنز حد بندی چھ لفظن ہندس بناؤس پٹھ درتھ۔ تھو ہوز اصول ز لگاتار تہ سبب ہیکن نہ عربی عروض منز یتھ تہ چھ ہز بان ہنز مارفالوجی پٹھ درتھ۔ نتہ زن چھ خالص ریاضیاتی مرکباتی نظریہ کنز تہ لگاتار سبب ممکن۔ اسہ وچھ حاشین منز نہ چھ سبب نہ ود، لگھو نہ گرو تصورن ہندی ہو، ہو چہ نہ نہ چھ افاعیل سنسکرت کمن عروضی ارکانن ہند تصورہ مطابق۔ حقیقتہ چھ یہ ز مقداری عروضن (سنسکرت، یونانی، عربی) منز چھ یم عناصر مشترک، پر تھ اکس منز رتھ کھنڈ مختلف تصور ہتھ۔ خلیل چھ افاعیلن دایرن ستر واٹھ تھ عربی عروض generative بنوومت۔ سنسکرت عروضی ارکان چھ امہ قسمہ کہ عملہ نش چھ۔

(۳) بیا کھ مشابہت بیک ذکر بیرونی کران چھ، چھ یہ ز ”عربی لیس منز چھ شعر دہن مصرعن منز عروض تہ ضرب کہ وسیلہ تقسیم کرنہ یوان۔ سنسکرتک شعر تہ چھ دون نصفن منز تقسیم سپدان، ہر اکس چھ پاد ناو۔“ عربی لیس منز چھ شاعری ہنز لوکٹ اکایی بیت یا سائین اصطلاحن منز شعر لیس دون مصرعن پٹھ مشتمل چھ۔ بیت چھ اکھ شعری اکایی آسنہ کنز شعری اکایی آسنہ علاوہ عروضی اکایی تہ بنیمو۔ مگر سنسکرتس منز چھ عام طور زون مصرعن ہنز شعری اکایی میلان کاشری پاٹھو ژاکھ۔ پاد یا پادم چھ امہ اکایی ہندس اکس مصرعن ناوتھاوندہ آمت یعنی سنسکرت شعرک ژورم حصہ۔ پادک مطلبہ چھ انگریزی پاٹھو quarter۔ عروضی ضرورتو کنز تہ چھ نہ زہ مصرعہ سنسکرتس منز کا نہہ اکایی بنان۔ سنسکرتس منز چھ اسہ وزن دریافت کرنہ

حاشیہ

باشد، می توان گمان برد که خلیل بن احمد در اختراع قواعد عروض به اصول علم اوزان سنسکریت نظر داشته و قوانین عروض عرب را از روی آن ساخته و پرداخته باشد. (وزن شعر فارسی،

پرویزخانلری ص ۸۸)

(3) کینو و یورپی عالمو چھ مثلاً یہ خیال پیش کو رمت ز سنسکرت تہ یونانی زبان ہندن کینون وزن چھہ ژکہ انڈوپوروپین Indo-European بنیاد۔ اتھ سلسلس منز وچھو کہ یم کتاب: Antoine Meillet سنز کتاب Les européennes des mètres origines indo-grecs (1923)۔ میلے اوس تواریخی لسانیاتکہ تقو بی طریق کارک بانی: Ulrich von Wilamowitz۔ Griechische Moellendoff سنز کتاب Verskunst (1921)۔ ولاموز اوس یونانی تہ لاطینی عروضک ماہر: Gregory Nagy سنز کتاب Comparative Studies in Greek and Indic Meter (1974)۔ ناگی اوس ہاروڈ یونیورسٹی منز یونانی زبانی ہند یورپی سر۔

(4) اتھ سلسلس منز وچھو یم کتاب۔ ارداہمہ صدی ہندس مشہور عالم William Jones سنز کتاب Poeseos asiaticae Commentariorum libri sex (1777)؛ جرمن عالم G. Ewald سنز کتاب Gramatica Critica, vol.2, De metris تہ Antoine عالم carminum arabicorum سنز کتاب Silvestre de Sacy سنز کتاب R. Westphal arabe, 615-661۔ ویست پھالن اوس یہ مفروضہ تہ کھڑا کو رمت ز عربی عروض چھہ کہ تمام یونانی عروضی رسالہ تہ تمک نتیجہ۔ یم کتابہ چھہ زیادہ تر توضیحی نوعیہ ہنزہ۔

(5) اگر اکر بیرونی سند بیان وسیع تناظرس منز پر وں یہ کتھ چھہ صاف پاٹھو بروہیہ کن یوان ز بیرونی اوس تہ ذکرہ دون عروضن ہند ہشر باؤتھ یہ وں یڑھان ز عربی عروض کیا چھہ

(1) خلیل کتھ پاٹھو کوریہ علم ایجاد تہ متعلق چھہ واریاہ کہانی۔ مثلاً اکھ یہ زاکہ ساتہ بیلہ خلیل بصرہ شہرچ کوچہ گردی کران اوس، اوس گؤ واتھ ٹھٹھری ٹاسن ہند آہنگ کنن تہ یکدم پیو و اوس سندس ڈنٹس منز عربی شاعری ہند آہنگ اصول تھنہ۔ دپان خلیل گؤ و جلد گرہ رتس کھڈس ژا و چلس توره بیلہ واپس دراو، عروضک نظریہ اوس مکمل سپد مت۔ تھر اوس تمام عربی شاعری ہنز تقطیع کر تھہ اوس تمام آہنگ بد کڈی مژ۔ یہ یا خلیل نس ایجادر ستر منسوب یڑھہ باقی کہانی چھہ صرف داستانہ مگر یم منز چھہ سبٹھا، اہم تہ دلچسپ نکتہ تہ پوشیدہ۔ مثلاً یہ اہم کتھ ز خلیل عروضی نظریہ چھہ تجرباتی فکر تہ تکنیکہ ہند نتیجہ۔ نیوٹن تہ تہند ژوچ داستان تہ چھہ تھہ نکتہ پیش کران۔ خلیل نہ امہ کہانی ہند اگ الگ روپ چھہ ابن خلقان سنز و فیات الاعیان (جلد ۲ ص ۲۴۲)، یا قوت الحمادی سنز معجم الادباء (جلد ۴ ص ۱۸۲)، ابن المعتز سنز طبقات الشعراء (ص ۹۵-۹۶)، المرزبانی سنز نور القیاس (ص ۸۵)، تہ ابن الانباری سنز نزہۃ اللیاء (ص ۴۶-۴۷) کتابن منز درج۔ Pythagoras سس متعلق تہ چھہ ٹھٹھری کہانی مشہور ز ٹھٹھری ٹاس بوزتھ کو رتھ موسیقی ہندن وقفن ہند نظریہ تخلیق۔ (وچھو B. Farrington سنز کتاب Greek Science, Its Meaning for Us, 1961, p.50)۔ یہ کہانی خلیل نس عروض پٹھہ تہ لاگو کرنہ ستر چھہ تہ تھہ نلتس تائید سپدان زامہ عروض ابتدائس پٹھہ گورس سند نظریہ پاٹھو تجرباتی۔ سنسکرت عروض کس ایجادس متعلق تہ چھہ تھہ پاٹھو واریاہ کہانی موجود۔ ایک ذکر چھہ بیرونی تہ کران۔

(2) بنا بر اشارہ ابو ریحان بیرونی و بہ موجب مشابہتی کہ میان قواعد اوزان ہند و عروض عرب هست، و این کہ بسیار بعید می نماید کہ کسی علمی را از آغاز تا انجام خود یکبارہ ابداع کردہ

(یا ہندی) پڑی پاٹھو امہ آہ سوچان اُس مٹو۔ تعجب چھ عروس کٹھ کڈن والو تمہ زمانہ کیو عالمونزہ چھ نہ کانہ تہ امہ کٹھ ہندو کر کو رمت۔ مہ چھ باسان بیرونی سند اشارہ چھ تمن ایرانی عالمن کن یم خلیل نس عروس کٹھ کڈان آسہ ہن۔ بیرونی پانہ عرب نہ آستھ اوس تمن جواب دوان تہ مختصر پاٹھو یہ ونان زمین عروس درمیان ہشر آستھ تہ چھ یم الگ۔ خلیل چھ عروس کن ایجاد کار۔

(7) عباسی دورس منز اوس عربن تہ باتے ترقی یافتہ قومن مثلاً ایرانیان، بازنطینیان، یونانیان تہ ہندوستانی درمیان بصرہ شہرس منز علمی تہ تجارتی حیوت دیت۔ سوانح نگار مہدی مخزومی چھ پٹہ کتابہ السخیل ابن احمد الفراهیدی: اعمالہ و منہاجہ (بغداد ۱۹۶۰) منز ونان ز بصرہس منز آسہ امہ وقتہ عربن علاوہ ہندوستانی، ایرانی، سوڈانی، یونانی تہ باقی بسکین تہ جوق در جوق تہ روزان۔ اتھ دورس منز آہ عربی لیس منز فارسی، یونانی تہ سنسکرت زبانو پٹھ واریاہ ترجمہ کرنہ۔ اتھ سلسلس منز وچھو Islamic Culture رسالس منز Max Meyerhof سند مضمون On the Transmission of Greek and Indian Sciences to the Arabs (1937)۔ لہذا چھ یہ ممکن ز حلیس تہ سندین ہمعصرن آسہ ہے سنسکرت عروسک علم۔ خلیل فی اکو ہمعصرن ابن المقفی ہن لیس بغداد سے منز روزان اوس (تہ حلیس ستر اوس شاید ایرانی آسہ کن رقابت تھاوان تہ شاید سند کھوتہ اوس زیادہ پورمت لڑ کھمت) کو رچ تہ تنزک ترجمہ عربی لیس منز لیس قلیلہ و ضمنہ ناوہ مشہور چھ۔ یم حکایت آہ پتہ عربی پٹھ یونانی زبانی منز تارنہ تہ تہ پٹھ گے یورپی زبان منز ترجمہ۔ ضمنہ چھ عرض ز Silvestre de Sacys، یو سند ذکر اسہ فٹ نوٹ (4) منز کو ر، چھو قلیلہ و ضمنہ ہک اکہ ایڈیشن ۱۸۱۶ ہس منز فرانس اندر۔

(8) پانژمہ صدی منز کو ر کشیر ہندی اکو بدھ عالمن لیس بدھا جیوا ناو اوس Fa-Hien سندین کینون جمع کر مٹن

سنسکرت عروسک نقل، بلکہ اوس سہ اتھ برعکس کٹھ وڈر یڑھان۔ کو سند بیانک گوڈ نیک جملہ چھ اکثر عالم تر آتھ ژھٹان۔ تہ منز عربی عروس خلیل سند ایجاد قرار دوان چھ۔ راہی صاب چھ پٹھن لری لیس پڑھ کرتھ ونان ز بیرونی ین "اُس یمہ امکاچ نہ واند ژینون دژمژ ز خلیل ما آسہ ہے سنسکرت زبانی منز موجود علم عروس نش استفادہ کو رمت۔" راہی صابن چھ نہ پانہ بیرونی سند بیان پر تک تکلیف کو رمت۔ بیرونی سند اصل اقتباس چھ تہ پاٹھو۔

"و انما طولت فی الحکایة و ان نذرت عائداتھا یشاہد اجتماع الخفاف فیعلم التها متحرکات لا سواکن و لیحاط بکیفیة قوالہم و تقطیع ابیاتہم و لیعرف ان الخلیل بن احمد کان موفقا فی الاقتضابات و ان کان ممکنا ان یکون سمع ان للہند موازین فی الاشعار کما ظن بہ بعض الناس"

یعنی "مہ دژ تہ تہرس طوالت، اگرچہ یہ تیوت کار آمد چھ نہ، تاکہ پران والو وچھن پانہ خفیفن (سنسکرت لکھو) ہند اجتماع مثال یوس ہاوان چھہ (لکھو ہک مطلب چھ) زیہ چھ متحرک، ساکن نہ۔ امہ علاوہ تاکہ پران والو وچھن تمن ہند عروس تہ تقطیع ہند طریقہ۔ چھیکرس وچھہ پران وول ز خلیل ابن احمد بنو العروس چھرا پٹہ قابلہ اگرچہ کینہہ لوکھ سوچان چھہ ز ممکن چھہ (خلیلین) آسہ ہے ہوزمت ز ہند وچھہ شاعری منز کینہہ خاص وزن ورتاوان۔" وچھو بیرونی سز کتاب تحقیق ماللہند، لندن ۱۸۸۷ء، ص ۶۵ تہ ترجمہ لندن ۱۹۱۰ء، ص ۱۳۵

(6) حالانکہ بیرونی ین کو ر نہ پانہ خلیل نس ایجادس پٹھ شک بلکہ وڈن لوکھ چھہ تہ پاٹھو سوچان۔ یہ چھن نہ وڈنمت کم لوکھ۔ ہندی ہاکنہ عرب؟ اگر یم عرب چھہ آسٹو، تمبک مطلب گو و یہ ز بیرونی لیس بروہہ چھہ عربن سنسکرت چھندن ہند علم اوسمت تہ سندس زمانس منز چھہ کینہہ عرب

مثلاً مقتضی یا مضارع یا انخس سند شامل کو رمت متدارک تہ اُس۔ واریا ہو عرضیو مثلاً انخس یا جو ہری ین تہ کرکوش امہ عرضہ منزه تم ساری وزن ترا و تھو ٹھنچ نیم ہند کرکوشی، غیر مستعمل تہ مہل اُس۔ جو ہری ین کرہ یا لے خلیل ین دایرین برخلاف، وزن ہنز درجہ ہندی تہ تقسیم آہنگ کیو ہشر و مطابق مگر خلیل سندس استنادس بروہہ نہ کچ نہ تسنن تقسیم چلتھ۔ افسوس چھہ یہ ز حلیو دایرہ ہیکو نہ کوش سند واریا ہو بمعصرو تہ تہ کوش عرضیو سمجھ۔ ین دایرین ہنز حکمت را ویکسر۔ اتھ معاملس منز اوس خلیل پتس و قس سبھا بروہہ۔ اڈ سنگرامرک یا عروضک علم اوس نہ عہد وسطی بک علم بلکہ عہد جدیدک علم۔ حلیو دایرہ اُس اتھ عروضس منز وزن تھہ پانچو تخلیق کران۔ تھہ پانچو سانس ز مانس منز مشہور ماہر لسانیات Noam Chomsky سنگرامر زبانی ہندی جملہ تخلیق کران چھہ۔ خلیل ین دایرین ستر سپد مہ گوڈ نیک تعارف علی گڈھ مسلم یونیورسٹی ہنز لایبریری منز بیہ مہ عروضس پٹھہ کینہہ اردو تہ فارسی کتابہ پر نک و چھنک موقعہ میول۔ تمنے دہ بن گو و مہ یہ ہند generative آسنک احساس تہ چاسکی سندس طریق کارس تہ خلیل نس طریق کارس منز باسیوم اکھ ز برست ہشر۔ دلچسپی ہنز کتھ چھہ یہ ز خلیل نس علم عروضس تہ گو و، ژیری پین سہی، تھہ پانچو قبول عام حاصل۔ تھہ پانچو چاسکی سندس گرامرس۔ تہ نصف صدی منز گو و۔

(11) ین عالمن ہند ونہ کوش چھہ نہ بحر متقارب چہ مثالہ اسلامہ بروہہ عرب شاعری منز میلان، اموی دورس منز چھہ اچھہ مثالہ سبھا کم میلان تہ عباسی دورس منز چھہ اچھہ مثالہ سبھا ہران یہہ کوشیم یہ نتیجہ اخذ کران چھہ ز یہ بحر آریہ فارسی پٹھہ عربی لیس منز۔ دراصل چھہ ین عالمن ہنز کوشش یہ زیم ہاون ز فارسی شاعری منز ورتاوند اُمتر ساری وزن چھہ نہ عربی پٹھہ پہہ اُمتر۔ فارسی شاعری ہندی واریاہ آہنگ ین عروضی غلطی سان عربی مانان چھہ، چھہ ڈکہ پرائی فارسی آہنگ بیومنزہ کینہہ عربو فارسی پٹھہ تہ کینہہ وقتہ کوش عرضیو عربی عروض کین سانچن منز تراوڈ۔ بہ چھس

سنسکرت مسودن، ین منز ماہیساکا سانسز ونا یا /inaya of Mahisasaka تہ اُس، چٹیس منز علمہ کس اکس مشہور مرکزس پٹھہ۔ تھہ یا لچو ناو چھہ چینی زبانی منز ترجمہ۔ ونا یا کس ترجمس منز اُس تہ سنسکرت عروض کین لکھو تہ گرو اصطلاحن ہند خاطرہ چنگ تہ چنگ اصطلاح ورتاوڈ مٹر۔ امہ ترجمہ پتہ چھہ تقریباً ۶۰ تھہ وہرڈ اکھ چینی شاعر شہن یوہ Shen Yueh تہ تسند کر جانشین پتہن شاعری ہندن منشورن منزیم اصطلاح ورتاوان۔ چنانچہ اوت تام اُس شاید ین سنسکرت زبانی تہ اکہ عروض رٹھ کھنڈ زان گمہ، لہذا اُس بیو اصطلاحو تقریباً تہ تصور پتہ کتہ رڈ مٹریم سنسکرت عروضکو لکھو تہ گرو باوان اُس۔ اگر پرویز خاٹری لیس امہ دریافتک علم آسہ ہے سہ ہیکہ ہے اتھ کتھہ تہ ورتاوتھہ زبیلہ چینی یونسکرت عروضس ہر تر تل عربو تہ آسہ تلمت۔

(9) یم شعرہ وزن مستعمل اُس تہن ہندی شواہد اُس قدیم عربی شاعرن ہندی۔ پرائین عروضی رسالن منز چھہ شعرہ مثالہ خلیل نہ وقتہ کیو شاعر و منزہ سبھا کم میلان۔ مثلاً تبریزی سنز کتابہ الکافی منز چھہ ۴۵ ہن شاعرن ہندی شواہد درج کرنہ اُمتر بیومنزہ ۱۳ ہن شاعرن ہندی شواہد ۶۰ فیصد چھہ۔ یہ ہندی شواہد اکھ کھوتہ زیادہ لہ میلان چھہ تم شاعر چھہ امرؤ القیس، طرفہ، زہیر، الہطیع، المرقش، عبید ابن الابراص، عنترۃ العبسی، الاعشی، ضحی ارما، عدیابن زید، لبید، الاخطل تہ ہند بنت عتبہ۔ اُخری شاعرہ وراے چھہ یم تمام شاعر مشہور۔ بیومنزہ چھہ صرف زے شاعر ضحی الرما تہ الاخطل اموی دورکو۔ باقے تمام چھہ اسلام بروہم۔ اتھ رسالن منز چھہ عباسی دورکو صرف تہ شاعر ابو نواس، ابو العتاہیہ تہ العباس ابن الاحنف میلان۔ باقے ساری شاعر چھہ یا تہ اسلامہ بروہم، اسلام کہ ابتدائی دورکو یا اموی دورکو۔

(10) مستعمل تہ مہل اصطلاح چھہ اسہ ویدکر۔ خلیل نس عروضی نظامس منز اُس واریاہ وزن تم یم نوکر اُس، ین منز

برونہ ممتاز پانچو ڈراما تو۔ تھ پانچو باقی سامی روایت
منز پرانی شعرہ ہیئت دون رکنن پٹھ درتھ اُس، عربی لیس
منز تہ اوس ہے نمونہ۔ امہ پتہ سپد تر بن رکنن ہندارتقا
رجز آہنلس منز تہ ژون رکنن ہندارتقا ہرج تہ رل آہنگن
منز۔ تہ ہم تریشوے ہیو آسہ قدیم سامی وزنہ روایت منز
مشترک۔ زیچھ وزنہ ہیو (خپہ رکن تہ اُٹھ رکن) سپز
سبٹھا منظم وزنہ نمون ہندس ظاہر سپدلس ستر ارتقا پذیر۔ یم
دہ شوے ارتقائی عمل سپد قصید شاعری ہندس ابتدائی
زمانس منز۔ تہ زمانہ پتہ بنیہ قصید شاعری زتھن وزن
ہنز جاگیر۔ ژھوڈی بحر رودی زیادہ ترکہ شاعری (رجز) تہ
گولس (ہرج تہ رل) تام محدود۔ خپہ رکنی نمونہ اوس
کینون سامی علاقن منز، تہ یہ اوس تہ ساروے کھوتہ زیوٹھ
نمونہ، مگر اُٹھ رکنی نمونہ (طویل تہ بسیط) اُس خالص عربی
ایجاد۔ یونانوتلہ تہ چھ ننان یم چھ واریاہ زتھو نمونہ
اُس تو۔ نمونہ زتھر اوک طریقہ اوس یہ: اکہ یا زیادہ رکن
اُس ہر راونہ یوان یا اُس اکہ یا زہ رکن دہ راونہ یوان۔
(امی موکھ چھ نہ قصید شاعری ہندس دورس منز بحر
مقاربک ژھوٹ نمونہ میلان۔ مگر امہ برونہ چھہ انج
ژھوٹ شکل، نادرے سچ، کینون باتن منز آسمو۔)
بہر حال، سارنی بحر ان چھہ پتھم پترو آہنگون مزہ اکہ نہ کچ
بنیاد۔ یم آہنگ ہیکو کھ تو بحر منز وند چہ جایہ بدلی ستر
پچانٹھ۔ مثلاً تم بحرہ یمن ہندو افاعیل وند ستر شروع
گوشہاں چھہ (مفاعیلن: ہرج)، تم بحرہ یمن ہندین
افاعیلن منز وند اُخرس پٹھ یوان چھہ (مستفعلن: رجز) تہ
تم بحرہ یمن ہندین افاعیلن منز وند منز باگ یوان چھہ
(فاعلاتن: رل)۔ ہرج آہنگ کہ خاندان منزہ چھہ
طویل، وافر، مقارب تہ ہرج بحرہ درامزہ۔ یمن بحر
درمیان چھہ واریاہ ہشر۔ یمن منز چھہ رجز خاندانس مقابلہ
عروض تہ ضربہ چہ سبٹھا کم تبدیلی واقع سپدان۔ رجز بحر
مقابلہ رتھر اودی نہ ہرج خاندانچو بحر وژھوڈی وزن۔ یمن
ہندو وزن چھہ عام طور زتھو۔ ہرج خاندان ہیکون اُس
دون شاخن منز تقسیم کرتھ۔ اکھ طویل تہ مقارب تہ بیا کھ

نہ یمن لٹھن انکار کران، مگر واریاہ کتھ چھہ خاص کر بحر
مقارب کس سلسلس منز جواب طلب۔ (وچھوٹ نوٹ
12)۔ بہ چھس نہ عربی کھرس پٹھ قدیم ایرانی اثراتن ہند
تہ (خاص کر عربی موسیقی پٹھ) منکر۔ واریاہ عالم چھہ
مانان زسانانی دورس منز چہ عرب موسیقی پٹھ حراکہ نمند
در بارہ کہ ذریعہ واریاہ اثر، مگر سو چھہ سبٹھا پرانی کتھ۔ تھ
تہ بحر مقاربلس تہ خلیل لیس عروض چھہ نہ پانہ والی کا نہہ براہ
راست تعلق۔ عباسی دورس منز بحر مقارب چہ واریاہ مثالہ
میلنہ چھہ نہ ضروری نہ یہ کیا چھہ کتھ نمبر مہ اثرک نتیجہ۔ یہ
ہیکو عربی بحر ہند اندرونی ارتقا یک نتیجہ تہ آستھ۔ یہ کتھ
گوکھ یاد تھا وانی عربی بحر ان ہنز بسیارگی چھہ ترکہ تہ یو
بنیادی آہنگون منزہ ارتقا پذیر سپز مژ۔ قدیم عربی شاعری
ہندو امہ رلکو مطالعہ خاطرہ وچھو کھ یم مضمون: Dmitry
Frolov سند Teoriya aruda: prosodiya i ritm
Gintzburg سند Osnovi arabskogo
stikhoslozheniya؛ Hartmann سند Über die
Muwassah genannte Art der
Strophengedichte bei den Arabern
نیز۔ بنیادی آہنگ یومنز عربی بحر درامزہ چھہ، چھہ رجز،
ہرج تہ رل۔ باسان چھہ یمن تر بن بنیادی آہنگن ہنز
تفکیل چھہ قصید شاعری برونہ سپز مژ۔ رجز آہنلس
متعلق چھہ باقی دون آہنگن نسبت واریاہ کینہہ معلوم۔
تھ کتھ کن ہیکو اُس اشارہ کرتھ ز ابتدا پٹھے چھہ یم
تریشوے نمونہ آہنگو خالص سانچہ آسنہ بدلہ مختلف شعرہ
ذاثرن ہنز شکلہ منز اُس تو۔ رجز آہنگ چھہ زیادہ تر
تقریری لہجہ خاطرہ ورتا وند یوان اوسمت، ہرج تہ رل چھہ
ترنم کن لجن ہند خاطرہ زیادہ تر ورتا وند یوان اُس تو۔
یو تریشو ہیو و دیت عربی شاعری ہندین تر بن بنیادی
آہنگن زنم۔ رجز (تھ اُس صوتیات کن اصطلاحن منز
کھسہ وں آہنگ وں)، ہرج (تھ اُس وں آہنگ وں)
تہ رل (لیس چھمبن دون آہنگن درمیان چھہ)۔ یم تریشو
آہنگ نمونہ اُس بوزن والین ہند خاطرہ قصید شاعری

آخرس پٹھ امہ قسمہ کمن دون تھک رکمن ہندامکان لیس باقی قدیم کالہ کمن ژھوٹن وزن منزہ میلان چھہ اشارہ کران ز واریا ہن صورژن منزہ یکہ نہ یکن درمیان امتیاز چھہ رکھ قائم سپد تھہ۔ یہ چھہ ممکن ز قدیم شاعری منز آسہ ہے یہ فرق وزن نمون ہنز آسہ بجایہ گونس منزقات یا تلفظ چہ فرقہ کر۔ قدیم شاعری پٹھہ اکر نہ خلیل نہ عروضکو سخت اصول لاگو ممکن چھہ فعو تہ فہج یہ ادلابدی ما آسہ ہے گونس منز دوشونی مصرعن منز واقع سپدان۔ لہذا ہکون اکر یہ منز قدیم شکل۔ تھہ پانچ پتہ تغیر کرتھہ۔

(۴) فعولن فعولن فعو(فع) فعولن فعولن فعو(فع)

امہ نمونہ کہ آخری رکنہ چہ ادلابدی ستر چھہ وونی رکن ہنز کنتی ہند سوال وقتان یاد ذہین لفظن منز قدیم شکلہ منز آہنگ لحاظ ضروری و تدن ہنز کنتی ہند سوال۔ خلیل نہ عروض مطابق چھہ ژھوٹ متقارب شہ رکن بنان۔ مطلب خلیلن عروض چھہ آخری فعو تہ فہج یہ الگ رکن مانان۔ مگر ہنز آہج عمومی خاصیت نظر تل تھاوتھہ، لیس وند ستر شروع گوہان چھہ مگر وندس پٹھہ چھہ نہ اندواتان، تہ تھہ منز آخرس پٹھہ وند سبب ادلابدی ہندامکان چھہ، چھہ یہ کتھہ صاف گوہان ز ژھوٹس متقاربس منز چھہ پر تھہ مصرعس منز صرف زے وند آہنگ لحاظ ضروری ہمہ کر امیک وزن ژور رکنی گوہہ مانہ ین -- کامل، بخت، وافر، بحر، ہندو پانچ۔ ژھوٹ متقارب کمن مصرعن ہندس ز تھرس پٹھہ نظر تراوند ستر چھہ یہ ہے نتیجہ یران۔ ژھوٹ متقارب کس اکس مصرعس منز چھہ حرفن ہند تعداد تھہ پانچ

$$۱۳ + ۱۳ = (۱۲) ۲۶ \text{ یا } ۲۵$$

ییلہ زن کہ تہ ژورارکانی وزنس منز حرفن ہند تعداد چھہ

$$۱۴ + ۱۴ = (۱۶) ۲۸ \text{ یا } ۳۰$$

امیک مطلب کو وہ ز ژھوٹ متقارب ہمیکہ نہ شہ ارکانی آستھہ۔ ژھوٹ متقارب چھہ دراصل تغیر کر نہ آستھہ قدیم ہنز آہنگ نزدیکی وارث۔ ہنز کہ امی قدیم آہنگ منزہ چھہ طویل تہ متقارب درامژ۔ طویل بنیہ

وافر تہ ہنز۔ بحر طویل (لیس خلیل نہ گوڈنک دایرج گوڈنچ بحر چھہ) تہ بحر متقاربس (لیس خلیل نہ آخری دایرج گنی بحر چھہ) چھہ پانہ وانی ارتقائی رشتہ ہمہ کر یکن درمیان واریا ہنتر چھہ۔ (یہو ہنتر وکتر چھہ خلیلن عروض اکس ہندس دایرس منز تبدیل گوہان۔ یعنی آخری دایرج بحر چھہ گوڈنک دایرہ چہ گوڈنچ بحر ستر رلان)۔ دوشونی بحر ہندو وزن چھہ نہ ژھوٹ۔ طویلکو ژھوٹ وزن چھہ نہ اصولا ممکن، متقاربکو چھہ نظری طور ممکن مگر عملی طور چھہ مفقود۔ کتاب الاغانی لیس اندر چھہ دہن ساس شعرہ مثالن منز ژھوٹ متقاربہ صرف آٹھ مثالہ موجود۔ یکن دون الگ چھہ باقی سارنی بحر ہندو ژھوٹ وزن شامل۔ مزید یہ زہ بحر چھہ پانژھ حرفی ارکانو ستر شروع گوہان۔ باقی تمام بحرہ چھہ ستر حرفی ارکانو ستر شروع گوہان۔ دوشونی منز چھہ باقی بحر مقابلہ قبضک زحاف کثر ژسان ممکن۔ خرم چھہ یکن بحر منز باقاعدگی سان میلان حالانکہ نظری طور چھہ باقی تمام ہنز خاندان چمن بحر منز ممکن۔ (تبریزی سز الکافی) سوال چھہ یکن دوشونی بحر، طویل تہ متقارب، یکن منز یہ ہنز قدیم ہیو علاوہ ہند باہمی رشتہ تہ گیت چھہ، کتھہ پانچو ہمیکہ پتہ تغیر سپد تھہ۔ امہ معامچ کتر چھہ ژھوٹ متقاربے تکلیا ز یہ چھہ قدیم ہنز وزن ہمہ زیادہ نزدیک ہمہ منزہ ہم دوشوے بحرہ درامژہ چھہ۔ عروض چھہ دو یہ مسکو ژھوٹ متقارب وزن فرض کران۔

(۱) فعولن فعولن فعو/فعولن فعولن فعو

(۲) فعولن فعولن فعو/فعولن فعولن فع

یکن وزن چھہ صرف ضربس منز فرق۔ یعنی یہ ہمیکہ آستھہ فعو یافہ۔ اکر ہکون کھیم اکر سے وزن نمونس منز جمع کرتھہ۔

(۳) فعولن فعولن فعو/فعولن فعولن فعو

(فع)

انیس چھہ موسیقی الاشعار کتابہ منز ونان زامہ وزنک آخری رکن فہج چھہ خلیلن ایجاد، لیس نہ جیتھس منز موجود چھہ۔ یہ چھہ ز فہج چھہ فعو کھو تہ نایاب اوسمت مگر

یہ بحث زتھر اونک مقصد چھ یہ ہاون ز بحر متقارب تہ بحر
طویل چھ پانہ وانز دیکر رشتہ تھاوان لیس یمن دون
ہندس اکو سے آگرس کن اشارہ کران چھ۔ یمہ کز یہ خیال
غلط چھ ز متقارب بحر کیا چھ بلکلے الگ بحر یس ایرانہ
پٹھ آے۔ امہ بحر ہند ایرانی آسنکو ثبوت چھ کمزور۔

(۱۲) اسلام بروہمہ ایرانی شاعری ہندو کم ماخذ چھ
دستیاب، اتھ متعلق گروہہ راہی صاحب علم آسن۔ حقیقت
چھ یہ: اسلام بروہمہ شاعری ہندو نمونہ چھ نہ کنہ
دستیاب، یم چھ، تم چھ نہ ٹھیک پاچو پر نہ یوان۔ کینہہ
عالم چھ ماخذن ہنزا تھ نایابی مد نظر ونا ز فارسی شاعری تہ
عروض آپ اسلام چرخیابی پتے بارس۔ حقیقت چھ یہ ز
نوڑمہ صدی پتے چھہ ایرانی شاعری تحریری ماخذن منز
میلز شروع گروہان، تم تہ توارنجی تہ ادبی تحریر اندر
لوکٹن نکران ہنر صورت منز۔ مگر کیون عالم ہند خیال چھ
زیموکرو تہ چھ یہ اندازہ کرن ممکن ز فارسی شاعری تہ
عروض آسن پختگی تام و اتھم۔ مہ چھ باسان ایرانن نش
اوس نہ اسلام بروہمہ شاعری ہندسہ تصور تہ نظریہ لیس عربو
پیش کو تہ تھ پتہ ایرادو سبھا برژر کو۔ ایرانی شاعری
چھہ زیادہ تردد بارت لکھ شاعری آسمو۔ نوڑمہ صدی ہندس
عرب ادیب جاحظ سند بیانہ مطابق چھہ ایرانی شاعری
کلام اوسمت، شاعری نہ کینہہ۔ اتھ بیاس چھہ ایرانی عالم
جاحظ سند تعصبک نتیجہ زانان۔ مگر اتھ منز چھ یہ نکتہ پوشیدہ ز
تم خاصو یم تمہ وقتہ عرب عالم شاعری ہندو لوازم زانان
آسن، تم آسن ایرانی شاعری منز شاید واریا ہس حدس تام لکھ
شاعری آسنہ کز مفقود۔ ایرانی تہذیب اوس نہ عربن ہند
کھوتہ کم، یہ ہاونہ خاطرہ چھہ ایرانی عالم ونا ز ایرانس منز
چھہ شاعری ہنر روایت اسلام بروہمہ آسمو۔ اویستا کو
حمد یہ باتھ چھہ امکو ثبوت پیش کران۔ ثبوت چھہ پارتھین
تہ ساسانی دورن منز تہ میلان۔ ونہ چھہ یوان ز پہلوی
کتابہ درخت اسوریک تہ ایاتکار زیریان آسہ بذاتی
شاعری منز لیکھہ آمزہ، یمن منز قافیہ تہ اوس۔ وسطی ایشیا
ہس منز طرفانس منز ہتمہ صدی ہندس آغازس منز لہنہ

reduplication یاد ہراونہ کہ عملہ ستر۔ یعنی ژوان ارکانن
ہند شعر چھ پتہ کنہ دوشونی مصرعن منز سبب اوس سپد
دہراونہ کہ عملہ ستر اکس مصرعن منز تبدیل۔

(۵) فعولن فعولن فع / فعولن فعولن فع چھ
بنان فعولن مفا عیلن فعولن مفا عیلن (دو یلہ)
امی وجہ کز چھہ طویل س ہمیشہ اٹھ رکن آسن ستر۔ طویلک یہ
آغاز چھہ امہ وزنہ کہ شعرہ کس دو یس مصرعن منز شروعس
منزے خرم کہ امکان ستر تہ ظاہر سپدان۔ عہد وسطی کیو
عروضو آسہ یہ تبدیلی سببہ کم بیان کر مرثہ بلکہ آسن تم یمن
تبدیلین عروض سحت خلاف ورزی مانان۔ تبریزی سندو
کز اوس دو یم مصرعہ خرم کز الگ وزن بنان پچ ممانعت
آسن۔ ارتقائی عملہ ہندو یم آثار یم سبھا کال بروہمہ مکمل
آسن سپد کز، چھہ ثبوت دوان ز دہراونہ کہ عملہ ستر آسن
زتھر وزن بناونہ آسن، رجز خاندانی آتی نہ ہرچکو
تہ۔ زیوٹھ متقارب لیس تھید شاعری ہنداکھ وزن اوس
آود ہراونہ کہ بجایہ addition یا ہراونہ چہ عملہ ستر
بارس۔ یہ سپد تعمیر کرنہ آمتہ قدیم ہرج آہنگ کس اندس
پٹھ پتہ لیس دوشونی مصرعن منز وند اوس۔

(۶) فعولن فعولن فعو + (لن فعولن) فعولن
فعولن فعو + (لن فعولن)
ہراونہ آمت حصہ اوس عربی کہ معیاری زتھر کہ یعنی ستہ
حرنی۔ امہ عملہ ستر دراوہ نتیجہ ز اتھ وزنہ ہیوہ منز سپد کو وند
اکھ اکس ستر واقع حرفن ہند تعدادہ مطابق ۲۰ + ۲۰ =
۴۰ حرف لیس تعداد باقیہ کنہ تہ معیاری شہ رکنی ورنس
(۲۱ + ۲۱ = ۴۲ حرف) تقریباً برابر چھہ۔ چونکہ زتھر
مستقارب کس اکس شعرس منز آسن وزنہ لحاظ اٹھ اہم وند،
لہذا آویہ اٹھ رکنی وزن مانہ۔ اگر حرفن ہند تعداد کز تہ
پٹھمہ بحث کز وچھوز یوٹھ متقارب چھہ بحر طویل کہ اٹھ رکنی
وزنک شہ رکنی جوڑ بنان۔ تھہ پاچو چھہ ہرج خاندان
کین باقیہ شاخن ہندو پاچو متقارب طویل شاخس منز
تہ اٹھ رکنی (بحر طویل)، شہ رکنی (زیوٹھ متقارب) تہ ژور
رکنی (ژھوٹ متقارب) قسم کی رکنہ منزہ درامتی۔

آئینہ منچن مسودن منزتہ چھہ کینہہ حمدیہ ہاتھ ورنس پٹھہ
 ونہہ آئو۔ اسلام بروہمہ ایرانی شاعری متعلق چھہ اسہ پراہو
 ایرانی شعرہ ہیو وکتر یت علم سپدان۔ مثلاً سرودیس بادشاہ
 سندس دربارس منز حمدیہ ہاتھہ صورتہ منز پر نہ اوس یوان، یا
 اوس مذہبی رسن منزتہ پر نہ یوان۔ چکامک یا چامک
 یس لولہ نغمہ یا لولہ داستانیچہ صورتہ منز ونہہ یوان اوس، تہ
 ترانک یس تہوارن، لکھن چنک یا موج مستی ہندیا تھہ
 اوس۔ بہر حال، ماخذ دستیاب نہ آسکو، ہیکن یم وجہ آستہ۔
 ونہہ چھہ یوان ز عرب فتح یابی دوران تہ پتہ گے واریاہ
 پہلوی مسودہ غیب۔ سمند دربارج لایبری سپر نارس
 منز ضایع محمود غزنوی ین کر بوید لایبری ضایع۔ مگول
 حملن منزتہ سپر سبھا تہ کاری۔ بیا کہ وجہ ہیکہ یہ آستہ ز
 ساسانی دورس منز آس خالے شاعری تحریرس منز
 یوان۔ شاعری ہند بارہ مقصد اوس بادشاہ سز تفریح تہ
 دربارہ نمبر آس نہ یہ شاعری عام لکن ہند خاطرہ۔ ککہ
 شاعری یوس عام لکن ہند خاطرہ آس، آس نہ رتھ راوندہ
 خاطرہ ونہہ یوان۔ امہ علاوہ اوس تحریر زرتشت پچار بن ہنز
 جاگیر۔ تم آس ابتدائی مسلمان ہندی پانچو شاعری خلاف۔
 لہذا چھہ نہ اسلام بروہمہ ایرانی شاعری ہندیتھہ کا نہ ماخذ
 دستیاب یتھہ پٹھہ تھو دعو ز متقارب چھہ اصل ایرانی
 درتھہ ہیکن۔

تھہ سلسلس منز چھہ زہ مشکل پیش یوان۔ اکھ اسلام بروہمہ
 تحریری زبان۔ یات تام اسلام بروہمہ شاعری خاص کر
 پہلوی مسودن ہنز شاعری پر نک سوال چھہ، یمن مسودن
 ہند تحریر چھہ سبھہ بہم نہ ناص۔ زہ درجن کھو نہ زیادہ
 آوازن ہند خاطرہ چھہ تھہ تحریرس منز صرف تراوہ علامترہ
 ورتاوندہ آثرہ۔ واولن ہنز نمایندگی چھہ یا تہ سبھا اتفاقی نہ
 بلکل مفقود تہ واریاہ لفظ چھہ ہزوارش شکلن
 (ideograms) منز لیکھنہ آئو۔ تھہ صورت حاس منز
 چھہ نہ یمنکے ز وزنہ کس زچھر س تہ تعدادس متعلق کیا۔ یہ
 شقہ پانچو کینہہ ونہہ۔ تم عالم تہ ہم یہ مانان چھہ ز وسط دورج
 ایرانی شاعری چھہ مقداری بنیاد آسمو، چھہ اچھہ تقطیع

منز پانہ وانی سبھا اختلاف باوان۔ یہ مسئلہ چھہ ہیہ ہن
 دشوار سپدان ییلہ تم اوستایی شاعری کن گڑھان چھہ۔
 بیا کہ مشکل چھہ ایرانی عروض متعلق عالمن ہند شدید
 اختلاف۔ عروض کس سلسلس منز چھہ زہ مخالف نظریہ پیش
 کر نہ آئو۔ اسلامی عالم چھہ خلیل نس اثرس قل مانان ز نو
 فارسی شاعری چھہ مقداری، تہ ہیکلو تہ تکیدہ کس مسئلہ چھہ
 بلکل مشراوان۔ دویمہ طرفو عالم چھہ قابل ز اوستایی تہ
 پہلوی شاعری چھہ ہیکلو عروض ورتاوان آسمو تہ تھہ منز چھہ
 نہ مقدارک کا نہہ دخل۔ اگر کا نہہ تحریر تقریباً برابر ہیکلو
 زچھر منز تقسیم ہیکہ سپدتھہ، سہ چھہ تہ تحریر کہ شاعری
 آسک کافی ثبوت مانہ یوان۔ امہ پتہ چھہ نہ کا نہہ تحقیق
 ضروری زانہ یوان۔ لہذا چھہ دویمہ ہیکلو عروض بیان کر نہ
 یوان۔ اکس چھہ نہ نہیں ستر واٹھہ۔ تھہ صورتس منز کتھہ
 پانچو ہیہ ونہہ کس وزنہ آہنگ کتہ آو۔ ونہہ چھہ یوان ز
 متقارب متقارب محذوف چھہ وسط ایرانی شاعری منز ورتاوندہ
 یینہ والہ کا بن ہیکلو ہند وزنہ منزہ درامت۔ تھہ پانچو
 چھہ ونہہ یوان ز متقارب چھہ تھہن پہلوی باتن ہندن
 لکرن ستر واٹھہ تھاوان۔

بیچ این خاک انخیزت اوکے گاہ نشینت (ایساتکار
 زریزان)

تھہ شاہنامہ کس دقیقی سندس حصس ستر واٹھہ چھہ دنہ یوان
 تو زین خاک بر خیز او بر شو بے گاہ (شاہنامہ)
 تھہ پانچو چھہ ابن خردادہ پنہ کتاب المسالک
 والممالک کتابہ منز یم مقبول شعر اکس ابوالیہابی عباس
 طرخانی یس کن منسوب کران یمن منز متقارب یس ہیو آہنگ
 ثبینہ چھہ یوان

سمرقندی کندمند بے زینت کی افکند

از چاچ تاہی ہمیشہ تاخوی

تھہ کینہہ شعرن پٹھہ چھہ متقاربک ایرانی آسک دعو
 کھڑا کر نہ امت۔

(13) عربی زبانی منز چھہ لفظ بیست دون چیزن ہند خاطرہ
 ورتاوندہ امت۔ اکھ بدوی خیمہ تہ بیا کہ شاعری ہنز اکھ

امین کامل

سنزہ نو کتابہ

مہجورین بونین تل

ییلہ کانسہ ادبیس نہ شاعر س متعلق واریاہ
کینہہ لیکھنہ آسہ آمت، تس پٹھ کا نہہ نو
کتاب نیر نہ نوڑ چھ پر پٹھ پرلن والس توقع
روزان کنہ نو واشگافی ہند۔ مہ چھہ پورہ
پٹھ زامہ نگو پراوہ کتاب کامیابی۔
(کتابہ ہند دیباچہ منزہ)

جوابن چھ عرض

جلد اکھ

ییلہ ڈاکٹر اقبال مرحوم سراسر خودی شالیج
گر لو کٹھو بدو حضراتو تل تس خلاف قلم۔
حسن نظامی مرحوم دتس لغو کتاب تام فتوا۔
سید سلیمان ندوی مرحوم وٹس شگون نخس
تہ، علامہ مرحومس لاگ نہ چارہ اخبار وکیل
امر تر ۱۹۱۶ اندر مضمون لیکھت تمام
حضراتن جواب عرض کرن۔ کانسہ تہ قلم
کار س چھہ کانسہ تہ متعلق قلم تلک حق، مگر
یس متعلق قلم تلنہ ییہ تس تہ چھہ جواب
دنک حق واتان۔ (کتابہ ہند دیباچہ منزہ)

نیب کہ ذریعہ دستیاب

اکاپی۔ امی ذو معنی لفظ پٹھے چھہ عروض کین اصطلاحن
ہنز شروعات سہ سہ سبب یعنی رز، و تہ یعنی منج،
مصرعہ یعنی نیمک اکھ برہ (پردہ) پوٹ، عروض یعنی
منز مہمب۔ پٹھ خیمہ استادہ آسان چھہ۔ ابن عبد ربیہ
چھہ وضاحت کران۔ ”سبب چھہ اوہ موکھ ناودنہ آمت
تکلیا ز یہ چھہ بلہ ون ”یضطر ب“، اتی چھہ یہ آسان تہ اتی
چھہ غیب گوہان۔ و تہ چھہ اوہ موکھ ناودنہ آمت تکلیا ز یہ
چھہ محکم، تہ زنبہ نہ غیب گوہان (عقد، جلد ۵، ص
۴۲۵)۔ تہ پٹھ چھہ ابن السراج معیار س منز
ونان۔ ”خیمہ چین رزن تہ منجن ہند کر پٹھ تہ سبب تہ
و تہ شعر کہ و زکو عناصر بناوڈ مڑی۔ و تہ چھہ محکم، سبب چھہ اکثر
پٹھہ جایہ ڈلان تکلیا ز واریاہ زحافات تہ باقیہ تبدیلیہ چھہ
اچھہ منز سپدان۔“ تہ تہو بہترین وضاحتی بیانو پتہ تہ چھا
کین اصطلاحن ہنز مشابہت باقین زبانن منز ژھانڈیج
کا نہہ ضرورت؟ و وڈی گو و اگر کانسہ نیت خراب آسہ۔

ترہ نظمہ

شفیع شوق

ساد دید ہنزدہن گذاری

ساد بد کھڑے مڑ چھبہ دہش پانھی پھوچہ کڑ
بنکس نش بر بزن نش نکو تہ بڈی

شام گوو

شی!!

ہتھ نہ پرژھہ ہم کوت گی تم نکو تہ بڈی
ولہ پٹھ چھم تر بن گنڈرن ہندی پلو

زہ نیا کیکہ ترہ وری برو نہہ

پرژھہ نہ کیہہ تام... ژیر گوکھ!

اکر مہ تھونم ستھ تچ

سیدہ دارتھ پانہ دراو

ہہ...؟ ہہ کیا چھس چلمہ ونہ تیونگل وہاں

گاٹھ ووتھ

ٹاس گوو،

چھگ لچ،... آونہ

بائے دگ ہتھ زبہ مریم

دراہہ روٹھم اندمزار

مہ چھہ ساری بروٹھہ کڑ

لہہ دوونیم: ہتے روٹھکھ لمس؟

شری چھہ شری لازی کران

شانہ چھم ہی سندی مدری کھروکھ بوزناوان

بنہ

اکھ بنہ.....دون جنگلن منز باگ
 یوتن
 ہپا ر مہ تہ پیا ر مہ جنگلکو پو شرتہ جنیات
 منز ک منز دیوان
 اکھ اکس کن ونگان
 زانہ نہ اکھ اکس ستر چونٹھتہ رلاواں
 نہ زانہ نہ یونے کران
 صرف ونگان
 تہ پتہ پتس پتس جنگلس منز واپس شریان
 تہ بنہ رکھ
 تہ ہے وانا کھ
 تہ ہے ودا ستر

مدے

چنار کڈوئی چو برچھ شفتہ
 پیو ونہ دزتھ
 کلف تہ چا وہ او یزان
 بہ پیش کٹھیک سہ اندر کسر
 مدے گنڈتھ نپس

ماٹہ جائے پوکا تہ یادِ شورِ البشیر

فیاضِ دلبر

زیرِ وِانِ ریسٹورانِ والو کھول کو کر بازِ رماہِ ستمبر ۱۹۷۶
 آس پاس پننِ براچی۔ ناو تھو وِہس پوکا۔ پوکا بک
 وجودِ منرسنِ زنتہ سانہ پرانیہ محلہ کس کا وہ آٹکنس
 منز عیدِ دوہہ شامن و گنپوٹو لولہ ہرک۔ وچھان وچھان
 بنیو ویہ انتظار حسین سنز ناو لہ بستسی ہند ہوٹل شیراز۔
 میانین ہمعصر ارسرین، فنکارن تہ لکھارین ہنز ماٹہ
 جائے۔ مہربان صاب زنتہ امہ ماٹہ چاہیہ ہند مونو گرام،
 کونہ تلہ کس ٹیلیس پٹھ کھو ورس آتھس کبتہ چاہیہ پیالہ
 تہ وچھنس کبتہ غزل یا نظم بہتہ۔ مہ تہ مہربان صاب
 ستر ستریم دؤیم یارد دوست پوکا ہس منز بہمان آستمن
 منز آست غلام رسول (مین ساری یارد دوست بے کے
 ناو زانان چہر)، کشن کاو، وجے کول، شفیع ساگر،
 جاوید آذر، اعجاز بانڈے، غلام نبی بابا، ظریف احمد،
 شبیر شائق، امرجیت سنگھ ساگر، روف عارف شاہ
 گڈو، بشکیل الرحمان، گڈو کا شمیری، سجاد حسین، اشرف
 لنگر، شفقہ صاب بیتہ شامل۔
 پوکا بچ حالت آس یڑھ زسانین مین دوستن تہ پیہ
 محکمہ آبپاشی ہندن دنون ٹرون ٹھیکدارن ہریمانہ ہرگاہ
 کا نہہ تہ دؤیم شخص غلطی سببہ اوراڑہے تس زنتہ رٹھن
 ژور ہانہ۔ شامہ ژہا ین تھتھ ملون گوہان آس ماسٹر
 اسد اللہ ہس اوس 'ڈریور' پوکا ککین ہیر پاوین
 کھالان۔ ماسٹر جی چھہ گلوکار تہ کم قلیلاہ چھہ معروف
 تہ۔ زہنہ گری چھہ ایم اچھہ ہند گاشن نش محروم لہاز او سکھ
 پر تھ ساتھ ساتھ کا نہہ نتہ کا نہہ آتھس تھتھ کرتھ پکناون دول
 ستر آسان، مین ماسٹر جی ڈریور وِوان آس۔ ڈریور
 تھتھ ماسٹر جی کتہ خالی ٹیلیس تام وائناون اوس،
 ماسٹر جی تلہ ہے با تھ:
 سپریشان رات ساری ہے ستارو تم تو سو جاو
 سکوت مرگ طاری ہے ستارو تم تو سو جاو
 یہ آس پوکا چہ محفل سماج شروعات آسان۔ کا وِٹرس
 پٹھ بہت ریسٹورانکس مائکس، جنت گارگڈی پوکا
 ہس ووتلہ ہے وٹھن پٹھ عجیب اسن تراپاہ، منزہ منزہ
 ژلہ ہس بے وایہ پاٹھن ووشاہ تہ نہ تھ۔ کا نہہ تہ اکھاہ
 دیہ ہے ماسٹر جی تہ تھندس ڈریورس با پتھ چاہیہ ہند
 آڈر تہ محفل دائرہ ہے تیلہ اندیبلہ ماسٹر جی یہ با تھ تلہ
 ہے:
 ضایہ متہ کرتھ ٹاٹھ جوانی
 ژبہ ہاتھ میانینی درے
 دمدارہ یار وسمسار فانی
 ژبہ ہاتھ میانینی درے
 مہ گو وسمبھا ژیری احساس زسہ اوس مایوسی پیدہ کرن
 والین یمنے دون با تھن درمیان پوکا ہس منز اژان، یا
 مانتو ڈرامائی انداز بچ انٹرنی نوان۔ کپر وچولناہ ناو،
 وچھنس آتھس کبتہ وائر کلر پیڈ تہ کھو وراتھ پننس
 سینس پٹھ تھتھ کتھ تھتھ زنتہ دچ دبرارے ٹینڈر آسہ
 ہس۔ اژان اژانے پیہ ہے سانس ٹیلیس نکھہ تہ

کڑکھپوان۔ بیوے تش نش رکھ دنی تہ رنگ استعمال
کر کر زچھہ تموے نیوہ سہ انارل ڈکیر کر تھ۔ پولکا ہس
منزہنہن والو اس ساری رودو تش محبت تہ کران تہ گاہ
بہہ گاہ تسنر عا بقہ غابھہ تہ کران۔ تسندس قابلیتس واہ
واہ تہ کران تہ تسنر ان کر کشن پٹھہ تش ٹسنہ تہ ژٹان تہ
ہزل تہ کران تہ پنہنہ ضرور ژ مطابق پنہنہ با پتہ تقر تک
سامانہ تہ تسر منز ژ ہانڈان۔ مہہ چھہ شقہ یقین زہر گاہ
شورابیشرس یہ پتاہ اوس نہ ز زچھہ زچھہ لانپہ مینان
مینان پیارڈسہ پکان اوس سہ اوسلا ووم کنہ وودژ پور،
شالہ ٹینگ کنہ کھے ٹنگن مگر تش اوس یہ ضرور فکر تران ز
سہ ٹس تہ قدم تلتان چھہ سے چھہ غیر شعوری طور تسند
استحقا تک وجہ بنان۔ تش اوس بیمہ کتھہ ہند تہ احساس
ژ تسند حصہ کس تا پدو ہس چھہ کا نہ تہ کا نہہ پنہنہ مصلحت
ہند دانہ ہو کھنا وان۔ تش اوس یہ سورے کینہہ فکر تران
مگر سہ اوس گوش دوان، کتھہ کھپوان تہ اندر اندری
اسہ بسارنہ پٹھہ اسان، اسن کھکالہ تراوان۔ ماٹہ
جلایہ یعنی پولکا ہس منز تسنر امیہ ہند احساس چھہ۔ تھہ
کتھہ منز ظا ہر ز سہ رود ہمیشہ اسہ سارنہ منزس
موجود۔ پنہنہ موجودگی منز گیو اوس تھے، پنہنہ غیر موجودگی
منز تہ اوس سہ اکثر اسہ اندر پلھی آسان۔ اکھ وقت
اوس ز سانس گرو پس منز گڑھی ز ہے کتھہ کوہ قاف پٹھہ
شروع یار منکم پیلس پٹھہ، ختم گڑے شورابیشرس پٹھہ
ضرور۔ وچھہ وودژ اس پگلن کن، یوتاہ talented
مگر حاصل؟

شورا بشیر عین فن پاران ہنز ساروے کھوتہ بڈخوئی چھ
رگن تہ رکھن ہندہ کمہ کھوتہ کم استعمالہ باوجود کنہ
کنفوژن تہ کمزوری وراے مکمل اعتمادہ سان پرہتھ
جز، پرہتھ علاثر ہندحتی تہ واضح آسن۔ یلہے
عبور اوس اس مجسمہ سازی پٹھہ تہ حاصل۔ نو دلہ
ہنز دھوی مل آرٹ گیلری منموجود شورا بشیر سندن
فن پاران ہندخزانہ چھ از تہ تسنرفکارانہ عظمہ ہندوڈ
ثبوت۔

کٽھ وڙھ فن تخليق ڪرڻ ولس پڙھ ته واڙيہ بازرس
منز ڪنن ولس تام - شورا بشريہ بيوک نه زانہہ ته پالن
مار ڪيننگ ڪرھ - نه اوس تس بازڪ ظون، نه پٺيہ
موڪل - لوڪ آسرسن ڏرن باره تس تحفہ بيھت ڀيٽن ڪن

یہ چھہ حقیقتِ زِشورا بشیر ہیؤک نہ مادی طور تہ کینہہ
کماؤتھ یہ تند ر باقے بمعصر تہ تند کھوتہ کم قابلیت
تھاون وار دؤیم فن کار یڈاؤتھ ہیؤک۔ وجہ چھہ ظاہری

یاد آسمان ہنز شفیع شوق

سبز گوڈنچ شعرہ سو مہرن
سہز حالے شالیج۔ اتھ ڈاين ہتن صفحن
ہنز سو مہرنہ منز چھ شوق نہ تمہن ژ تہجن
ورین ہنز شاعری ہندا انتخاب۔

نیب کڈریعہ دستیاب

زنہ ہیک سہ سر پھہ ڈاکٹر ہتھ تہ نہ اوس سہ داستان
گو۔ تس کتر بیہ ہے ۲۶ جنوری با پتھ tableau
بناؤس مزہ۔ تس کتر نگہن 'رشدہ کی کشیدہ کاری' با پتھ
رومانوی شانہ گنڈین پٹھ پوشہ تھر بناؤس لہزار رودسہ
لؤب کن الگ پاٹھ پتھن تخلیقی دنیا ہس منز مست، اکھ
الگ تہ منفرد پہچان برقرار تھوتھ تہ چھیکرس بیلیہ پولکا
ماسٹر اسد اللہ ہن آخری با تھ تل، آخری وید اکھ دیت،
ماٹہ جاپہ لچھگ۔ پولکا ملکن ٹیلن پٹھ بہن والڈ اسر
ساری آہ چھکر نہ۔ اڈو ہیو لیف، اڈو ژاپہ چلس، مگر
سہ رود میانی پاٹھ لانیہ مینان، وتہ مانڈان تہ گو واکہ
دوہہ رحمت حق مگر تھہ منز تہ تھاون پنڈر انفرادیت
باقے، پنڈر ذات الگ۔

آزاد کشمیرس منز نیرن وول کاشرا دی رسالہ

نیری پوش

تھہ منز سرحد کین دوشونی طرفہ کین
ادبین ہندو تخلیق چھہ
مدیر

الطاف اندرابی

نیب کڈریعہ دستیاب

فیاض دلبر

سبز گوڈنچ شعرہ سو مہرن

ہارنس تاپس اندر

”کاشر زبانی منزیم نوڈ شعرہ صد ازل کن
گوشہان چھہ تمومنزہ چھہ بڈاکر پنہ تخلیقی بتریک
پنہ پاٹھو باس دین ہیکر مت۔“

-- رحمن راہی

نیب کڈریعہ دستیاب

شبِ غزل

سنیتا رینہ پنڈت

وچھتہ جگر بوڑروم کوتاہ
وآرو گرہ اپنوم کوتاہ

مائنز گلو سومبراویم نیامز
بنگر نریو ورتوم کوتاہ

مانز براندس پٹھ لوکپارس
اچھ دارین ونہ نوم کوتاہ

زونہ مونگم مہرازہ دیس ہیو
لیہ انی انی ولسوم کوتاہ

زینہ ویز تراؤکھ اشہ درایا
سے آنگن اسنوم کوتاہ

تن من پشرتھ یتھ گرہ بارس
لوہ لنگرے پکھ نوم کوتاہ

نالہ متہ رڈتھے وون بہ راجن
ڈکھ جگر پل تھوم کوتاہ

دادر ووتلاوو تہ ادہ لیکھو غزل
مس گتھو راوو تہ ادہ لیکھو غزل

شوقہ ہوت انہار شعرس منز برو
نار شہلاوو تہ ادہ لیکھو غزل

کیاہ نزاکت یتھ تہ ہتھ کاژاہ فرق
گوڈہ یہ وپھناوو تہ ادہ لیکھو غزل

عشقہ سہلا بس تہ یں بے واپہ پیو
چشمہ ووتھراوو تہ ادہ لیکھو غزل

پکھ پھلے چھاوو تہ سونیک مس چہو
زتنہ سومبراوو تہ ادہ لیکھو غزل

اکھ اکس وولہ دل رچھو کا نچھو رثر
یتھ بجر پراوو تہ ادہ لیکھو غزل

چھم شوق تہ منہ واراگ روچھم
سہچہ وار اندر اکھ ناگ روچھم

وونڑی تروو مہ واین نہریم کینہہ
انحد اندریم بس راگ روچھم

ژہو دودہ تے رہتہ بدو مشراوم
وونڑی ورین منز بس ماگ روچھم

لر نار دیتم لہہ ہر ستین
گرہ سورے رہیہ منز باگ روچھم

پھٹ قلم تہ ماتوگ لیکھن وونڑی
ژھین کاغذ ملہ ہند داغ روچھم

سدرچ ژھوپہ گے سنہرچ آن
بوزن تکیا چھکھ نادان

دارین ہانکل کیاہ تھاوہ
واوچ ژھوپہ گے بوڈ طوفان

ژھوپہ گے روپہ سنز وفتس پٹھ
فلج ژھوپہ گے زمن ہان

زیو روس نرگوو وڈو سندر
للہ ہنز ژھوپہ گے زمن زان

رودن راتھے آنگن پھول
واون پوشہ تھرین رنگ مول

محمل و تھرن سبزا سبز
دچھ پونری وچھ عالم دول

چھمچھم وٹھ پاں ژادر وچھ
چھوکہ نوون زن آنگن دول

میانس باغس شراون آو
دار تله گلزارا پھول

ناگہ بلن پٹھ راگہ دوے
ککھو کور سنطور تہ کول

چانس شہرس ڈالہ انے
پننن ناگن ہند پاں گول

گوشہ گیشمس رڑھہ کھنڈر شراون از
گمہ شہلن رُمہ ووشلاون از

آکاشہ وسر گڑھ آبہ جویا
بترائ گوتھم نوو یاون از

مہ چھ دور ژلن ژھن دتھ رشتن
کینہہ تراوتھ پتھ کن تراون از

زو ژٹھم کینہہ چھ نہ وائے تمیک
اچھرو عالم الراون از

کملاتھ موکو پاٹھو جگر
مس پیالہ برتھ چھم چاون از

کھوجہ سام

ہارس تاپیں اندر -- فیاض دلبر

شعرہ سومبرن، ۹۶ صفحہ، نسرین محسن سنہ ۱۲ پیننگلہ

ناشر: سٹیڈیو نائین، غازی آباد، اتر پردیش،

مول ۲۰۰ روپیہ

چھ۔ اسہ منز بیا کھ اکھ کامیاب شاعر تہ چھ غزل لکے شاعر بکر
سنز مقبولیت وچھ غزل کس اکس اہم پہلوس بیجے عروفس
پٹھ غیر مفید، غیر اہم بحث زانتھ مانتھ تلنہ چھ امت۔ کنہ
تہ شعرہ ڈاڑ ہندن امکانن تہ کارآمدی ہند فیصلہ چھ نہ تمہ
کن خراب یا کمزور مثالین یا شاعرن مد نظر کرنہ یوان۔
بہر حال، فیاض دلبر سند مجموعہ چھ شفیق شوق بین غزل مخالف
سوالن جواب۔

رؤسل میرن شعر چھ۔

ہارنے تاپے گاحض بو

دانی دانی شہ مانی زمینہ لولو

اسہ چھ یہ معلوم ز فیاض دلبرن چھ پٹھ مستقل سکونت دلہ
اندر کر مرث۔ مگرامہ کن چھ نہ یہ ضروری ز اتر وچھ تہ ژھانڈو
اڑ سنز شاعری منز گریشمہ تاپہ ژنجہ، یادمو اڑ سنز شاعری
ژہ تہ کھرو وناو۔ سارے شاعری چھ بڈاتی راون تپول،
خاص کر کاکا شاعری تہ عشقیہ شاعری بیک تصور تہ دراعے
مکھنے چھ نہ۔ فیاض بیلہ کشیر مبر نیرنے اوس اڑ سنزن
نظم منز اوس سے راون تپول لیس اڑ سنزن دلہ اندر
ونہ آمتن شعرن منز چھ لینہ یوان۔ ہارن تاپہ بیک
رؤسل میر تہ کشیر ہندس شملس علاقس منز بہت شکوہ کران
اوس، چھ شاعری ہندو بہ شمار استعارہ ومنزہ اکھ، بیدہ خاطرہ
دلہ اندر سکونت پذیر گوتھ ضرورت چھ نہ، مگر دلہ منز
روزن والی سنز شاعری منز یہ استعارہ آسن چھ فطری تہ امہ
استعارچ نوعیت مختلف آسن تہ چھ فطری۔

گریشمہ ژھٹن منز چون سہ آسن ساتھ مہ ستر

سیگلکس منز وسہ ون دریاوا تیتھ احساس

مہ اوس پانہ اکس شعرس منز علی گڈھ کنہ دوہن یہ استعارہ
یتھ پاتھ ورتوومت۔

تاپن تہ تاپہ نوو پٹھ کنز سیکل سبھا

ا سکھ ژہ ستر ستر مگر سایاں بٹھ

امہ پتہ گو و مہ مجروح رشید سند تہ تھتھ شعر نظر لیس تہ سند
ونہ تہ تہ دلہ ہندس گریشمہ الاوس منز وون۔

تاپہ صحراوس اندر بیلہ بیلہ تہ زن وتلیو و تاپھ

یہ بوزتھ ز فیاض دلبرن چھ پن شعرہ مجموعہ چھ وومت گوس
بہ جیران۔ اکھ بیکر کنز اگرچہ مہ پناہ اوس ز فیاض چھ منز
منز شاعری کران، مگر یہ خیال کرن اوس مشکل ز سہ کیا
چھ پناہ کنہ دوہہ سنجیدگی سان پن شعرہ مجموعہ۔ جیرانگی ہند
دویم تہ یو ڈوچا اوس ز بہ زانہ ہن فیاض بحیثیت اکھ نظم گو۔
مگر مجموعس منز چھ غزل تہ، تہ تمہ ہند تعداد چھ زیادہ۔
نظم چھ کتاہ پتھ کن جاعے دنہ آمز۔ یہ تبدیلی چھ
سبھا دلچپ۔ فیاض دلبرن مجموعہ چھ غزل کنہ امکانن،
امہ چہ برتری، مقبولیت تہ کامیابی ہند اکھ تو وثبوت۔

شفیق شوقن، لیس وار یا ہو رگورجن راہی صابن ژاٹھ چھ،
چھ حال حالے غزل کس مسقبلس تہ امہ کنہ شعری امکانن
پٹھ سوال قائم کرڈتے، بلکل تھتھ پاتھو یتھ پاتھو سند
ووستادن ژنجہ وری برومہ غزلچ مخالفت کریہ۔ دلچپ
کٹھ چھ یہ ز غزلچ یہ مخالفت چھ تمہ شاعرن ہند طرفہ
غزل کس ففس منز نسبتا کمزور چھ یا خاطر خواہ مقبولیت قائم
ہیکو نہ کرتھ، تہ زیادہ تر نظم ہند شاعر چھ مانہ یوان۔
ازتام ووتھ نہ کانہہ شاعر، باقن زبان منز تہ، بیک کامیاب
غزل گو ا ستھ غزلچ مخالفت کر۔ شفیق شوق لیس ووستاد سنز
مخالفت چھ کینہہ ہا کال صابنہ کامیابی ہند رد عملک تہ
کینہہ ہا پنہ غزل گوہی ہند غیر تشفی بخش احساس نقیہ۔
موجودہ دورس منز کاکا شاعر ز بان ہند عظیم شاعر چھ بنیادی طور
غزل لکے شاعر۔ اڑ سندس اتھ بکس کن وچھتھ تھوا اڑ سندو
ہمعصر و تہ غزلچ مخالفت کرن والہ یہ غزلچ مشق جاری۔
یہ سہ حال چھ از تہ بیلہ شوق غزلس پٹھ سوال قائم کران

زائے خودا میہ کوچہ پکیا تیا زانہہ شہزاد
دار دس پٹھ ہو گنیا تھاوتھ گؤد لو کچار
کھوٹن پٹھ آس خواب حقیقت کیا وچھو
سوچن ٹھر اوس خوف تہ لوچن کس لمہو
میو ہنز بیہ سوے خوشبو آیم
روداہ پیومت چھا صحراوس

مجموعس منز بیتاہ خوبصورت غزل چھ، تیوے خوبصورت
چھہ نظمہ تہ۔ اگرچہ فیاض اسلوب نظم غزلن منز کی
طرزک چھ، تاہم چھ کینون ظمن منز سہ کشیر ہندو حالاتو
زیادہ تہ براہ راست آورو مت۔ اتھ سلسلس منز چھہ
تیول، نیب، یہ ڈاک کوت گودھ قابل ذکر۔

چھہ تھ فوئس بیہ کھر کھر گؤو
اچھا تراو، خودا تہ تہ رچھن
مہ تہ پیہ بجلی بندا تھاوڈ
تہ تہ شوٹک کینہہ کلمات پرتھوڈو
دیو آسہ صحتک گاش نصیس
پتہ کیا کیا گودھ از راتس
پگاہ پرودو شوے اخبارس (”نیب“، نظمہ منزہ)

دل اندری سوچان للبس ینہ نظر بد
بی کران پرتھوڈو ہچھی روزان رات کیت
جھنس ہمسایے باین کن دپان
وچھو بی کیتھ چھم گؤ مت ما آورا تھ
پندر مہ شب کو ڈم کرم ماکھ تہ زول
کانہہ خیال ماجہ ہند ماچھس، نہ چھس گرہ چپ فکر
دنیا بکھر شری ہے وسان آس عید گاہ
تو فله بوئن نش شوکتھ کس روزبا (”تیول“، نظمہ منزہ)

-- منیب الرحمن

یاد چھم تہ تہ پرتھ قدم اُسکھ ہناں تھہ سائیاں
مین تریشونی شعرن منز چھہ کئے استعارہ ورتاوندہ آمت۔
میالں تہ مجروح سندس شعرن منز چھہ لگ بگ کئی کتھ، مگر
فیاض شعر چھہ رتھ کھنڈ ورتاوندہ۔ اتھ منز چھہ طنز تہ
گنجائش تھاوندہ آمت۔ رؤسل میر نہ استعارچ نوعیت چھہ
مقامی تہ ہائس تاپس چھہ شنہ مانہ تہ لچہ واٹھ دھکڑ دون
وجودن یا حالون ہندس تضادس فایدہ ملتھ شعرن منز اکھ
وجودی سر سبز پیدہ کو رمت۔ بہر حال، بیہ خشک مطلب
چھہ یہ زامہ فمکو استعارہ ورتاوندہ تہ فیاض شاعری
تہ نہ کھر ورتاوندہ یعنی تہ نہ کھر ورتاوندہ کہ نہ چھہ دلہ اندر
مقیم۔ اتھ منز چھہ تہ تجربہ، تہ احساس، تہ جذبہ، تہ
استعارہ، تہ آہنگ، تہ لفظ، تہ موضوع، تہ آوازہ
یم کشیر اندر مہ شاعری منز میلان چھہ۔ راہی صائے یہ کتھ
چھہ درست فیاض دلہر سبز شاعری ہنز قوت چھہ امہ
کس غیر تقلیدی کردارس منز۔ مگر امیک مطلب چھہ نہ
تسبز شاعری منز کیا چھہ نہ پیشروون تہ معاصران ہندو صدا
کنن گودھان، بلکہ چھہ مین آوازن ہنز موجودگی فیاض
تہ شاعری تقویت تہ اعتبار بخشان۔ فیاض نہ شاعری منز
چھہ رؤسل میر، نادم، راہی، کامل، راز سزہ آوازہ خاص
کر کنن گودھان میہ کئی یہ شاعری زیادے مناسب، پز،
قابل ہضم تہ روایتس ستر پیوستہ چھہ۔ امہ شاعری ہند
آہنگ تہ چھہ خالص کاشرتکیا نمٹھ فی صد غزلن تہ ظمن منز
چھہ بحر متقارب ورتاوندہ آمت۔ یہ آہنگ زانہ ورتاوندہ
خاطرہ چھہ نہ عروض کا نہہ زانکاری ضروری۔
ہائس تاپس اندر چھہ سبھا خوبصورت ظمن تہ غزلن ہند
مجموعہ۔ کتابہ ہنز خوبصورتی تہ معنویت چھہ فیاض نہ شریک
حیات نسرین حسن سز و پٹنگو ستر بیہ ہن ہر بیو۔ کینہہ
خوبصورت شعر وچھو کھ، مین ہنز کتابہ منز کا نہہ کی چھہ نہ۔

کتھو ستین مہ شاندر پٹھ یہ تھوتم زون کرھ از
اتھو ستین بہ رودس راؤ راتس گاش ساران
دکڑ اوس دتھ دریاو تہ ژؤلمت چانی پانگو
بلو اوس سہ کدک ٹھوٹھ ونہ پیاران نالہ متین

يمه شمار چه محفلہ هند تعارف

♦ **امين کامل** سندريم غزل چھتر سندر پانز مه شعره مجموعہ
يک ميلاني سخن منزه کلدنه آمتي۔ يہ مجموعہ کورمہ پانہ ۲۰۰۱
منز مرتب، مگرونیک تام ہيک نہ کينہہ کامل صابنہ ناحتی
کرتي کينہہ مالی ويلن ہنز تنگی کز شایع گوہتھ۔ دو مید چھہ
ہیس یہ چھاپس اندر سوزنہ۔ یکن غزلن ہنز پختگی، روانی
تہ معنی آفرینی چھہ ناکارہ۔ یکن ہنز انفرادیت چھہ۔ تھ
کھہ منز ییم چھہ نہ خوبصورت لولہ نغمہ تہ نہ دھتر لفظ
بنڈار بلکہ چھہ یکن منز سانہ زمانہ کین محسوساتن ہند طاقت
ور تہ اثرہ یارت اظہار تہ احتجاجی لب لہجہ سان سپد مت
یس زن ہمعصر کا شرس غزل منز خالے نظر گوہان
چھہ۔ یہ رسالہ کس تجدیدس پٹھہ ہیکہ نہ پران والین ہندس
خدمتس منز یکن غزلن ہند کھوتہ یڈ کا نہہ تختہ آستھ، سہ تہ
امہ کس بانی کار سندہ طرفہ تہ امہ تعدادہ تہ فراخ دل سان۔
♦ **رابرٹ بلیے** Robert Bly چھہ اکہ بزرگ امریکی شاعر،
یک فارسی تہ اردو پٹھہ ترجمہ کرک تہ غزلک اکہ پنن یقی طرز
بنو۔ اکہ سندن شبن بندن ہندن غزلن ہند پرہتھ ہند
چھہ ترہن مصرعن ہند آسان تہ اکثر قافیہ ردیف ورانے،
منز منز چھہ صرف ردیف ورتاوان۔ اکثر چھہ اکہ مصرعہ
پٹھہ ہیئس مصرعن تام، اکہ شعرہ پٹھہ ہیئس شعرس تام ووتہ
تلان، یس اکہ سزن نظم ہند تہ گوڈہ پٹھہ اکہ خاص انداز
چھہ رودمت۔ آغا شاہد علی اوس غزلک کس تھو آزاد تصورس
خلاف۔ مہ چھہ بیک سبز اتھ ہیو غزل نظم ناو تھو وومت۔
بلی اوس ۶۰ کس دہس منز امریکی شاعری منز اکہ نو تحریکہ
ہند انہم رکن۔ تھ تحریکہ پیو وڈیپ ایچ ناو۔ ملکن باقی
شاعرن منز آس لوی سمپسن، ولیم سٹرافورڈ تہ جیمس رابٹ۔
یکن ہند طرز اوس یکن بروہہ یینہ والین شاعرن مقابلہ
پر جوش تہ غیر منطقی۔ امہ شاعری ہند تعلق اوس شعوری ذہنس
بجایہ غیر شعوری ذہنس تہ۔ بلی سندس تازہ مجموعس پٹھہ کرو

اکر دویمس شمارس منز اکہ تبصرہ شایع۔

♦ **رفیق داؤد** سندیه مضمون چھہ تسنیز زیر تکمیل کتابہ تہ مضمون
ہند تہ سلسلک حصہ یس تہ تہمس دہس منز سپدن والین
عروضی مباحثن ہندس رد عملس منز بلہن شروع کور۔ اتھ
مضمونس منز چھہ ہاونہ آمت زارکان یا افاعیل ییم عروضکو
بنیادی سانچہ چھہ، چھہ آرامہ سان کا شربن لفظن، لفظ
ترکیبن ہند میو بنان۔ امہ پتہ چھہ یہ ہاونچ ضرورت ز
افاعیلن ہند کا خاص مرکب آہنگ تہ چھہ کا شکر کہ خاطرہ
تیتی براہ یڈ ییم افاعیل چھہ۔ دو مید چھہ تھ شمس کن تہ
یہ توجہ کرنہ۔ رفیق راز چھہ ریڈ یو کشیرس منز اسٹنٹ
ڈایریکٹر۔

♦ **سنیتا دینہ پنڈت** سند کا امہ چھہ فیاض دلبرن
سوزمت۔ امہ خاطرہ تسند شکر یہ۔ سنیتا چھہ پتمن دہن
ورین منز تو نیرن وانجی اکہ توانا شعرہ آواز۔ اکہ سندک چھہ
ونیک تام ترہ مجموعہ چھہ تہ۔ **رنج یاد** (۲۰۰۱)، **سوزل**
(۲۰۰۳) تہ **پوت زونہ تھتھ** (۲۰۰۴)۔ تھ شمارس
منز شامل غزل چھہ پتمہ مجموعہ منزه کلدنه آمتی۔ تھو چین
جرن منز امہ خوبصورتی سان شعور تہ چھہ نہ آسان۔ اگر دین
نا تھ نام سندس غزلس پنو کا نہہ حقیقت چھہ، تھہ پٹھو
کینہہ نقاد سونچان چھہ، تیلہ گوہن سنیتا یہ ہند غزل تہ
حقیقہ ہند موثر تو اتر زانہ تہ۔ سنیتا چھہ شایما رگا رڈن،
صاحبہ آباد، یو پی روزان۔

♦ **شفیع شوقن** سوزہ پنہ ترہ نوہ نظم سبھہ مصروفیت کین
حالاتن اندر، یہ خاطرہ تسند شکر یہ ضروری چھہ۔ شوق چھہ
راہی صابس پیہ سون اکہ بہترین نظم گو۔ اکہ سزن نظم
ہند کا موضوع، اختصار، صرژن ہند دانستہ ورتا وچھہ
اس باتے تمام نظم نگارن نش ممتاز بناوان۔ شامل نظم منز
چھہ سانہ روحانی، جذباتی صورت حالک بیان سبھہ
خوبصورتی سان سپد مت۔ شوق سند گوڈنیک شعرہ مجموعہ
یاد آسمانن ہنز سپد حال حالے شایع۔

♦ **فیاض دلبرن** لچھہ شورا بشیر سنز یہ یاد آوری میانہ فرمایہ
پٹھہ۔ فیاض چھہ وی جرنلسٹ تہ فلم ڈایریکٹر، اندرا پورم،

خبر نامہ

◆ بیس آکاشر زبانی ہندس عظیم سخنور امین کامل صاحب صدر جمہوریہ ہند سندھ طرفہ پدم شری یک قومی اعزاز دہ۔ امہ خاطرہ چھ مہس نیب مبارکباد پیش کران۔ پدم شری کہ اعلانہ کینہہ رتھہ بروہہ آو کامل صاحب عرفان کاٹھواری فاؤنڈیشن ایواڈ تہ دہ۔ امہ خاطرہ تہ چھ کامل صاحب مبارک۔ جدید دور کس انہم شاعر غلام نبی فراقی صاحب آؤ سنہ صدائے سمندر شعرہ سومرہ پٹھہ ساہتیہ اکیڈمی انعام دہ تہ اعزاز بخشہ، بمر خاطرہ ادارہ نیپتس دلی مبارکباد کران چھ۔ بمر دہ نوڈی تھتین ہندس اعزازس منز آہ کشمیر لیکچوئج ایسوسی ایشن تہ ریاستی کچرل اکیڈمی ہند پانہ وائی اتھ واسہ ستر اکھ پروقار تقریب بلاونہ تھہ منز بمر شال پوٹی کرنہ آہ۔ اتھ موقعس پٹھہ پرڈ رسول پوپر صابن کامل صاحب پٹھہ تہ شاد رمضان صابن فراقی صاحب پٹھہ تہ منظور فاضلی صابن دوشوئی پٹھہ مقالہ۔

◆ اردو زبانی ہند اکہ منفرد، زیتھ وائس پراون والہ تہ جدید ادبک مقدر بناوان والہ رسالہ شب خوش اشاعت آہ بیس جون ریتہ پٹھہ بند کرنہ۔ امہ عہد ساز رسالہ کہ بند گڑھہ ستر سپد اردو ادبک اکھ بڑا تہ کامیاب دور ختم بیک روح رواں رسالک ترتیب کار تہ اردو زبانی ہند عظیم نقاد شمس الرحمن فاروقی پانہ اوس۔ تقریباً ۴۰ ورین ہنز اشاعہ منز چھپیہ شب خوشکو ۲۹۲ شمارہ۔ شب خوشک آخری شمارہ آہ سبھا ضخیم تھہ منز امہ رسالہ کین لکین ڈیجین ورین ہند شالما تان ہند انتخاب علاوہ کینہہ نوڈی تہ اہم چیز تہ شال آسن۔ شب خون رسالن ترواندی پٹھہ چین واریا ہن زبان ہندین ادبین پٹھہ سبھا اثر، بمر منز کاشر زبان تہ اکھ چھہ۔ یہ رسالہ بند گڑھہ ستر کیا اثر پیہ اردو چہ جدید تر پیہ، تہ ون چھنی الحال مشکل۔

◆ امریکی شاعری ہند اکھ بڑا شاعر تہ ادیب رابرٹ کریلی سپد اپریل منز رحمت حق۔ کرلی اوس چارلیس اوسن، رابرٹ ڈیکن تہ ڈنیل لورٹوس ستر بیک موٹین

غازی آباد، یوپی لیس منز روزان۔ اکر سندھیران کن تہ خوبصورت شعرہ مجموعہ پاپلس تاپس اندر سپد ہتمہ ورہیہ شال۔ ◆ شورا بشیر اوس اکھ دلچسپ تہ ملنگ انسان۔ پنہر ملنگ طبیعت کڑی ہڈک نہ سہ مصوری ہند پن فن ارتقا کین تمن تھرن کن تھہ بمر ہندس ہن اوس۔ بمر دہ ہن بہ دلہ منز مقیم اوس مہ لٹش آو کینہہ لٹہ۔ اکہ دہہہ پیڈ میانس ڈیرس پیڈ وائتھ تہ کرن کینہہ وائرل مہ عطا۔ مہ ویٹوس بہ کیا کرکھ۔ تورہ دو پنم پیٹہ رٹہ نہ بمر کانہہ، کشمیر پیٹہ تلاشین دوران فوج بمر ضالچ کرتھ۔ لہا زار کھہ ٹرے۔ کڑھنی بمر تر آوتھ، مگر پتم پندہ زیادہ وری ووت مہ بمر رآ چھ کران۔ بیو وائرلکرومنزہ ہیکو کہ تہ کینہہ نیب چہ وہسایہ پٹھہ وچھتھ:

www.neabinternational.org

◆ ہر دے کول بھارتی چھہ سائہ افسانک نو تہ بیون انداز۔ اکر سندھ افسان ہنز فکرانہ خود کلامی تہ علامتی معنی خیزی چھہ پران وائس ہمیشہ تھف تراوان۔ شال افسانچہ خود کلامی ہنز سیاسی، روحانی ملہ مش پھرارے چھہ اتھ سائہ توہنک مرکز بناوان مگر ضروری چھہ نہ زیہ پھرارے کیا ہیکن ساری محسوس کرتھ۔ بھارتی صاب چھہ دلہ نزدیک فرید آباد روزان۔

◆ منیب الرحمن چھہ آفا شاہد علی تہ امریکی غزل، تہ رابرٹ بلیو سندھ غزل کھہ باقن ہندی ترجمہ کرڈی۔ فرصت نہ آسنہ کڑی چھہ زیادہ تر لفظی ترجمس کام ہنہ آثر۔ امہ علاوہ چھہ منبیر رابرٹ بلیو سنزن ڈون غزل نظم ہند ترجمہ تہ کو رمت۔ خلیل نس عروض پٹھہ منبیر مضمون چھہ اکہ زیتھ مضمونک حصہ، لیس راہی صابنہ عرضی صورت حال کتابہ ہندس رعملس منز لیکھنہ چھہ آمت۔ اتھ مضمونس منز چھہ ہاونہ آمت زخلیل نس عروض متعلق بمر شک شبہ راہی صابن پرویز خان لری لیس وہ زم بٹھہ ظاہر چھہ کرڈی، تم چھہ سراسر عروض چہ معمولی زانکاری تہ لاعلمی پٹھہ مہنی۔

نیب

رسانچ و ب سائٹ

چھبہ دستیاب،

یتھ منز تھنز دلچسپی ہند

واریاہ سامانہ چھبہ۔

اتھ و ب سائٹ چھبہ دوہہ

پتہ دوہہ ہر برسپدان۔

تازہ ترین غزل، نظمہ،

افسانہ، مضمون، زبانی ہندی

مسئلہ پر نہ خاطرہ و چھون:

<http://www.neabinternational.org>

شعری تحریک ہندو بانی کار و منزہ، یوس تحریک ہتمہ صدی ہندس پانزئس تہ تیس دہس منز عروس پٹھ اُس۔ کرلی سز شاعری ہنز پچان اُس تسنز مختصر زبان تہ آزاد ہیت۔ تھ اندر سہ طاقت ورجن تہ احسان ہنز کشید کاری کران اوس۔ کرلی سندس مرنس ستر موکلیو امریکی شاعری ہند اُخری یو آزاد طبیعت جدیدیت پسند شاعر مگر سند یہ جملہ سبھا مشہور سپد: ”ہیت چھبہ نہ مواد چہ توسع ہریمانہ پیہ کینہہ۔“ کرلی اوس ۸۷ دہر۔

◆ نوبل یافتہ امریکی ناول نگار سال بیلو گڈریو پنہ گر بائٹنس لبروکلاین شہرس منز۔ تسنز اُس ۸۹ وری۔ دؤیمہ جنگ عظیم پتہ یہودی ادب تہ ہنز یوس ہیڈ امریکہس منز درائے تمن منز سپز سال بیلوس سبھا پڈیرائی۔ تس میول تریہ لہ نیشل بک ایوارڈ، تہ ۱۹۷۶ منز پلور پرایز تہ نوبل انعام تہ۔ سال بیلو اوس ظریفانہ افسردگی ہند طرز تحریک ماہر۔ Augie March, Seize the Day,

Henderson the Rain King, Herzog اوسنزہ ناولہ یمن ہند زریعہ اکھ یو ڈادیب بنیو۔ یمن ناولن منز کر تھو انسانی روح حمایت تہ جدید دنیاہس منز امہ کس انجاس پٹھ کورن رنج و غم ظاہر۔ ونہ چھ یوان ز وہمہ صدی ہندس امریکی نثری ادبس چھبہ زہ ناول نگار ڈھس۔ ولیم فاکنر تہ سال بیلو۔

◆ اردوچہ آزاد نظمہ ہنز معماری تہ آبیاری کرن والبن بڑن شاعرن ہند کاروانک اکھ منفرد تہ شاید اُخری رکن قاضی سلیم سپد رحمت حق۔ قاضی سلیم چھپو ۱۹۷۱ منز پن گوڈ نیک شعری مجموعہ ”نجات سے پہلے“ لیس سبھا مقبول سپد۔ سہ اوس کامیاب شاعر آئنس ستر اکھ کامیاب سیاست دان تہ لیس مہاراشٹر چہ اسمبلی پٹھ قومی پارٹمنٹس تام ووت۔ قاضی سلیم سز شاعری منز چھ انسان سند یو دہکھو تہ تسنز روحانی تشنگی اظہار لوہمت۔ پنہ زمانیک مزاج، تصورات تہ مسئلہ چھبہ امی سز شاعری ہندس تعمیرس منز خاص طور اہم۔ قاضی سلیم سند کلیات چھ ”رستگاری“ ناوہ تسنز زندگی منز شائع سپد مت۔